

(621)

- 8.001.01a má cid anyád ví śamsata sákhāyo má riṣanyata |  
8.001.01c índram ít stotā vṛṣaṇaṃ sácā suté múhur ukthā ca śamsata ||  
8.001.02a avakrakṣiṇaṃ vṛṣabhāṃ yathājúraṃ gāṃ ná carṣaṇīsāham |  
8.001.02c vidvéṣaṇaṃ saṃvānanobhayaṃkarāṃ máṃhiṣṭham ubhayāvīnaṃ ||  
8.001.03a yác cid dhí tvā jánā imé nānā hávanta ūtāye |  
8.001.03c asmākam bráhmedāṃ indra bhūtu té 'hā vísvā ca vārdhanam ||  
8.001.04a ví tartūryante maghavan vipaścíto 'ryó vípo jánānām |  
8.001.04c úpa kramasva pururūpam á bhara vājaṃ nédiṣṭham ūtāye ||  
8.001.05a mahé caná tvāṃ adrivaḥ párā śulkāya deyaṃ |  
8.001.05c ná sahásrāya nāyútāya vajrivo ná śatāya śatāmagha ||  
8.001.06a vásyāṃ indrāsi me pitúr utá bhrātur ábhuñjataḥ |  
8.001.06c mātā ca me chadayathaḥ samá vaso vasutvanāya rádhasa ||  
8.001.07a kvēyatha kvéd asi purutrā cid dhí te mánaḥ |  
8.001.07c álarṣi yudhma khajakṛt puraṃdara prá gāyatrā agāsiṣuḥ ||  
8.001.08a prásmāi gāyatrām arcata vāvātur yāḥ puraṃdarāḥ |  
8.001.08c yābhiḥ kaṇvásyópa barhír āsādaṃ yāsad vajrī bhinát púraḥ ||  
8.001.09a yé te sánti daśagvīnaḥ śatīno yé sahasríṇaḥ |  
8.001.09c áśvāso yé te vṛṣaṇo raghudrúvas tébhir nas túyam á gahi ||  
8.001.10a á tv àdyá sabardúghāṃ huvé gāyatrāvepasam |  
8.001.10c índraṃ dhenúṃ sudúghāṃ ányām iṣam urúdhārām araṃkṛtam ||  
8.001.11a yát tudát sūra étaśaṃ vaṅkū vātasya paṃṇīnā |  
8.001.11c váhat kútsam ārjuneyāṃ śatákratuḥ tsárad gandharvām ástrtam ||  
8.001.12a yá r̥te cid abhiśríṣaḥ purá jatrubhya ātr̥daḥ |  
8.001.12c sám̥dhātā sám̥dhím maghāvā purūvásur iṣkartā víhrutam púnaḥ ||  
8.001.13a má bhūma níṣṭyā ivéndra tvád áraṇā iva |  
8.001.13c vānāni ná prajahitāny adrivo duróṣāso amanmahi ||  
8.001.14a ámanmahíd anāśávo 'nugrásās ca vṛtrahan |  
8.001.14c sakṛt sú te mahatā sūra rádhasā ánu stómam mudīmahi ||  
8.001.15a yádi stómam máma śrávad asmākam índram índavaḥ |  
8.001.15c tirāḥ pavítam saṣvāṃsa āśávo mándantu tugryāvṛdhaḥ ||  
8.001.16a á tv àdyá sadhástutiṃ vāvātuḥ sákhyur á gahi |  
8.001.16c úpastutir maghónām prá tvāvāt vā dhā te vaśmi suṣtutim ||  
8.001.17a sótā hí sómam ádribhir ém enam apsú dhāvata |  
8.001.17c gavyā vástreva vāsáyanta ín náro nír dhukṣan vakṣāṇābhyah ||  
8.001.18a ádha jmó ádha vā divó bṛható rocanád ádhi |  
8.001.18c ayá vardhasva tanvā girá máma jātá sukrato pṛṇa ||  
8.001.19a índrāya sú madíntamaṃ sómaṃ sotā váreṇyam |  
8.001.19c śakrá eṇam pīpayad vísvayā dhiyá hinvānaṃ ná vājayúm ||  
8.001.20a má tvā sómasya gáldayā sádā yācann ahám girá |  
8.001.20c bhūr̥nim mṛgám ná sávaneṣu cukrudham ká íśānaṃ ná yāciṣat ||  
8.001.21a mádeneṣitám mádam ugrám ugréṇa śávasā |  
8.001.21c víśvesām tarutāram madacvítam máde hí smā dádati nah ||

- 8.001.22a śéväre väryā purú devó mártāya dāsúṣe |  
8.001.22c sá sunvaté ca stuvaté ca rāsate viśvágūrto ariṣṭutāḥ ||  
8.001.23a éndra yāhi mátsva citréṇa deva rādhasā |  
8.001.23c sáro ná prāsy udāraṃ sápitibhir á sómebhir urú spherám ||  
8.001.24a á tvā sahásram á śatām yuktā ráthe hiraṇyáye |  
8.001.24c brahmayújo háraya indra keśíno váhantu sómapítaye ||  
8.001.25a á tvā ráthe hiraṇyáye hári mayúrasēpyā |  
8.001.25c śitiprṣṭhā vahatām mádhvo ándhaso vivákṣaṇasya pítāye ||  
8.001.26a píḃā tv āsyá girvaṇaḥ sutásya pūrvapá iva |  
8.001.26c páriṣkṛtasya rasína iyám āsutíś cārur mádāya patyate ||  
8.001.27a yá éko ásti daṃsánā mahám ugró abhí vrataiḥ |  
8.001.27c gámat sá śiprī ná sá yoṣad á gamad dhávam ná pári varjati ||  
8.001.28a tvám púram cariṣṇvām vadhaiḥ súṣṇasya sám piṇak |  
8.001.28c tvám bhā ánu caro ádha dvitá yád indra hávyo bhúvaḥ ||  
8.001.29a máma tvā súra údite máma madhyáṃdine diváḥ |  
8.001.29c máma prapitvé apiśarvaré vasav á stómāso avṛtsata ||  
8.001.30a stuhí stuhíd eté ghā te máṃhiṣṭhāso maghónām |  
8.001.30c ninditásvaḥ prapathí paramajyā maghásya medhyātithe ||  
8.001.31a á yád áśvān vānanvataḥ śraddháyāhām ráthe ruhám |  
8.001.31c utá vāmásya vásunaś ciketati yó ásti yádvaḥ paśúḥ ||  
8.001.32a yá rjrá máhyam māmahé sahá tvacā hiraṇyáyā |  
8.001.32c eśá víśvāny abhy āstu saúbhagāsaṅgásya svanádrathaḥ ||  
8.001.33a ádha plāyogir áti dāsad anyān āsaṅgó agne daśábhiḥ sahásraiḥ |  
8.001.33c ádhokśāṇo dáśa máhyam rúsanto naḷā iva sáraso nír atiṣṭhan ||  
8.001.34a ánv asya sthūrám dadṛṣe purástād anasthá ūrúr avarámbamāṇaḥ |  
8.001.34c śásvatī nāry abhicákṣyāha súbhadram aya bhójanam bibharṣi ||

(622)

- 8.002.01a idám vaso sutám ándhaḥ píḃā súpūrṇam udáram |  
8.002.01c ánābhayin rarimā te ||  
8.002.02a nṛbhir dhūtāḥ sutó áśnair ávyo vāraiḥ páripūtaḥ |  
8.002.02c áśvo ná niktó nadīṣu ||  
8.002.03a tām te yávam yáthā góbhiḥ svādúm akarma śrīṇántaḥ |  
8.002.03c índra tvāsmín sadhamāde ||  
8.002.04a índra ít somapá éka índraḥ sutapá viśváyuḥ |  
8.002.04c antár devān mártiyāṃś ca ||  
8.002.05a ná yám śukró ná dúrāśīr ná tṛprā uruvyácasam |  
8.002.05c apasṛṇvaté suhárdam ||  
8.002.06a góbhir yád īm anyé asmán mṛgám ná vrā mṛgáyante |  
8.002.06c abhítsāranti dhenúbhiḥ ||  
8.002.07a tráya índrasya sómāḥ sutásah santu devásya |  
8.002.07c své kṣáyē sutapávnaḥ ||  
8.002.08a tráyaḥ kósāsa ścotanti tistrás camvaḥ súpūrṇaḥ |

- 8.002.08c samāné ádhi bhārman ||
- 8.002.09a súcir asi puruniṣṭhāḥ kṣīraír madhyatá āśirtaḥ |
- 8.002.09c dadhnā mándiṣṭhaḥ súrasya ||
- 8.002.10a imé ta indra sómās tīvrā asmé sutāsaḥ |
- 8.002.10c súkrā āśíraṃ yācante ||
- 8.002.11a táṃ āśíraṃ puroḷásam índremāṃ sómaṃ śrīṇīhi |
- 8.002.11c revántaṃ hí tvā śrṇómi ||
- 8.002.12a hrtsú pītāso yudhyante durmádāso ná súráyāṃ |
- 8.002.12c ūdhar ná nagnā jarante ||
- 8.002.13a revāṃś id revāta stotā syāt tvāvato maghónaḥ |
- 8.002.13c préd u harivaḥ śrutásya ||
- 8.002.14a ukthāṃ caná śasyámānam ágor arír ā ciketa |
- 8.002.14c ná gāyatrāṃ gīyámānam ||
- 8.002.15a má na indra pīyatnáve má śárdhate párā dāḥ |
- 8.002.15c śíkṣā śacīvaḥ śacībhiḥ ||
- 8.002.16a vayám u tvā tadídarthā índra tvāyántaḥ sákhāyaḥ |
- 8.002.16c káṇvā ukthébhír jarante ||
- 8.002.17a ná ghem anyád ā papana vájrinṇ apāso náviṣṭau |
- 8.002.17c távéd u stómaṃ ciketa ||
- 8.002.18a ichánti devāḥ sunvántaṃ ná svápnāya sprḥayanti |
- 8.002.18c yánti pramádam átandrāḥ ||
- 8.002.19a ó śu prá yāhi vājebhir má hrṇīthā abhy àsmān |
- 8.002.19c mahāṃś iva yúvajāniḥ ||
- 8.002.20a mó śv àdyá durháṇāvān sāyāṃ karad āré asmát |
- 8.002.20c aśrírā iva jámātā ||
- 8.002.21a vidmā hy àsya vīrásya bhūridāvarīṃ sumatīm |
- 8.002.21c triśú jātásya mánāṃsi ||
- 8.002.22a ā tú śiṅca káṇvamantaṃ ná ghā vidma śavasānāt |
- 8.002.22c yaśástaraṃ śatámūteḥ ||
- 8.002.23a jyéṣṭhena sotar índrāya sómaṃ vīráya śakráya |
- 8.002.23c bhārā píban náryāya ||
- 8.002.24a yó védiṣṭho avyathíśv áśvāvantaṃ jaritṛbhyāḥ |
- 8.002.24c vājāṃ stotṛbhyo gómantam ||
- 8.002.25a pányam-panyam ít sotāra ā dhāvata mádyāya |
- 8.002.25c sómaṃ vīráya súráya ||
- 8.002.26a pātā vṛtrahá sutám ā ghā gaman náré asmát |
- 8.002.26c ní yamate śatámūtiḥ ||
- 8.002.27a éhá hārī brahmayújā śagmā vakṣataḥ sákhāyam |
- 8.002.27c gīrbhīḥ śrutāṃ gírvaṇasam ||
- 8.002.28a svádávaḥ sómā ā yāhi śrītāḥ sómā ā yāhi |
- 8.002.28c śípriṇṇ ṛṣīvaḥ śacīvo nāyám áchā sadhamádam ||
- 8.002.29a stútaś ca yās tvā várdhanti mahé rádhase ṇṛmṇāya |
- 8.002.29c índra kārīṇaṃ vṛdhántaḥ ||
- 8.002.30a gíraś ca yās te girvāha ukthā ca túbhyaṃ táni |

- 8.002.30c satrā dadhiré śávāṃsi ||  
8.002.31a evéd eṣā tuvikūrmír vājāṃ éko vājrahastaḥ |  
8.002.31c sanād āmrkto dayate ||  
8.002.32a hāntā vṛtrāṃ dākṣiṇenéndraḥ purū puruhūtāḥ |  
8.002.32c mahān mahībhiḥ śācībhiḥ ||  
8.002.33a yāsmín vísvāś carṣaṇāya utá cyautnā jráyāṃsi ca |  
8.002.33c ánu ghén mandī maghónaḥ ||  
8.002.34a eṣā etāni cakāréndro vísvā yó 'ti śṛṇvé |  
8.002.34c vājadāvā maghónām ||  
8.002.35a prábhartā rátham gavyántam apākác cid yám ávati |  
8.002.35c inó vásu sá hí vólhā ||  
8.002.36a sánitā vípro árvadbhir hāntā vṛtrāṃ nṛbhiḥ sūraḥ |  
8.002.36c satyò 'vitā vidhántam ||  
8.002.37a yājadhvainam priyamedhā índraṃ satrácā mánasā |  
8.002.37c yó bhūt sómaiḥ satyámadvā ||  
8.002.38a gāthásravasaṃ sátpatiṃ śrávaskāmam purutmānam |  
8.002.38c kāṇvāso gātá vājīnam ||  
8.002.39a yá ṛté cid gās padébhyo dāt sákhā nṛbhyaḥ śācīvān |  
8.002.39c yé asmin kāmam áśriyan ||  
8.002.40a itthā dhīvantam adrivaḥ kāṇvám médhyātithim |  
8.002.40c meṣó bhūtò 'bhí yánn áyaḥ ||  
8.002.41a śíkṣā vibhindo asmaí catvāry ayútā dádāt |  
8.002.41c aṣṭā parāḥ sahásrā ||  
8.002.42a utá sú tyé payovṛdhā mākī ráṇasya napytā |  
8.002.42c janitvanāya māmahe ||

(623)

- 8.003.01a píbā sutásya rasíno mátsvā na indra gómataḥ |  
8.003.01c āpír no bodhi sadhamādya vṛdhè 'smāṃ avantu te dhíyaḥ ||  
8.003.02a bhūyāma te sumataú vājīno vayám má na star abhímātaye |  
8.003.02c asmāñ citrábhir avatād abhīṣṭibhir ā naḥ sumnéṣu yāmaya ||  
8.003.03a imá u tvā purūvaso gíro vardhantu yā máma |  
8.003.03c pāvakávarṇāḥ sūcayo vipāscíto 'bhí stómair anūṣata ||  
8.003.04a ayám sahasram ṛṣibhiḥ sáhaskṛtaḥ samudrá iva paprathe |  
8.003.04c satyáḥ só asya mahimā gṛṇe śávo yajñéṣu viprarájye ||  
8.003.05a índram íd devátātaya índram prayaty ádhvaré |  
8.003.05c índraṃ samíké vaníno havāmaha índraṃ dhánasya sātáye ||  
8.003.06a índro mahnā ródasī paprathac cháva índraḥ sūryam arocayat |  
8.003.06c índre ha vísvā bhúvanāni yemira índre suvānása índavaḥ ||  
8.003.07a abhí tvā pūrvápītaya índra stómebhir āyávaḥ |  
8.003.07c samīcīnása ṛbhávaḥ sám asvaran rudrá gṛṇanta pūrvyam ||  
8.003.08a asyéd índro vāvṛdhe vṛṣṇyaṃ śávo máde sutásya víṣṇavi |  
8.003.08c adyā tám asya mahimānam āyávó 'nu ṣṭuvanti pūrváthā ||  
8.003.09a tát tvā vāmi suvīrvam tát bráhma nūrvácittave |

- 8.003.09c yénā yátibhyo bhṛgave dháne hité yéna práskañvam ávitha ||  
8.003.10a yénā samudrám ásrjo mahír apás tád indra vṛṣṇi te śávaḥ |  
8.003.10c sadyáḥ só asya mahimā ná saṃnáse yám kṣoṇír anucakradé ||  
8.003.11a śagdhí na indra yát tvā rayim yámi suvṛyam |  
8.003.11c śagdhí vājāya prathamám síśāsate śagdhí stómāya pūrvya ||  
8.003.12a śagdhí no asyá yád dha paurám ávitha dhíya indra síśāsataḥ |  
8.003.12c śagdhí yáthā rúsamaṃ śyāvakaṃ kṛpam índra právaḥ svàṇaram ||  
8.003.13a kán návyo atasínām turó grṇīta mártyaḥ |  
8.003.13c nahí nv àsya mahimānam indriyam svàr grṇánta ānaśuḥ ||  
8.003.14a kád u stuvánta ṛtayaṇta deváta ṛṣiḥ kó vípra ohate |  
8.003.14c kadā hávam maghavann indra sunvatáḥ kád u stuvatá á gamaḥ ||  
8.003.15a úd u tyé mádhumattamā gíra stómāsa īrate |  
8.003.15c satrājíto dhanasá ákṣitotayo vājayánto ráthā iva ||  
8.003.16a kánvā iva bhṛgavaḥ sūryā iva víśvam íd dhítám ānaśuḥ |  
8.003.16c índram stómebhir maháyanta āyávaḥ priyámedhāso asvaran ||  
8.003.17a yukšvā hí vṛtrahantama hári indra parāvataḥ |  
8.003.17c arvācínó maghavan sómapítaya ugrá ṛṣvébhir á gahi ||  
8.003.18a imé hí te kāravo vāvaśúr dhiyá víprāso medhásātaye |  
8.003.18c sá tvám no maghavann indra girvaṇo venó ná śṛṇudhī hávam ||  
8.003.19a nír indra brhatíbhyo vṛtrám dhánubhyo asphuraḥ |  
8.003.19c nír árbudasya mṛgayasya māyíno níḥ párvatasya gá ājaḥ ||  
8.003.20a nír agnáyo rurucur nír u sūryo níḥ sóma indriyó rásaḥ |  
8.003.20c nír antárikṣād adhamo mahám áhiṃ kṛsé tád indra paúṃsyam ||  
8.003.21a yám me dúr índro marútaḥ pákasthāmā kaúrayāṇaḥ |  
8.003.21c víśveśám tmánā śóbhiṣtham úpeva diví dhávamānam ||  
8.003.22a róhitam me pákasthāmā sudhúram kaksyaprám |  
8.003.22c ádād rāyó vibódhanam ||  
8.003.23a yásmā anyé dáśa práti dhúram váhanti váhnayaḥ |  
8.003.23c ástaṃ váyo ná túgryam ||  
8.003.24a átmā pitús tanúr vāsa ojodá abhyáñjanam |  
8.003.24c turíyam íd róhitasya pákasthāmānam bhojám dátāram abravam ||

(624)

- 8.004.01a yád indra prág ápāg údañ nyàg vā hūyáse nṛbhiḥ |  
8.004.01c símā purú nṛṣūto asy ánavé 'si práśardha turváse ||  
8.004.02a yád vā rúme rúsame śyāvake kṛpa índra mādáyase sácā |  
8.004.02c kánvāsas tvā bráhmabhi stómavāhasa índrá yachanty á gahi ||  
8.004.03a yáthā gauró apā kṛtám tṛsyann éty ávériṇam |  
8.004.03c āpitvé naḥ prapitvé túyam á gahi kánveṣu sú sácā píba ||  
8.004.04a mándantu tvā maghavann indréndavo rádhodéyāya sunvaté |  
8.004.04c āmuśyā sómam apibaś camú sutám jyéṣtham tád dadhiṣe sáhaḥ ||  
8.004.05a prá cakre sáhasā sáho babháñja manyúm ójasā |  
8.004.05c víśve ta indra pṛtanāyávo yaho ní vṛkṣá iva yemire ||

- 8.004.06a sahátreṇeva sacate yavīyúdhā yás ta ānaḥ úpastutim |  
8.004.06c putráṃ právargám kṛṇute suvīrye dáśnóti námauktibhiḥ ||  
8.004.07a má bhema má śramaṣmográsyā sakhyé táva |  
8.004.07c mahát te vṛṣṇo abhicákṣyaṃ kṛtám páśyema turváśaṃ yádum ||  
8.004.08a savyám ánu sphigyám vāvase vṛṣā ná dānó asya roṣati |  
8.004.08c mádhvā sámprktāḥ sārāghēna dhenávas túyam éhi drāvā píba ||  
8.004.09a ásvī rathī surūpá íd gómāñ íd indra te sákha |  
8.004.09c śvātrabhājā váyasā sacate sádā candró yāti sabhām úpa ||  
8.004.10a ṛśyo ná tṛṣyann avapānam á gahi píba sómaṃ váśāñ ánu |  
8.004.10c niméghamāno maghavan divé-diva ójīṣṭhaṃ dadhiṣe sáhaḥ ||  
8.004.11a ádhvāryo drāváyā tvám sómam índraḥ pipāsati |  
8.004.11c úpa nūnam yuyuje vṛṣaṇā hārī á ca jagāma vṛtrahā ||  
8.004.12a svayám cit sá manyate dáśsurir jáno yátrā sómasya tṛmpási |  
8.004.12c idám te ánam yújyaṃ sámukṣitam tásyéhi prá dravā píba ||  
8.004.13a rathēṣṭhāyādhvāryavaḥ sómam índrāya sotana |  
8.004.13c ádhi bradhnásyádrayo ví cakṣate sunvānto dáśvādhvaram ||  
8.004.14a úpa bradhnám vāvātā vṛṣaṇā hārī índram apásu vakṣataḥ |  
8.004.14c arvāñcam tvā sáptayo 'dhvaraśríyo váhantu sávanéd úpa ||  
8.004.15a prá pūṣaṇam vṛṇīmahe yújyāya purūvasum |  
8.004.15c sá śakra śikṣa puruhūta no dhiyā túje rāyé vimocana ||  
8.004.16a sám naḥ śíśhi bhurījor iva kṣurám rásva rāyó vimocana |  
8.004.16c tvé tán naḥ suvédam usríyam vásu yám tvám hinóṣi mártyaṃ ||  
8.004.17a vémi tvā pūṣann rñjāse vémi stótava āghṛṇe |  
8.004.17c ná tásyā vemy áraṇam hí tād vaso stuṣe pajráya sámne ||  
8.004.18a párā gāvo yávasam kác cid āghṛṇe nítyam rékṇo amartya |  
8.004.18c asmákam pūṣann avitā śívó bhava máṃhiṣṭho vājasātaye ||  
8.004.19a sthūrám rádhāḥ satáśvam kuruṅgásya díviṣṭiṣu |  
8.004.19c rájñas tveṣásya subhágasya rátīṣu turváśeṣv amanmahi ||  
8.004.20a dhībhíḥ sātāni kāṇvāsya vājīnaḥ priyámedhair abhídubhiḥ |  
8.004.20c ṣaṣṭím saháśránu nírmajam aje nír yūthāni gávām ṛṣiḥ ||  
8.004.21a vṛkṣás cin me abhipitvé arāraṇuḥ |  
8.004.21c gám bhajanta mehánáśvam bhajanta mehánā ||

(625)

- 8.005.01a dūrād ihéva yát saty àruṇápsur áśiśvitat |  
8.005.01c ví bhānūṃ viśvādhātanat ||  
8.005.02a nṛvād dasrā manoyújā ráthēna pṛthupājasā |  
8.005.02c sácethe ásvinoṣásam ||  
8.005.03a yuvábhyām vājinīvasū práti stómā adrṁṣata |  
8.005.03c vācam dūtó yáthohiṣe ||  
8.005.04a purupriyā ṇa útāye purumandrā purūvasū |  
8.005.04c stuṣe kāṇvaso ásvínā ||  
8.005.05a máṃhiṣṭhā vājasátameṣáyantā śubhás pátī |  
8.005.05c sántārā dáśúso sthām ||

- 8.005.05c gāntarā dāśaṣe gānam ||
- 8.005.06a tā sudevāya dāsūṣe sumedhām ávitāriṇīm |
- 8.005.06c ghr̥taír gávyūtim ukṣatam ||
- 8.005.07a ā na stómam úpa dravát túyaṃ śyenébhīr āsúbhiḥ |
- 8.005.07c yātám ásvebhīr ásvinā ||
- 8.005.08a yébhīr tīsráḥ parāvátō divó víśvāni rocanā |
- 8.005.08c trīṃr aktūn paridíyathaḥ ||
- 8.005.09a utá no gómatīr íṣa utá sātīr aharvidā |
- 8.005.09c ví patháḥ sātáye sitam ||
- 8.005.10a ā no gómantam ásvinā suvīraṃ surátham rayīm |
- 8.005.10c volhám ásvāvātīr íṣaḥ ||
- 8.005.11a vāvṛdhānā śubhas patī dasrā híraṇyavartanī |
- 8.005.11c píbatam somyám mádhu ||
- 8.005.12a asmábhyam vājinīvasū maghávadbhyaś ca sapráthaḥ |
- 8.005.12c chardír yantam ádābhyam ||
- 8.005.13a ní sú bráhma jánānām yáviṣtam túyam á gatam |
- 8.005.13c mó śv ànyāṃ úpāratam ||
- 8.005.14a asyá píbatam ásvinā yuvám mádasya cāruṇaḥ |
- 8.005.14c mádhvo rātásya dhiṣṇyā ||
- 8.005.15a asmé á vahatam rayīm śatávantam sahasrínam |
- 8.005.15c puruksūṃ víśvadhāyasam ||
- 8.005.16a purutrā cid dhí vām narā vihváyante manīśiṇaḥ |
- 8.005.16c vāghádbhīr ásvinā gatam ||
- 8.005.17a jánāso vṛktábarhiṣo havíṣmanto aramkṛtaḥ |
- 8.005.17c yuvām havante ásvinā ||
- 8.005.18a asmākam adyá vām ayám stómo vāhiṣtho ántamaḥ |
- 8.005.18c yuvābhyām bhūtv ásvinā ||
- 8.005.19a yó ha vām mádhuno dṛtīr āhito rathacársane |
- 8.005.19c tátam píbatam ásvinā ||
- 8.005.20a téna no vājinīvasū páśve tokāya sám gáve |
- 8.005.20c vāhatam pívarīr íṣaḥ ||
- 8.005.21a utá no divyā íṣa utá síndhūṃr aharvidā |
- 8.005.21c ápa dvāreva varṣathaḥ ||
- 8.005.22a kadā vām taugryó vidhat samudré jahitó narā |
- 8.005.22c yád vām rátho víbhiṣ pátāt ||
- 8.005.23a yuvám káṇvāya nāsatyāpīriptāya harmyé |
- 8.005.23c śásvad ūtīr daśasyathaḥ ||
- 8.005.24a tábhir á yātam ūtībhir návyasībhiḥ suśastībhiḥ |
- 8.005.24c yád vām vṛṣaṇvasū huvé ||
- 8.005.25a yáthā cit káṇvam ávatam priyámedham upastutám |
- 8.005.25c átriṃ śiñjāram ásvinā ||
- 8.005.26a yáthotá kṛtvye dháne 'mśūṃ góṣv agástyam |
- 8.005.26c yáthā vājeṣu sóbharim ||
- 8.005.27a etāvad vām vṛṣaṇvasū áto vā bhūyo ásvinā |
- 8.005.27c gr̥ṇántaḥ sumnám īmahe ||

- 8.005.28a rátham hirányavandhuraṃ hirányābhīsum aśvinā |  
8.005.28c á hí sthātho divispṛśam ||  
8.005.29a hirányáyī vāṃ rábhir iṣá ákṣo hirányáyaḥ |  
8.005.29c ubhá cakrá hirányáyā ||  
8.005.30a téna no vājinīvasū parāvátas cid á gatam |  
8.005.30c úpemāṃ suṣtutím máma ||  
8.005.31a á vahethe parākāt pūrvír aśnántāv aśvinā |  
8.005.31c iṣo dāsīr amartyā ||  
8.005.32a á no dyumnaír á śrávobhir á rāyā yātam aśvinā |  
8.005.32c púruścandrā nāsatyā ||  
8.005.33a éhá vāṃ pruṣitápsavo váyo vahantu parṇínaḥ |  
8.005.33c áchā svadhvarám jánam ||  
8.005.34a rátham vāṃ ánuḡāyasam yá iṣá vártate sahá |  
8.005.34c ná cakráṃ abhí bādgate ||  
8.005.35a hirányáyena ráthena dravátpāṇibhir ásvaiḥ |  
8.005.35c dhījavanā nāsatyā ||  
8.005.36a yuvám mrgám jāgrvāṃsam svádatho vā vṛṣaṇvasū |  
8.005.36c tá naḥ pṛiktam iṣá rayím ||  
8.005.37a tá me aśvinā sanīnāṃ vidyātam návānām |  
8.005.37c yáthā cic caidyáḥ kaśúḥ śatám úṣṭrānām dádat sahásrā dáśa gónām ||  
8.005.38a yó me hirányasaṃdrśo dáśa rájño ámaḥhata |  
8.005.38c adhaspadá íc caidyásya kṛṣṭáyaś carmamná abhító jánāḥ ||  
8.005.39a mákir enā pathá gād yénemé yānti cedáyāḥ |  
8.005.39c anyó nét sūrír óhate bhūridāvattaro jánaḥ ||

(626)

- 8.006.01a mahāñ índro yá ójasā parjányo vṛṣṭimāñ iva |  
8.006.01c stómair vatsásya vāvṛdhe ||  
8.006.02a prajám ṛtásya píprataḥ prá yád bháranta váhnayaḥ |  
8.006.02c víprā ṛtásya váhasā ||  
8.006.03a káṇvā índraṃ yád ákrata stómair yajñásya sādhanam |  
8.006.03c jāmí bruvata áyudham ||  
8.006.04a sám asya manyáve víso vísvā namanta kṛṣṭáyāḥ |  
8.006.04c samudráyeva síndhavaḥ ||  
8.006.05a ójas tád asya titviṣa ubhé yád samávartayat |  
8.006.05c índras cármeva ródasī ||  
8.006.06a ví cid vṛtrásya dódhato vājreṇa śatáparvaṇā |  
8.006.06c šíro bibheda vṛṣṇínā ||  
8.006.07a imá abhí prá ṇonumo vipám ágreṣu dhītáyāḥ |  
8.006.07c agnéḥ śocír ná didyútaḥ ||  
8.006.08a gúhā satír úpa tmánā prá yác chócanta dhītáyāḥ |  
8.006.08c káṇvā ṛtásya dhārayā ||  
8.006.09a prá tám indra naśīmahi rayím gómantam aśvínam |  
8.006.09c nrá bráhma nūrvácittave ||



- 8.006.10a ahám íd dhí pitúṣ pári medhám ṛtásya jagrábha |  
8.006.10c ahám sūrya ivājani ||  
8.006.11a ahám pratnéna mánmanā gíraḥ śumbhāmi kaṇvavát |  
8.006.11c yénéndraḥ súśmam íd dadhé ||  
8.006.12a yé tvām indra ná tuṣṭuvúr ṛṣayo yé ca tuṣṭuvúḥ |  
8.006.12c máméd vardhasva súṣṭutaḥ ||  
8.006.13a yád asya manyúr ádhvanīd ví vṛtrám parvaśó ruján |  
8.006.13c apāḥ samudrám aírayat ||  
8.006.14a ní súṣṇa indra dharṇasīm vājraṃ jaghantha dásyavi |  
8.006.14c víṣā hy ógra śṛṇviśé ||  
8.006.15a ná dyāva índram ójasā nāntárikṣāṇi vajrīṇam |  
8.006.15c ná vivyacanta bhūmayah ||  
8.006.16a yás ta indra mahír apá stabhūyámāna āśayat |  
8.006.16c ní tám pádyāsu síśnathaḥ ||  
8.006.17a yá imé ródasī mahí samīcí samájagrabhīt |  
8.006.17c támobhir indra tám guhaḥ ||  
8.006.18a yá indra yátayas tvā bhṛgavo yé ca tuṣṭuvúḥ |  
8.006.18c máméd ugra śrudhī hávam ||  
8.006.19a imás ta indra pṛśnayo ghṛtām duhata āśíram |  
8.006.19c enám ṛtásya pipyúṣīḥ ||  
8.006.20a yā indra prasvās tvāsā gárbham ácakrīran |  
8.006.20c pári dhármeva sūryam ||  
8.006.21a tvām íc chavasas pate káṇvā ukthéna vāvṛdhuḥ |  
8.006.21c tvām sutāsa índavaḥ ||  
8.006.22a távéd indra práṇītiṣūtá práśastir adrivaḥ |  
8.006.22c yajñó vitantasāyyah ||  
8.006.23a ā na indra mahīm íṣam púram ná darṣi gómatīm |  
8.006.23c utá prajāṃ suvīryam ||  
8.006.24a utá tyád āśváśvyaṃ yád indra náhuṣīṣv ā |  
8.006.24c ágre vikṣú pradīdayat ||  
8.006.25a abhí vrajám ná tatniṣe sūra upākácakṣasam |  
8.006.25c yád indra mṛláyāsi nah ||  
8.006.26a yád aṅgá taviṣīyāsa índra prarājasi kṣitīḥ |  
8.006.26c mahám apārá ójasā ||  
8.006.27a tám tvā havīṣmatīr víśa úpa bruvata útáye |  
8.006.27c urujráyasam índubhiḥ ||  
8.006.28a upahvaré girīṇám samgathé ca nadīnām |  
8.006.28c dhiyā vípro ajāyata ||  
8.006.29a átaḥ samudrám udvátas cikitvām áva paśyati |  
8.006.29c yáto vipāná éjati ||  
8.006.30a ád ít pratnásya rétasó jyótiṣ paśyanti vāsarám |  
8.006.30c paró yád idhyáte divā ||  
8.006.31a káṇvāsa indra te matīm víśve vardhanti paúmṣyam |  
8.006.31c utó śaviṣṭha víṣnyam ||

- 8.006.32a imám ma indra suṣṭutím juṣásva prá sú máam ava |  
8.006.32c utá prá vardhayā matím ||  
8.006.33a utá brahmaṇyā vayám túbhyam pravṛddha vajrivaḥ |  
8.006.33c víprā atakṣma jīvāse ||  
8.006.34a abhí káṇvā anūsatāpo ná pravātā yatīḥ |  
8.006.34c índram vānanvatī matīḥ ||  
8.006.35a índram ukthāni vāvṛdhuḥ samudrām iva síndhavaḥ |  
8.006.35c ánuttamanyum ajáram ||  
8.006.36a á no yāhi parāvāto háribhyāṃ haryatābhyāṃ |  
8.006.36c imám indra sutám piba ||  
8.006.37a tvám íd vṛtrahantama jánāso vṛktābarhiṣaḥ |  
8.006.37c hávante vājasātaye ||  
8.006.38a ánu tvā ródasī ubhé cakráṃ ná varty étaśam |  
8.006.38c ánu suvānāsa índavaḥ ||  
8.006.39a mándasvā sú svàrṇara uténdra śaryañāvati |  
8.006.39c mátsvā vívasvato matí ||  
8.006.40a vāvṛdhāná úpa dyávi víṣā vajry àroravīt |  
8.006.40c vṛtrahā somapātamaḥ ||  
8.006.41a řir hí pūrvajā ásy éka řśāna ójasā |  
8.006.41c índra coṣkūyāse vásu ||  
8.006.42a asmākam tvā sutām úpa vītáprṣṭhā abhí práyaḥ |  
8.006.42c śatám vahantu hárayaḥ ||  
8.006.43a imám sú pūrvyām dhíyam mádhora ghṛtāsya pipyúṣim |  
8.006.43c káṇvā ukthéna vāvṛdhuḥ ||  
8.006.44a índram íd vímahīnām médhe vṛṇīta mártyaḥ |  
8.006.44c índram saniṣyūr útāye ||  
8.006.45a arvāñcam tvā puruṣtuta priyāmedhastutā hārī |  
8.006.45c somapéyāya vakṣataḥ ||  
8.006.46a śatám ahám tiríndire sahásram pársāv á dade |  
8.006.46c rádhāmsi yádvānām ||  
8.006.47a tríṇi śatāny árvatām sahásrā dáśa gónām |  
8.006.47c dadúṣ pajráya sámne ||  
8.006.48a úd ānaḥ kakuhó dívam úṣṭrāñ caturyújo dádat |  
8.006.48c śrávasā yádvam jánam ||

(627)

- 8.007.01a prá yád vas triṣṭúbham řsam máruto vípro ákṣarat |  
8.007.01c ví párvateṣu rájatha ||  
8.007.02a yád aṅgá taviṣiyavo yāmaṃ śubhrā ácidhvam |  
8.007.02c ní párvatā ahāsata ||  
8.007.03a úd řrayanta vāyúbhir vāśrásah pṛśnimātarah |  
8.007.03c dhukśanta pipyúṣim řsam ||  
8.007.04a vāpanti marúto míham prá vevavanti párvatān |

- 8.007.04c yád yāmaṃ yānti vāyúbhiḥ ||
- 8.007.05a ní yád yāmāya vo girír ní síndhavo vídharmaṇe |
- 8.007.05c mahé śúṣmāya yemiré ||
- 8.007.06a yuṣmāñ u náktam ūtāye yuṣmāñ dívā havāmahe |
- 8.007.06c yuṣmāñ prayaty àdhvaré ||
- 8.007.07a úd u tyé aruṇápsavaś citrá yāmebhir īrate |
- 8.007.07c vāśrā ádhi ṣṇúnā diváḥ ||
- 8.007.08a sṛjánti raśmím ójasā pánthāṃ sūryāya yātave |
- 8.007.08c té bhānúbhir ví tasthire ||
- 8.007.09a imām me maruto gíram imām stómam ṛbhukṣaṇaḥ |
- 8.007.09c imām me vanatā hávam ||
- 8.007.10a trīṇi sārāṃsi pṛśnayo duduhré vajrīṇe mádhu |
- 8.007.10c útsaṃ kāvandham udrīṇam ||
- 8.007.11a máruto yád dha vo diváḥ sumnāyānto hávāmahe |
- 8.007.11c á tú na úpa gantana ||
- 8.007.12a yūyám hí ṣṭhā sudānavo rúdrā ṛbhukṣaṇo dáme |
- 8.007.12c utá prácetaso máde ||
- 8.007.13a á no rayím madacyútam purukṣúm viśvādḥāyasam |
- 8.007.13c íyartā maruto diváḥ ||
- 8.007.14a ádhīva yád girīṇāṃ yāmaṃ śubhrā ácidhvam |
- 8.007.14c suvānaír mandadhva índubhiḥ ||
- 8.007.15a etāvataś cid eṣāṃ sumnām bhikṣeta mártyaḥ |
- 8.007.15c ádābhyasya mánmabhiḥ ||
- 8.007.16a yé drapsā iva ródasī dhāmanty ánu vṛṣṭíbhiḥ |
- 8.007.16c útsaṃ duhánto ákṣitam ||
- 8.007.17a úd u svānébhir īrata úd ráthair úd u vāyúbhiḥ |
- 8.007.17c út stómaiḥ pṛśnimātarah ||
- 8.007.18a yénāvā turvásaṃ yáduṃ yéna kāṇvaṃ dhanaspṛtam |
- 8.007.18c rāyé sú tāsya dhīmahi ||
- 8.007.19a imā u vaḥ sudānavo ghṛtāṃ ná pipyúsīr íṣaḥ |
- 8.007.19c vārdhān kāṇvāsya mánmabhiḥ ||
- 8.007.20a kvā nūnāṃ sudānavo mádathā vṛktabarhiṣaḥ |
- 8.007.20c brahmā kó vaḥ saparyati ||
- 8.007.21a nahí śma yád dha vaḥ purā stómebhir vṛktabarhiṣaḥ |
- 8.007.21c śárdhāñ ṛtāsya jínvatha ||
- 8.007.22a sám u tyé mahatír apáḥ sám kṣoṇí sám u sūryam |
- 8.007.22c sám vājram parvasó dadhuḥ ||
- 8.007.23a ví vṛtrám parvasó yayur ví párvatāñ arājínaḥ |
- 8.007.23c cakrāṇā vṛṣṇi paúṃsyam ||
- 8.007.24a ánu tritāsya yúddyataḥ śúṣmam āvann utá krátum |
- 8.007.24c ánv índraṃ vṛtratúrye ||
- 8.007.25a vidyúddhastā abhídyaavaḥ sípṛāḥ śīrṣán hiranyáyīḥ |
- 8.007.25c śubhrā vy añjata śriyé ||
- 8.007.26a usānā yát parāvāta ukṣṇó rándhram áyātana |

- 8.007.26c dyaúr ná cakradad bhiyá ||  
8.007.27a á no makhásya dāváné 'svair híraṇyapāṇibhiḥ |  
8.007.27c dévāsa úpa gantana ||  
8.007.28a yád eṣām pṛṣatī ráthe práṣṭir váhati róhitaḥ |  
8.007.28c yānti śubhrā riṇánn apáh ||  
8.007.29a suśóme śaryañāvaty ārkiké pastyāvati |  
8.007.29c yayúr nícakrayā nárah ||  
8.007.30a kadá gachātha maruta itthá vípraṃ hávamānam |  
8.007.30c mārḍikébhír nādhamānam ||  
8.007.31a kád dha nūnám kadhapriyo yád índram ájahātana |  
8.007.31c kó vaḥ sakhitvá ohate ||  
8.007.32a sahó śú ṇo vājrahastaiḥ kaṇvāso agním marúdbhiḥ |  
8.007.32c stuśé híraṇyavāśt̄bhiḥ ||  
8.007.33a ó śú vṛṣṇaḥ práyajyūn á návyase suvitāya |  
8.007.33c vavṛtyāṃ citrávājan ||  
8.007.34a giráyaś cin ní jihate pársānāso mányamānāḥ |  
8.007.34c párvatās cin ní yemire ||  
8.007.35a ākṣṇayāvāno vahanty antárikṣeṇa pátataḥ |  
8.007.35c dhātāra stuvaté váyah ||  
8.007.36a agnír hí jáni pūrvyás chāndo ná súro arcíṣā |  
8.007.36c té bhānúbhir ví tasthire ||

(628)

- 8.008.01a á no vísvābhir ūtíbhír áśvinā gáchatam yuvám |  
8.008.01c dásrā híraṇyavartanī píbatam somyám mádhu ||  
8.008.02a á nūnám yātam áśvinā ráthena súryatvacā |  
8.008.02c bhújī híraṇyapeśasā kāvī gámbhīracetasā ||  
8.008.03a á yātam náhuṣas páry antárikṣāt suvṛktíbhīḥ |  
8.008.03c píbātho áśvinā mádhu kaṇvānām sávane sutám ||  
8.008.04a á no yātam divás páry antárikṣād adhapiyā |  
8.008.04c putráḥ kaṇvasya vām ihá suśāva somyám mádhu ||  
8.008.05a á no yātam úpaśruty áśvinā sómapítaye |  
8.008.05c svāhā stómasya vardhanā prá kavī dhītíbhír narā ||  
8.008.06a yác cid dhí vām purá řsayo juhūrē 'vase narā |  
8.008.06c á yātam áśvinā gatam úpemām suṣtutím máma ||  
8.008.07a divás cid rocanād ádhy á no gantam svarvidā |  
8.008.07c dhībhír vatsapracetasā stómebhír havanaśrutā ||  
8.008.08a kím anyé páry āsate 'smát stómebhír áśvinā |  
8.008.08c putráḥ kaṇvasya vām řsir gīrbhír vatsó avīvṛdhat ||  
8.008.09a á vām vípra ihāvasé 'hvat stómebhír áśvinā |  
8.008.09c áripṛā vṛtrahantamā tá no bhūtam mayobhúvā ||  
8.008.10a á yád vām yóṣañā rátham átīṣṭhad vājinīvasū |  
8.008.10c vísvāny áśvinā yuvám prá dhītāny agachatam ||

- 8.008.11a átaḥ saḥásranirṇijā ráthenā yātam aśvinā |  
8.008.11c vatsó vām mádhumad vácó 'śamsīt kāvyāḥ kavīḥ ||  
8.008.12a purumandrā purūvásū manotārā rayīṇām |  
8.008.12c stómam me aśvínāv imám abhí váhnī anūṣātām ||  
8.008.13a á no vísvāny aśvinā dhattám rádhāṃsy áhrayā |  
8.008.13c kṛtám na ṛtvíyāvato má no rīradhatam nidé ||  
8.008.14a yán nāsatyā parāvāti yád vā sthó ádhy ámbare |  
8.008.14c átaḥ saḥásranirṇijā ráthenā yātam aśvinā ||  
8.008.15a yó vām nāsatyāv řšir gīrbhír vatsó ávīvṛdhat |  
8.008.15c tásmāi saḥásranirṇijam řsam dhattam ghrtaścútam ||  
8.008.16a prásmā ūrjam ghrtaścútam aśvinā yáchatam yuvám |  
8.008.16c yó vām sumnáya tuṣṭávad vasūyád dānunas patī ||  
8.008.17a á no gantam řśādasemám stómam purubhujā |  
8.008.17c kṛtám naḥ suśríyo naremā dātām abhīṣṭaye ||  
8.008.18a á vām vísvābhir ūtībhiḥ priyámedhā ahūṣata |  
8.008.18c rájantāv adhvarāṇām aśvinā yámahūtiṣu ||  
8.008.19a á no gantam mayobhúvāśvinā śambhúvā yuvám |  
8.008.19c yó vām vipanyū dhītībhir gīrbhír vatsó ávīvṛdhat ||  
8.008.20a yābhiḥ kāṇvam médhātithim yābhir vásam dásavrajam |  
8.008.20c yābhir gósaryam ávatam tábhir no 'vatam narā ||  
8.008.21a yābhir narā trasádasyum ávatam kṛtvye dháne |  
8.008.21c tábhiḥ řv àsmām aśvinā právatam vājasātaye ||  
8.008.22a prá vām stómāḥ suvṛktáyo gíro vardhantv aśvinā |  
8.008.22c púrutrā vṛtrahantamā tá no bhūtam purusprhá ||  
8.008.23a tríṇi padāny aśvínor āvīḥ sánti gúhā parāḥ |  
8.008.23c kaví řtásya pátmabhir arvāg jīvébhyas pári ||

(629)

- 8.009.01a á nūnám aśvinā yuvám vatsásya gantam ávase |  
8.009.01c prásmāi yachatam avṛkám pṛthú chardír yuyutám yá áratayah ||  
8.009.02a yád antárikṣe yád diví yát páñca mánuṣām ánu |  
8.009.02c nṛmṇám tát dhattam aśvinā ||  
8.009.03a yé vām dáṃsāṃsy aśvinā víprāsaḥ parimāmṛśúḥ |  
8.009.03c evét kāṇvāsya bodhatam ||  
8.009.04a ayám vām gharmó aśvinā stómena pári śicyate |  
8.009.04c ayám sómo mádhumān vājinīvasū yéna vṛtrám cíketathaḥ ||  
8.009.05a yád apsú yád vánaspatau yád óśadhīṣu purudaṃsasā kṛtām |  
8.009.05c téna māviṣtam aśvinā ||  
8.009.06a yán nāsatyā bhuraṇyátho yád vā deva bhiṣajyáthaḥ |  
8.009.06c ayám vām vatsó matībhir ná vindhate havíṣmantam hí gáchathaḥ ||  
8.009.07a á nūnám aśvínor řši stómam ciketa vāmáyā |  
8.009.07c á sómam mádhumattamam gharmám siñcād átharvaṇi ||  
8.009.08a á nūnám raghúvartanim rátham tiṣṭhātho aśvinā |

- 8.009.08c á vāṃ stómā imé máma nábho ná cucyavīrata ||  
8.009.09a yád adyá vāṃ nāsatyokthaír ācucyuvīmáhi |  
8.009.09c yád vā vāṅībhir aśvinevét kāṇvāsya bodhatam ||  
8.009.10a yád vāṃ kakṣívāṃ utá yád vyāśva řřir yád vāṃ dīrghátamā juhāva |  
8.009.10c pṛthī yád vāṃ vainyáḥ sādaneṣv evéd áto aśvinā cetayethām ||  
8.009.11a yātām chardīspā utá naḥ paraspā bhūtām jagatpā utá nas tanūpā |  
8.009.11c vartís tokāya tánayāya yātam ||  
8.009.12a yád índreṇa sarátham yāthó aśvinā yád vā vāyúnā bhávathaḥ sámokasā |  
8.009.12c yád ādityébhir řbhúbhiḥ sajóśasā yád vā vířnor vikrámaṇeṣu tířthathaḥ ||  
8.009.13a yád adyášvínāv ahám huvéya vājasātaye |  
8.009.13c yát pṛtsú turváṇe sáhas tác chréřtham aśvínor ávaḥ ||  
8.009.14a á nūnám yātam aśvinemā havyāni vāṃ hitā |  
8.009.14c imé sómaso ádhi turváše yádāv imé kāṇveṣu vām átha ||  
8.009.15a yán nāsatyā paráké arváké ásti bheřajám |  
8.009.15c téna nūnám vimadāya pracetasā chardír vatsāya yachatam ||  
8.009.16a ábhutsy u prá devyā sākám vācāhám aśvínoh |  
8.009.16c vy àvar devy á matīm ví rātīm mártyebhyaḥ ||  
8.009.17a prá bodhayořo aśvínā prá devi sūnṛte mahi |  
8.009.17c prá yajñahotar ānuřák prá mādāya řrávo bṛhát ||  
8.009.18a yád uřo yāsi bhānúnā sám sūryeṇa rocase |  
8.009.18c á hāyám aśvínó rátho vartír yāti nṛpāyyam ||  
8.009.19a yád āpītāso aṃřávo gāvo ná duhrá údhabhiḥ |  
8.009.19c yád vā vāṅīr ánūřata prá devayānto aśvínā ||  
8.009.20a prá dyumnāya prá sávase prá nṛřāhyāya řármaṇe |  
8.009.20c prá dáksāya pracetasā ||  
8.009.21a yán nūnám dhībhir aśvinā pitúr yónā niřídathaḥ |  
8.009.21c yád vā sumnébhir ukthyā ||

(630)

- 8.010.01a yát sthó dīrgháprasadmani yád vādó rocané diváh |  
8.010.01c yád vā samudré ádhy ákṛte gṛhé 'ta á yātam aśvinā ||  
8.010.02a yád vā yajñám mánave sammimikřáthur evét kāṇvāsya bodhatam |  
8.010.02c bṛhaspátim vísvān devāṃ ahám huva índrāvīřṇū aśvínāv āsuhéřasā ||  
8.010.03a tyā nv aśvínā huve sudáṃsasā gṛbhé kṛtā |  
8.010.03c yáyor ásti prá naḥ sakhyám devéřv ádhy ápyam ||  
8.010.04a yáyor ádhi prá yajñā asūré sánti sūrāyaḥ |  
8.010.04c tá yajñāsyādhvarāsya prácetasā svadhābhir yā pībataḥ somyám mādhu ||  
8.010.05a yád adyášvínāv ápāg yát prák sthó vājīnīvasū |  
8.010.05c yád druhyávy ánavi turváše yádau huvé vām átha má gatam ||  
8.010.06a yád antárikře pátathaḥ purubhujā yád vemé ródasī ánu |  
8.010.06c yád vā svadhābhir adhitířthatho rátham áta á yātam aśvinā ||

(631)

- 8.011.01a tvám agne vratapá asi devá á mártyeṣv á |  
 8.011.01c tvám yajñéṣv ídyaḥ ||  
 8.011.02a tvám asi praśásyo vidátheṣu sahanṭya |  
 8.011.02c ágne rathír adhvarāṇām ||  
 8.011.03a sá tvám asmád ápa dvīṣo yuyodhí jātavedaḥ |  
 8.011.03c ádevīr agne árātīḥ ||  
 8.011.04a ánti cit sántam áha yajñám mártasya ripóḥ |  
 8.011.04c nópa veṣi jātavedaḥ ||  
 8.011.05a mártā ámartasya te bhūri nāma manāmahe |  
 8.011.05c víprāso jātávedasaḥ ||  
 8.011.06a vípraṃ víprāsó 'vase devám mártāsa ūtāye |  
 8.011.06c agnīm gīrbhír havāmahe ||  
 8.011.07a á te vatsó máno yamat paramác cit sadhásthāt |  
 8.011.07c ágne tvámkāmayā girá ||  
 8.011.08a purutrā hí sadṛññ ási víšo víśvā ánu prabhúḥ |  
 8.011.08c samátsu tvā havāmahe ||  
 8.011.09a samátsv agnīm ávase vājayánto havāmahe |  
 8.011.09c vājeṣu citrārādhasam ||  
 8.011.10a pratno hí kam ídya adhvaréṣu sanác ca hótā návyaś ca sátsi |  
 8.011.10c svám cāgne tanvám pipráyasvāsmábhyaṃ ca saúbhagam á yajasva ||

(632)

- 8.012.01a yá indra somapátamo mádaḥ śaviṣṭha cétati |  
 8.012.01c yénā háṃsi ny àtrīṇaṃ tám īmahe ||  
 8.012.02a yénā dásagvam ádhriguṃ vepáyantaṃ svārṇaram |  
 8.012.02c yénā samudrám ávithā tám īmahe ||  
 8.012.03a yéna síndhum mahír apó ráthāñ iva pracodáyaḥ |  
 8.012.03c pánthām ṛtásya yátave tám īmahe ||  
 8.012.04a imám stómam abhíṣṭaye ghṛtám ná pūtám adrivaḥ |  
 8.012.04c yénā nú sadyá ójasā vavákṣitha ||  
 8.012.05a imám juṣasva girvaṇaḥ samudrá iva pinvate |  
 8.012.05c índra víśvābhir ūtībhir vavákṣitha ||  
 8.012.06a yó no deváḥ parāvataḥ sakhitvanāya māmahé |  
 8.012.06c divó ná vṛṣṭím pratháyan vavákṣitha ||  
 8.012.07a vavakṣúr asya ketávo utá vājro gábhastyoḥ |  
 8.012.07c yát sūryo ná ródasī ávardhayat ||  
 8.012.08a yádi pravṛddha satpate saháśram mahiṣám ághaḥ |  
 8.012.08c ád ít ta indriyám máhi prá vāvṛdhe ||  
 8.012.09a índraḥ sūryasya raśmībhir ny àrśasānám oṣati |  
 8.012.09c agnír váneva sāsahíḥ prá vāvṛdhe ||  
 8.012.10a iyám ta ṛtvíyāvatī dhītír eti návīyasi |  
 8.012.10c saparyántī purupriyá mímīta ít ||  
 8.012.11a gárbho yajñásya devayúḥ krátum punīta ānuśák |

- 8.012.11c stómair índrasya vāvṛdhe mímīta ít ||
- 8.012.12a sanír mitrásya papratha índraḥ sómasya pītáye |
- 8.012.12c prácī vāsīva sunvaté mímīta ít ||
- 8.012.13a yám víprā ukthávāhaso 'bhipramandúr āyávaḥ |
- 8.012.13c ghr̥tám ná pipya āsány ṛtásya yát ||
- 8.012.14a utá svarāje áditi stómam índrāya jījanat |
- 8.012.14c purupraśastám ūtāya ṛtásya yát ||
- 8.012.15a abhí váhnaya ūtáyé 'nūṣata práśastaye |
- 8.012.15c ná deva vívratā hárī ṛtásya yát ||
- 8.012.16a yát sómam indra víṣṇavi yád vā gha tritá āptyé |
- 8.012.16c yád vā marútsu mándase sám índubhiḥ ||
- 8.012.17a yád vā śakra parāvāti samudré ádhi mándase |
- 8.012.17c asmākam ít suté raṇā sám índubhiḥ ||
- 8.012.18a yád vāsi sunvató vṛdhó yájamānasya satpate |
- 8.012.18c ukthé vā yásya ráṇyasi sám índubhiḥ ||
- 8.012.19a devám-devam vó 'vasa índram-indram gr̥ṇīṣāni |
- 8.012.19c ádhā yajñāya turváṇe vy ānaśuḥ ||
- 8.012.20a yajñēbhir yajñávāhasam sómebhiḥ somapátamam |
- 8.012.20c hótrābhir índram vāvṛdhur vy ānaśuḥ ||
- 8.012.21a mahír asya práñītayah pūrvír utá práśastayah |
- 8.012.21c vísvā vásūni dāśúṣe vy ānaśuḥ ||
- 8.012.22a índram vṛtrāya hántave devāso dadhire puráh |
- 8.012.22c índram vāñīr anūṣatā sám ójase ||
- 8.012.23a mahántam mahinā vayám stómebhir havanaśrútam |
- 8.012.23c arkaír abhí prá ṇonumah sám ójase ||
- 8.012.24a ná yám viviktó ródasī nāntárikṣāni vajrīṇam |
- 8.012.24c ámād íd asya titviṣe sám ójasaḥ ||
- 8.012.25a yád indra pṛtanājye devās tvā dadhiré puráh |
- 8.012.25c ád ít te haryatá hárī vavakṣatuḥ ||
- 8.012.26a yadā vṛtrám nadīvṛtam śávasā vajrinn ávadhīḥ |
- 8.012.26c ád ít te haryatá hárī vavakṣatuḥ ||
- 8.012.27a yadā te víṣṇur ójasā trīṇi padā vicakramé |
- 8.012.27c ád ít te haryatá hárī vavakṣatuḥ ||
- 8.012.28a yadā te haryatá hárī vāvṛdhāte divé-dive |
- 8.012.28c ád ít te vísvā bhúvanāni yemire ||
- 8.012.29a yadā te márutīr víśas túbhyam indra niyemiré |
- 8.012.29c ád ít te vísvā bhúvanāni yemire ||
- 8.012.30a yadā sūryam amúm diví śukráṃ jyótir ádhārayah |
- 8.012.30c ád ít te vísvā bhúvanāni yemire ||
- 8.012.31a imám ta indra suṣtutīm vípra iyarti dhītíbhīḥ |
- 8.012.31c jāmím padéva pípratīm prádhvaré ||
- 8.012.32a yád asya dhāmani priyé samīcīnāso ásvaran |
- 8.012.32c nābhā yajñāsya dohānā prádhvaré ||
- 8.012.33a suvīryam svásvyam sugávyam indra daddhi nah |



8.012.33c hóteva pūrvácittaye prādhvaré ||

(633)

- 8.013.01a índraḥ sutéṣu sómeṣu krátum punīta ukthyām |  
8.013.01c vidé vṛdhásya dáakṣaso mahān hí śáḥ ||  
8.013.02a sá prathamé vyòmani devānām sádane vṛdháh |  
8.013.02c supārāḥ suśrávastamaḥ sám apsujít ||  
8.013.03a tám ahve vājasātaya índram bhārāya śuśmīnam |  
8.013.03c bhāvā naḥ sumné ántamaḥ sákhā vṛdhé ||  
8.013.04a iyām ta indra girvaṇo rātíḥ kṣarati sunvatáh |  
8.013.04c mandānó asyá barhíṣo ví rājasi ||  
8.013.05a nūnām tád indra daddhi no yát tvā sunvánta ímahe |  
8.013.05c rayím naś citráṃ á bharā svarvídam ||  
8.013.06a stotá yát te vícarṣaṇir atipraśardháyaḍ gíraḥ |  
8.013.06c vayá ivānu rohate juśánta yát ||  
8.013.07a pratnaváj janayā gíraḥ śṛṇudhí jaritúr hávam |  
8.013.07c máde-made vavakṣithā sukṛtvane ||  
8.013.08a krīḷanty asya sūnṛtā āpo ná pravātā yatíḥ |  
8.013.08c ayá dhiyá yá ucyáte pátir diváh ||  
8.013.09a utó pátir yá ucyáte kṛṣṭínām éka íd vaśí |  
8.013.09c namovṛdhaír avasyúbhiḥ suté raṇa ||  
8.013.10a stuhí śrutām vipaścítam hárī yásya prasakṣínā |  
8.013.10c gántārā dāsúṣo gṛhām namasvínaḥ ||  
8.013.11a tūtūjānó mahematé 'śvebhiḥ pruşítápsubhiḥ |  
8.013.11c á yāhi yajñám āśúbhiḥ sám íd dhí te ||  
8.013.12a índra śaviṣṭha satpate rayím grṇátsu dhārāya |  
8.013.12c śrávaḥ sūrībhyo amṛtam vasutvanám ||  
8.013.13a háve tvā sūra údite háve madhyáṃdine diváh |  
8.013.13c juśāṇá indra sáptibhir na á gahi ||  
8.013.14a á tú gahi prá tú drava mátsvā sutásya gómataḥ |  
8.013.14c tántum tanuṣva pūrvyám yáthā vidé ||  
8.013.15a yác chakṛāsi parāvāti yád arvāvāti vṛtrahan |  
8.013.15c yád vā samudré ándhaso 'vitéd asi ||  
8.013.16a índram vardhantu no gíra índram sutāsa índavaḥ |  
8.013.16c índre havíṣmatīr víšo arāṇiṣuḥ ||  
8.013.17a tám íd víprā avasyávaḥ pravátvatībhir útíbhīḥ |  
8.013.17c índram kṣoṇír avardhayan vayá iva ||  
8.013.18a trikadrúkeṣu cétanam devāso yajñám atnata |  
8.013.18c tám íd vardhantu no gíraḥ sadāvṛdham ||  
8.013.19a stotá yát te ánuvrata ukthāny ṛtuthá dadhé |  
8.013.19c śúciḥ pāvaká ucyate só ádbhutaḥ ||  
8.013.20a tád íd rudrásya cetati yahvám pratnéṣu dhāmasu |  
8.013.20c máno yátrā ví tád dadhúr vícetasah ||

- 8.013.21a yádi me sakhyám āvára imásya pāhy ándhasaḥ |  
8.013.21c yéna vísvā áti dvíṣo átārima ||  
8.013.22a kadā ta indra girvaṇa stotā bhavāti sám̐tamaḥ |  
8.013.22c kadā no gāvye áśvye vásau dadhaḥ ||  
8.013.23a utá te súṣṭutā hárī vṛṣaṇā vahato rátham |  
8.013.23c ajuryásya madíntamaḥ yám ímahe ||  
8.013.24a tám ímahe puruṣṭutám yahvám pratnābhir ūtíbhīḥ |  
8.013.24c ní barhíṣi priyé sadad ádha dvitā ||  
8.013.25a várdhasvā sú puruṣṭuta ṛṣiṣṭutābhir ūtíbhīḥ |  
8.013.25c dhukṣásva pipyúṣīm íṣam ávā ca naḥ ||  
8.013.26a índra tvám avitéd asítthā stuvató adrivaḥ |  
8.013.26c ṛtād iyarmi te dhíyam manoyújam ||  
8.013.27a ihá tyā sadhamādyā yujānāḥ sómapītaye |  
8.013.27c hárī indra pratádvāsū abhí svara ||  
8.013.28a abhí svarantu yé táva rudrásah sakṣata śríyam |  
8.013.28c utó marútvaṭīr víṣo abhí práyaḥ ||  
8.013.29a imá asya práṭūrtayaḥ padám̐ juṣanta yád diví |  
8.013.29c nābhā yajñásya sám̐ dadhur yáthā vidé ||  
8.013.30a ayám̐ dīrghāya cáksase práci prayaty ádhvaré |  
8.013.30c mím̐ite yajñám̐ ānuśág vicáksya ||  
8.013.31a vṛṣāyám̐ indra te rátha utó te vṛṣaṇā hárī |  
8.013.31c vṛṣā tvám̐ satakrato vṛṣā hávaḥ ||  
8.013.32a vṛṣā grāvā vṛṣā mádo vṛṣā sómo ayám̐ sutáḥ |  
8.013.32c vṛṣā yajñó yám̐ ínvasi vṛṣā hávaḥ ||  
8.013.33a vṛṣā tvā vṛṣaṇam̐ huve vājriṇī citrábhir ūtíbhīḥ |  
8.013.33c vāvántha hí prátiṣṭutim̐ vṛṣā hávaḥ ||

(634)

- 8.014.01a yád indráhām̐ yáthā tvám̐ íśīya vásva éka ít |  
8.014.01c stotā me góṣakhā syāt ||  
8.014.02a śíkṣeyam̐ asmai dítseyam̐ śácīpate manīṣiṇe |  
8.014.02c yád ahám̐ gópatiḥ syām̐ ||  
8.014.03a dhenúṣ̐ ta indra sūnítā yájamānāya sunvaté |  
8.014.03c gām̐ áśvam̐ pipyúṣī duhe ||  
8.014.04a ná te vartāsti rádhasa índra devó ná mártyaḥ |  
8.014.04c yád dítasi stutó maghám̐ ||  
8.014.05a yajñā índram̐ avardhayad yád bhūmim̐ vy ávartayat |  
8.014.05c cakrāṇā opaśám̐ diví ||  
8.014.06a vāvṛdhānásya te vayám̐ vísvā dhánāni jigyúṣaḥ |  
8.014.06c ūtím̐ indrá vṛṇímahe ||  
8.014.07a vy antárikṣam̐ atiran máde sómasya rocanā |  
8.014.07c índro yád ábhínad valám̐ ||  
8.014.08a úd gā ājad ángirobhya āviṣ̐ kṛṇván gúhā satíḥ |  
8.014.08c arvāñcam̐ nunude valám̐ ||

- 8.014.09a índreṇa rocanā divó dṛḷhāni dṛṃhitāni ca |  
 8.014.09c sthirāṇi ná parāṇúde ||  
 8.014.10a apām ūrmír mādann iva stóma indrājirāyate |  
 8.014.10c ví te mādā arājiṣuḥ ||  
 8.014.11a tvām hí stomavárdhana indrásy ukthavárdhanaḥ |  
 8.014.11c stotṛṇām utá bhadrakṛt ||  
 8.014.12a índram ít keśínā hárī somapéyāya vakṣataḥ |  
 8.014.12c úpa yajñam surādhasam ||  
 8.014.13a apām phéna námuceḥ síra indród avartayaḥ |  
 8.014.13c vísvā yád ájaya spṛdhaḥ ||  
 8.014.14a māyābhir utsísṛpsata índra dyām ārúrukṣataḥ |  
 8.014.14c áva dásyūṃr adhūnuthāḥ ||  
 8.014.15a asunvām indra samsádam víṣūcīm vy ànāśayaḥ |  
 8.014.15c somapá úttaro bhávan ||

(635)

- 8.015.01a tám v abhí prá gāyata puruhūtám puruṣtutám |  
 8.015.01c índram gīrbhís taviśám á vivāsata ||  
 8.015.02a yásya dvibárhaso bṛhát sáho dādḥára ródasī |  
 8.015.02c girīṃr ájrām apáh svàr vṛṣatvanā ||  
 8.015.03a sá rājasi puruṣtutaṃ éko vṛtrāṇi jighnase |  
 8.015.03c índra jaítṛā śravasyā ca yántave ||  
 8.015.04a tám te mādām grṇīmasi víṣaṇam pṛtsú sāsahím |  
 8.015.04c ulokakṛtnúm adrivo hariśríyam ||  
 8.015.05a yéna jyótīṃsy āyáve mánave ca vivéditha |  
 8.015.05c mandāno asyá barhíso ví rājasi ||  
 8.015.06a tád adyá cit ta ukthínó 'nu ṣtuvanti pūrváthā |  
 8.015.06c víṣapatnīr apó jayā divé-dive ||  
 8.015.07a táva tyád indriyám bṛhát táva súṣmam utá krátum |  
 8.015.07c vājraṃ śísāti dhiśāṇā váreṇyam ||  
 8.015.08a táva dyaúr indra paúmsyam pṛthiví vardhati śrávaḥ |  
 8.015.08c tvām āpaḥ párvatāsaś ca hinvire ||  
 8.015.09a tvām víṣnur bṛhán kṣáyo mitró grṇāti váruṇaḥ |  
 8.015.09c tvām sárdho madaty ánu mārutam ||  
 8.015.10a tvām víṣā jánānām māmhiṣṭha indra jajñiṣe |  
 8.015.10c satṛá vísvā svapatyāni dadhiṣe ||  
 8.015.11a satṛá tvám puruṣtutaṃ éko vṛtrāṇi tośase |  
 8.015.11c nānyá índrāt káraṇam bhūya invati ||  
 8.015.12a yád indra manmaśás tvā nānā hávanta útáye |  
 8.015.12c asmākebhir nṛbhir átrā svàr jaya ||  
 8.015.13a áram kṣáyāya no mahé vísvā rūpāṇy áviśán |  
 8.015.13c índram jaítṛāya harṣayā sácīpátim ||

(636)

- 8.016.01a prá samrájaṃ carṣaṇīnām índraṃ stotā návyam gīrbhīḥ |  
8.016.01c náraṃ nr̥ṣāham māmhiṣṭham ||  
8.016.02a yásminn ukthāni ráṅyanti víśvāni ca śravasyā |  
8.016.02c apām ávo ná samudré ||  
8.016.03a tám suṣṭutyā vivāse jyeṣṭharājam bhāre kṛtnúm |  
8.016.03c mahó vājinaṃ sanībhyaḥ ||  
8.016.04a yásyānūnā gabhīrā mādā urávas tárutrāḥ |  
8.016.04c harṣumāntaḥ sūrasātau ||  
8.016.05a tám íd dhāneṣu hitéṣv adhivākāya havante |  
8.016.05c yéṣām índras té jayanti ||  
8.016.06a tám íc cyautnaír āryanti tám kṛtébhiś carṣaṇāyaḥ |  
8.016.06c eṣá índro varivaskṛt ||  
8.016.07a índro brahméndra ṛṣir índraḥ purú puruhūtāḥ |  
8.016.07c mahān mahībhiḥ śacṭbhiḥ ||  
8.016.08a sá stómyaḥ sá hávyāḥ satyāḥ sátvā tuvikūrmīḥ |  
8.016.08c ékaś cit sánn abhībhūtiḥ ||  
8.016.09a tám arkébhis tám sāmabhis tám gāyatraís carṣaṇāyaḥ |  
8.016.09c índraṃ vardhanti kṣitáyaḥ ||  
8.016.10a praṇetāraṃ vāsyo áchā kártāraṃ jyótiḥ samātsu |  
8.016.10c sāsahváṃsaṃ yudhāmítṛān ||  
8.016.11a sá naḥ pápriḥ párayāti svastí nāvā puruhūtāḥ |  
8.016.11c índro víśvā áti dvíṣaḥ ||  
8.016.12a sá tvám na indra vājebhir daśasyā ca gātuyā ca |  
8.016.12c áchā ca naḥ sumnām neṣi ||

(637)

- 8.017.01a á yāhi suṣumā hí ta índra sómam pībā imám |  
8.017.01c édám barhīḥ sado máma ||  
8.017.02a á tvā brahmayújā hárī váhatām indra keśínā |  
8.017.02c úpa bráhmāṇi naḥ śṛṇu ||  
8.017.03a brahmāṇas tvā vayám yujā somapām indra somínaḥ |  
8.017.03c sutāvanto havāmahe ||  
8.017.04a á no yāhi sutāvato 'smákam suṣṭutír úpa |  
8.017.04c pībā sú śiprinn ándhasaḥ ||  
8.017.05a á te siñcāmi kukṣyór ánu gātrā ví dhāvatu |  
8.017.05c gr̥bhāyā jihvāyā mādhu ||  
8.017.06a svādús ṭe astu saṃsúde mádhumān tanvè táva |  
8.017.06c sómaḥ sám astu te hṛdé ||  
8.017.07a ayám u tvā vicarṣaṇe jánir ivābhí sámvr̥taḥ |  
8.017.07c prá sóma indra sarpatu ||  
8.017.08a tuvigr̥tvo vapódaraḥ subāhúr ándhaso máde |

- 8.017.08c índro vṛtrāṇi jighnate ||  
8.017.09a índra préhi purás tvám vísvasyésāna ójasā |  
8.017.09c vṛtrāṇi vṛtrahañ jahi ||  
8.017.10a dīrghás te astv añkuśó yénā vásu prayáchasi |  
8.017.10c yájamānāya sunvaté ||  
8.017.11a ayám ta indra sómo nípūto ádhi barhíṣi |  
8.017.11c éhīm asyá drávā píba ||  
8.017.12a śácigo śácipūjanāyám ráñāya te sutáh |  
8.017.12c ákhaṇḍala prá hūyase ||  
8.017.13a yás te śṛṅgavr̥ṣo napāt pránapāt kuṇḍapāyyah |  
8.017.13c ny àsmín dadhra á mánaḥ ||  
8.017.14a vāstoṣ pate dhruvā sthūñāmsatram somyānām |  
8.017.14c drapsó bhettá purám śásvatīnām índro múnīnām sákhā ||  
8.017.15a pṛḍākusānur yajató gavéṣaṇa ékaḥ sánn abhí bhūyasah |  
8.017.15c bhūrṇim áśvam nayat tujá puró gṛbhéndram sómasya pītāye ||

(638)

- 8.018.01a idám ha nūnám eṣām sumnám bhikṣeta mártayah |  
8.018.01c ādityānām ápūrvyam sávīmani ||  
8.018.02a anarváṇo hy eṣām pánthā ādityānām |  
8.018.02c ádabdhāḥ sánti pāyávaḥ sugevṛdhaḥ ||  
8.018.03a tát sú naḥ savitā bhágo váruṇo mitró aryamā |  
8.018.03c śárma yachantu saprátho yád ímahe ||  
8.018.04a devébhir devy adité 'riṣṭabharmann á gahi |  
8.018.04c smát sūrībhiḥ purupriye suśármabhiḥ ||  
8.018.05a té hí putráso áditer vidúr dvéṣāṃsi yótave |  
8.018.05c aṃhós cid urucákrayo 'nehásah ||  
8.018.06a áditir no dívā paśúm áditir náktam ádvayāḥ |  
8.018.06c áditiḥ pātv áṃhasah sadāvṛdhā ||  
8.018.07a utá syā no dívā matír áditir ūtyá gamat |  
8.018.07c sá sám̐tāti máyas karad ápa srídhaḥ ||  
8.018.08a utá tyá daívyā bhiṣájā sám̐ naḥ karato ásvínā |  
8.018.08c yuyuyātām itó rápo ápa srídhaḥ ||  
8.018.09a sám̐ agnír agnībhiḥ karac chám̐ nas tapatu sūryah |  
8.018.09c sám̐ vāto vātv arapá ápa srídhaḥ ||  
8.018.10a ápāmīvām ápa srídham ápa sedhata durmatím |  
8.018.10c ádityāso yuyótanā no áṃhasah ||  
8.018.11a yuyótā sárum asmád̐ áṃ̐ ádityāsa utāmatim |  
8.018.11c ṛdhag dvéṣah kṛṇuta víšvavedasah ||  
8.018.12a tát sú naḥ śárma yachatādityā yán múmocati |  
8.018.12c énasvantam̐ cid énasah sudānavah ||  
8.018.13a yó naḥ kás cid rírikṣati rakṣastvéna mártayah |  
8.018.13c svaíḥ śá évai ririṣīṣṭa yúr jánaḥ ||  
8.018.14a sám̐ ít tám̐ aśhám̐ aśnavad̐ duhśámsam̐ mártvam̐ riním̐ |

- 8.018.14c yó asmatrá durháñāvāñ úpa dvayúḥ ||  
8.018.15a pākatrá sthana devā hr̥tsú jāñītha mártiyam |  
8.018.15c úpa dvayúḥ cādvayum ca vasavaḥ ||  
8.018.16a ā sárma párvatānām ótápāḥ vṛñīmahe |  
8.018.16c dyāvākṣāmāré asmád rápas kṛtam ||  
8.018.17a té no bhadréṇa sármañā yuṣmákam nāvā vasavaḥ |  
8.018.17c áti vísvāni duritā pipartana ||  
8.018.18a tucé tánāya tát sú no drāghīya áyur jīvāse |  
8.018.18c ádityāsaḥ sumahasah kṛñótana ||  
8.018.19a yajñó hīló vo ántara ádityā ásti mṛlāta |  
8.018.19c yuṣmé íd vo ápi ṣmasi sajātyè ||  
8.018.20a bṛhád várūtham marútāḥ devám trātāram ásvínā |  
8.018.20c mitráḥ īmahe váruṇam svastāye ||  
8.018.21a anehó mitrāryaman nṛvād varuṇa sámśyam |  
8.018.21c trivárūtham maruto yanta naś chardīḥ ||  
8.018.22a yé cid dhī mṛtyúbandhava ádityā mánavaḥ smási |  
8.018.22c prá sú na áyur jīvāse tīretana ||

(639)

- 8.019.01a tám gūrdhayā svāñaram devāso devám aratīm dadhanvire |  
8.019.01c devatrā havayám óhire ||  
8.019.02a víbhūtarātim vipra citrásociṣam agním īliṣva yantúram |  
8.019.02c asyá médhasya somyāsya sobhare prém adhvarāya púrvyam ||  
8.019.03a yájiṣṭham tvā vavṛmahe devám devatrā hótāram ámartiyam |  
8.019.03c asyá yajñāsya sukrátum ||  
8.019.04a ūrjó nápātam subhāgam sudíditiḥ agním śrēṣṭhasociṣam |  
8.019.04c sá no mitrásya váruṇasya só apám ā sumnám yakṣate diví ||  
8.019.05a yáh samídhā yá áhuṭi yó védena dadāsa márti agnáye |  
8.019.05c yó námasā svadhvarāḥ ||  
8.019.06a tásyéd árvanto ramhayanta āsávas tāsya dyumnítamaḥ yásah |  
8.019.06c ná tám áṃho devákṛtam kútaś caná ná mártiyakṛtam naśat ||  
8.019.07a svagnáyo vo agnībhiḥ syāma sūno sahasa ūrjām pate |  
8.019.07c suvīras tvám asmayúḥ ||  
8.019.08a prasámśamāno átithir ná mitríyo 'gní rátho ná védyah |  
8.019.08c tvé kṣémāso ápi santi sādhasvas tvám rájā rayīñām ||  
8.019.09a só addhá dāsvadhvaró 'gne mártah subhaga sá prasámśyah |  
8.019.09c sá dhībhir astu sánitā ||  
8.019.10a yásya tvám ūrdhvó adhvarāya tíṣṭhasi kṣayádvīrah sá sādgate |  
8.019.10c só árvadbhiḥ sánitā sá vipanyúbhiḥ sá súraiḥ sánitā kṛtām ||  
8.019.11a yásyāgnír vāpur grhé stómam cáno dádhīta vísvāvāryah |  
8.019.11c havjá vā véviṣad víṣah ||  
8.019.12a víprasya vā stuvatāḥ sahaso yaho makṣūtamasya rātīṣu |  
8.019.12c avódevam upárimartyam kṛdhi váso vividúšo vácaḥ ||

- 8.019.13a yó agníṃ havyádātibhir námobhir vā sudákṣam āvívāsati |  
8.019.13c girā vājirásociṣam ||  
8.019.14a samídhā yó níśítī dāśad áditiṃ dhāmabhir asya mártyaḥ |  
8.019.14c víśvét sá dhībhīḥ subhágo jánāñ áti dyumnaír udná iva tārīṣat ||  
8.019.15a tát agne dyumnám á bhara yát sāsáhat sádane kám cid atrīṇam |  
8.019.15c manyúṃ jánasya dūḍhyaḥ ||  
8.019.16a yéna cáṣṭe váruṇo mitró aryamá yéna nāsatyā bhágaḥ |  
8.019.16c vayám tát te śávasā gātuvíttamā índratvotā vidhemahi ||  
8.019.17a té ghéd agne svādhyò yé tvā vipra nidadhiré ṛcákṣasam |  
8.019.17c víprāso deva sukrátum ||  
8.019.18a tá íd védiṃ subhaga tá áhutiṃ té sótuṃ cakrire diví |  
8.019.18c tá íd vājebhir jigyor mahád dhánaṃ yé tvé kámaṃ nyeriré ||  
8.019.19a bhadró no agnír áhuto bhadrá rātīḥ subhaga bhadró adhvaráḥ |  
8.019.19c bhadrá utá práśastayaḥ ||  
8.019.20a bhadrám mánaḥ kṛṇuṣva vṛtratūrye yénā samátsu sāsáhaḥ |  
8.019.20c áva sthirá tanuhi bhūri śárdhatāṃ vanémā te abhíṣṭibhiḥ ||  
8.019.21a íle girá mánurhitam yám devá dūtám aratíṃ nyeriré |  
8.019.21c yájiṣṭham havyavāhanam ||  
8.019.22a tigmájambhāya táruṇāya rájate práyo gāyasy agnáye |  
8.019.22c yáḥ piṃśáte sūnṛtābhiḥ suvīryam agnír ghr̥tébhir áhutaḥ ||  
8.019.23a yádī ghr̥tébhir áhuto vāsīm agnír bhárata úc cáva ca |  
8.019.23c áśura iva nirṇíjam ||  
8.019.24a yó havyāny aírayatā mánurhito devá āsā sugandhínā |  
8.019.24c vívāsate vāryāṇi svadhvaró hótā devó ámartyaḥ ||  
8.019.25a yád agne mártyas tvám syám ahám mitramaho ámartyaḥ |  
8.019.25c sáhasaḥ sūnav áhuta ||  
8.019.26a ná tvā rāsīyābhíśastaye vaso ná pāpatvāya santya |  
8.019.26c ná me stotāmatīvā ná dúrhitaḥ syād agne ná pāpāyā ||  
8.019.27a pitúr ná putráḥ súbhṛto duroṇá á devāñ etu prá ṇo havíḥ ||  
8.019.28a távāhám agna ūtībhir nédiṣṭhābhiḥ saceya jóṣam á vaso |  
8.019.28c sádā devásya mártyaḥ ||  
8.019.29a táva krátvā saneyaṃ táva rātībhir ágne táva práśastibhiḥ |  
8.019.29c tvám íd áhuḥ prámatíṃ vaso māmāgne hárṣasva dātave ||  
8.019.30a prá só agne távotībhiḥ suvīrābhis tirate vājabharmabhiḥ |  
8.019.30c yásya tvám sakhyám āvárah ||  
8.019.31a táva drapsó nílavān vāsá ṛtvíya índhānaḥ siṣṇav á dade |  
8.019.31c tvám mahínām uśásam asi priyáḥ kṣapó vástuṣu rájasi ||  
8.019.32a tám āganma sóbharayaḥ sahásramuṣkam svabhiṣṭím ávase |  
8.019.32c samrājāṃ trāsadasyavam ||  
8.019.33a yásya te agne anyé agnáya upakṣíto vayá iva |  
8.019.33c vípo ná dyumnā ní yuve jánānām táva kṣatrāṇi vardháyan ||  
8.019.34a yám ādityāso adruhaḥ pāram náyatha mártyam |  
8.019.34c maghónām víśveṣām sudānavaḥ ||  
8.019.35a yūyám rájanaḥ kám cic carṣaṇīsaḥ kṣáyantam mánuṣāñ ánu |  
8.019.35c vayám té vo váruṇo mitráryamaṃ svāméd ṛtásya rathvāḥ ||

- 8.019.35c vayanī te vo varuṇa mītrāyamañ śyamecū itasya tauriyam ||  
 8.019.36a ádān me pauraḥkutsyāḥ pañcāśātam trasādasyur vadhūnām |  
 8.019.36c māmhiṣṭho aryāḥ sátpatiḥ ||  
 8.019.37a utá me prayíyor vayíyoḥ suvástvā ádhi túgvani |  
 8.019.37c tiṣṭhāṃ saptatīnām śyāvāḥ praṇetā bhuvad vásur díyānām pátiḥ ||

(640)

- 8.020.01a á gantā má riṣaṇyata prásthāvāno mápa sthātā samanyavaḥ |  
 8.020.01c sthirá cin namayiṣṇavaḥ ||  
 8.020.02a vīlupavíbhīr maruta ṛbhukṣaṇa á rudrāsaḥ sudītíbhīḥ |  
 8.020.02c iṣā no adyá gatā purusṛho yajñām á sobharīyávaḥ ||  
 8.020.03a vidmá hí rudríyāṇām śúśmam ugrám marútām śímīvatām |  
 8.020.03c víṣṇor eśásya mīlhúśām ||  
 8.020.04a ví dvīpāni pápatan tiṣṭhad duchúnobhé yujanta ródasī |  
 8.020.04c prá dhánvāny airata śubhrakhādayo yád éjatha svabhānavaḥ ||  
 8.020.05a ácyutā cid vo ájmann á nānadati párvatāso vānaspátiḥ |  
 8.020.05c bhūmir yāmeṣu rejate ||  
 8.020.06a ámāya vo maruto yātave dyaúr jīhīta úttarā bṛhát |  
 8.020.06c yátrā náro dédisate tanúṣv á tvákṣāmsi bāhvòjasah ||  
 8.020.07a svadhám ánu śríyaṃ náro máhi tveṣá ámavanto vṛṣapsavaḥ |  
 8.020.07c vāhante áhrutapsavaḥ ||  
 8.020.08a góbhir vāno ájyate sóbharīnām ráthe kóse hiranyáye |  
 8.020.08c góbandhavaḥ sujātāsa iṣé bhujé mahānto na spárase nú ||  
 8.020.09a práti vo vṛsadañjayo vṛṣṇe śárdhāya mārūtāya bharadhvam |  
 8.020.09c havýá vṛṣaprayāvṇe ||  
 8.020.10a vṛṣaṇaśvéna maruto vṛṣapsunā ráthena vṛṣanābhīnā |  
 8.020.10c á śyenāso ná pakṣīno vṛthā naro havýá no vītáye gata ||  
 8.020.11a samānām añjy eṣāṃ ví bhrājante rukmāso ádhi bāhúṣu |  
 8.020.11c dávidyutaty ṛṣṭáyah ||  
 8.020.12a tá ugrāso vṛṣaṇa ugrábāhavo nákiṣ tanúṣu yetire |  
 8.020.12c sthirá dhánvāny áyudhā rátheṣu vó 'nīkeṣv ádhi śríyah ||  
 8.020.13a yéṣām árṇo ná saprátho nāma tveṣāṃ śásvatām ékam íd bhujé |  
 8.020.13c váyo ná pítryaṃ sáhah ||  
 8.020.14a tán vandasva marútas táṃ úpa stuhi téṣāṃ hí dhúnīnām |  
 8.020.14c arāṇām ná caramás tád eṣāṃ dáná mahná tád eṣāṃ ||  
 8.020.15a subhágaḥ sá va útíṣv ása pūrvāsu maruto vyóṣṭiṣu |  
 8.020.15c yó vā nūnám utásati ||  
 8.020.16a yásya vā yūyám práti vājīno nara á havýá vītáye gathá |  
 8.020.16c abhí śá dyumnaír utá vājasātíbhīḥ sumná vo dhūtayo naśat ||  
 8.020.17a yáthā rudrāsya sūnávo divó vásanty ásurasya vedhásah |  
 8.020.17c yúvānas táthéd asat ||  
 8.020.18a yé cárhanti marútaḥ sudánavaḥ smán mīlhúśas cáranti yé |  
 8.020.18c átaś cid á na úpa vásyasā hṛdá yúvāna á vavṛdhvam ||  
 8.020.19a yúna ū sú náviṣṭhayā vṛṣṇah pávakāṃ abhí sobhare girá |



8.020.19c gāya gā iva cārkr̥ṣat ||  
 8.020.20a sāhā yé sánti muṣṭihéva hávyo vísvāsu pṛtsú hótṛṣu |  
 8.020.20c vṛṣṇas candrān ná suśrāvastamān girā vāndasva marúto áha ||  
 8.020.21a gāvas cid ghā samanyavaḥ sajātyèna marutaḥ sábandhavaḥ |  
 8.020.21c rihaté kakúbho mitháh ||  
 8.020.22a mártas cid vo nṛtavo rukmavakṣasa úpa bhrātrtvám áyati |  
 8.020.22c ádhi no gāta marutaḥ sádā hí va āpitvám ásti nídhruvi ||  
 8.020.23a máruto márutasya na ā bheṣajásya vahatā sudānavaḥ |  
 8.020.23c yūyám sakhāyaḥ saptayaḥ ||  
 8.020.24a yābhiḥ síndhum ávatha yābhis túrvatha yābhir daśasyáthā krívim |  
 8.020.24c máyo no bhūtotíbhīr mayobhuvāḥ śívābhir asacadviṣaḥ ||  
 8.020.25a yát síndhau yád ásiknyām yát samudréṣu marutaḥ subarhiṣaḥ |  
 8.020.25c yát párvateṣu bheṣajám ||  
 8.020.26a vísvam páśyanto bibhṛthā tanūṣv ā ténā no ádhi vocata |  
 8.020.26c kṣamā rápo maruta áturasya na íṣkartā víhrutam púnaḥ ||

(641)

8.021.01a vayám u tvám apūrvya sthūrām ná kác cid bháranto 'vasyávaḥ |  
 8.021.01c vāje citrām havāmahe ||  
 8.021.02a úpa tvā kármann útáye sá no yúvográs cakrāma yó dhr̥ṣát |  
 8.021.02c tvám íd dhy àvitāraṃ vavṛmāhe sákhāya indra sānasím ||  
 8.021.03a ā yāhīmá índavo 'śvapate gópata úrvarāpate |  
 8.021.03c sómaṃ somapate piba ||  
 8.021.04a vayám hí tvā bándhumantam abandhávo víprāsa indra yemimá |  
 8.021.04c yá te dhāmāni vṛṣabha tébhir ā gahi vísvēbhiḥ sómapītaye ||  
 8.021.05a sídantas te váyo yathā góśrite mádhau madiré vivákṣaṇe |  
 8.021.05c abhí tvám indra nonumaḥ ||  
 8.021.06a áchā ca tvainā námasā vādāmasi kím múhuś cid ví dīdhayaḥ |  
 8.021.06c sánti kāmāso harivo dadíṣ tvám smó vayám sánti no dhíyaḥ ||  
 8.021.07a nūtnā íd indra te vayám útí abhūma nahí nú te adrivaḥ |  
 8.021.07c vidmá purá párīṇasaḥ ||  
 8.021.08a vidmá sakhitvám utá śūra bhojyām ā te tá vajrinn īmahe |  
 8.021.08c utó samasminn ā śísīhi no vaso vāje suśipra gómati ||  
 8.021.09a yó na idám-idam purá prá vásya ānināya tám u va stuṣe |  
 8.021.09c sákhāya índram útáye ||  
 8.021.10a háryasvam sátpatiṃ carṣaṇīsáhaṃ sá hí śmā yó ámandata |  
 8.021.10c ā tú naḥ sá vayati gávyam ásvyaṃ stotṛbhyo maghāvā śatám ||  
 8.021.11a tváyā ha svid yujá vayám práti śvasántaṃ vṛṣabha bruvīmahi |  
 8.021.11c samsthé jánasya gómataḥ ||  
 8.021.12a jáyema kārē puruhūta kārīṇo 'bhí tiṣṭhema dūḍhyaḥ |  
 8.021.12c nṛbhīr vṛtrām hanyāma sūśuyāma cáver indra prá ṇo dhíyaḥ ||  
 8.021.13a abhrātrvyó anā tvám ánāpir indra janúsā sanād asi |  
 8.021.13c yudhéd āpitvám ichase ||  
 8.021.14a náki revántam sakhvāva vindase dívanti te surāśvāḥ |

- 8.021.14c yadā kr̥ṇōṣi nadanūṃ sām ūhasy ād ít pitéva hūyase ||  
 8.021.15a mǎ te amājūro yathā mūrāsa indra sakhyé tvāvataḥ |  
 8.021.15c ní ṣadāma sácā suté ||  
 8.021.16a mǎ te godatra nír arāma rádhasa índra mǎ te gṛhāmahi |  
 8.021.16c dṛlḥā cid aryáḥ prá mṛśābhy á bhara ná te dāmāna ādábhe ||  
 8.021.17a índro vā ghéd íyan maghám sárasvatī vā subhágā dadír vásu |  
 8.021.17c tvám vā citra dāsúṣe ||  
 8.021.18a cítta íd rájā rájakā íd anyaké yaké sárasvatīm ánu |  
 8.021.18c parjánya iva tatánad dhí vṛṣṭyá sahasram ayútā dádat ||

(642)

- 8.022.01a ó tyám ahva á rátham adyá dáṃsiṣṭham ūtáye |  
 8.022.01c yám asvínā suhavā rudravartanī á sūryáyai tastháthuḥ ||  
 8.022.02a pūr̥váyúṣam suhávam puruspṛ́ham bhujyúṃ vājeṣu pūr̥vyam |  
 8.022.02c sacanāvantaṃ sumatíbhiḥ sobhare vídveṣasam anehásam ||  
 8.022.03a ihá tyá purubhūtāmā devá námobhir asvínā |  
 8.022.03c arvācīnā sv ávase karāmahe gántārā dāsúṣo gṛhám ||  
 8.022.04a yuvó ráthasya pári cakráṃ íyata írmānyád vām iṣanyati |  
 8.022.04c asmāñ áchā sumatír vām śubhas patī á dhenúr iva dhāvatu ||  
 8.022.05a rátho yó vām trivandhuró híraṇyābhīsur asvínā |  
 8.022.05c pári dyāvāpṛthivī bhūṣati śrutás téna nāsatyá gatam ||  
 8.022.06a daśasyántā mánave pūr̥vyám diví yávaṃ vṛkeṇa karṣathaḥ |  
 8.022.06c tá vām adyá sumatíbhiḥ śubhas patī ásvínā prá stuvīmahi ||  
 8.022.07a úpa no vājīnīvasū yātám ṛtásya pathíbhiḥ |  
 8.022.07c yébhīḥ ṛkṣīm vṛṣaṇā trāsadasyavám mahé kṣatrāya jínvathaḥ ||  
 8.022.08a ayám vām ádribhiḥ sutáḥ sómo narā vṛṣaṇvasū |  
 8.022.08c á yātaṃ sómapítaye píbatam dāsúṣo gṛhé ||  
 8.022.09a á hí ruhátam asvínā ráthe kóse hiraṇyáye vṛṣaṇvasū |  
 8.022.09c yuñjāthām pívarīr iṣaḥ ||  
 8.022.10a yābhiḥ pakthám ávatho yābhir ádhrigum yābhir babhrúm víjoṣasam |  
 8.022.10c tábhir no makṣú túyam asvínā gatam bhiṣajyátaṃ yád áturam ||  
 8.022.11a yád ádhrigāvo ádhrigū idá cid áhno asvínā hávāmahe |  
 8.022.11c vayám gūrbhír vipanyávaḥ ||  
 8.022.12a tábhir á yātaṃ vṛṣaṇópa me hávam viśvápsum viśvāvāryam |  
 8.022.12c iṣá máṃhiṣṭhā purubhūtāmā narā yābhiḥ krívīm vāvṛdhús tábhir á gatam ||  
 8.022.13a táv idá cid áhānām táv asvínā vándamāna úpa bruve |  
 8.022.13c tá u námobhir īmahe ||  
 8.022.14a táv íd doṣá tá uṣási śubhás patī tá yāman rudrávartanī |  
 8.022.14c mǎ no mártāya ripáve vājīnīvasū paró rudrāv áti khyatam ||  
 8.022.15a á sūgmyāya sūgmyam prātá ráthenāsvínā vā sakṣānī |  
 8.022.15c huvé pitéva sóbharī ||  
 8.022.16a mánojavasā vṛṣaṇā madacyutā makṣumgamābhir ūtíbhiḥ |  
 8.022.16c ārāttāc cid bhūtam asmé ávase pūrvībhiḥ purubhojasā ||

- 8.022.17a ā no áśvāvad áśvinā vartír yāsiṣṭam madhupātamā narā |  
 8.022.17c gómad dasrā híraṇyavat ||  
 8.022.18a suprāvargám suvīryam suṣṭhú vāryam ánādhṛṣṭam rakṣasvínā |  
 8.022.18c asmínn ā vām āyāne vājinīvasū víśvā vāmāni dhīmahi ||

(643)

- 8.023.01a īliṣvā hí pratīvyam yájasva jātávedasam |  
 8.023.01c cariṣnúdhūmam ágrbhītaśociṣam ||  
 8.023.02a dāmānaṃ víśvacarṣaṇe 'gnīm víśvamano girā |  
 8.023.02c utá stuṣe víṣpardhaso ráthānām ||  
 8.023.03a yéṣām ābādhá ṛgmíya iṣáh pṛkṣás ca nigrábhe |  
 8.023.03c upavídā váhnir vindate vásu ||  
 8.023.04a úd asya śócír asthād dīdiyúšo vy àjāram |  
 8.023.04c tápurjambhasya sudyúto gaṇásríyaḥ ||  
 8.023.05a úd u tiṣṭha svadhvara stávāno devyā kṛpā |  
 8.023.05c abhikhyā bhāsā bṛhatā śusúkvāniḥ ||  
 8.023.06a ágne yāhí suśastíbhír havýā júhvāna ānuṣák |  
 8.023.06c yáthā dūtó babhūtha havýavāhanaḥ ||  
 8.023.07a agním vaḥ pūrvyám huve hótāram carṣaṇīnām |  
 8.023.07c tám ayā vácā gṛṇe tám u va stuṣe ||  
 8.023.08a yajñébhír ádbhutakratum yám kṛpā sūdáyanta ít |  
 8.023.08c mitráṃ ná jáne súdhitam ṛtāvani ||  
 8.023.09a ṛtāvānam ṛtāyavo yajñásya sādhanam girā |  
 8.023.09c úpo enam jujuṣur námasas padé ||  
 8.023.10a áchā no ángirastamaṃ yajñāso yantu saṃyátaḥ |  
 8.023.10c hótā yó ásti vikṣv ā yaśástamaḥ ||  
 8.023.11a ágne táva tyé ajaréndhānāso bṛhád bháh |  
 8.023.11c áśvā iva víṣaṇas taviṣīyávaḥ ||  
 8.023.12a sá tvám na ūrjām pate rayím rāsva suvīryam |  
 8.023.12c práva nas toké tánaye samátsv ā ||  
 8.023.13a yád vā u víspátih śítáh súprīto mánušo viśí |  
 8.023.13c víśvéd agníḥ práti rákṣāmsi sedhati ||  
 8.023.14a śruṣṭy ágne návasya me stómasya vīra víśpate |  
 8.023.14c ní māyīnas tápuṣā rakṣáso daha ||  
 8.023.15a ná tásya māyáyā caná ripúr īśīta mártyaḥ |  
 8.023.15c yó agnáye dadāśa havýádātibhiḥ ||  
 8.023.16a vyāśvas tvā vasuvídám ukṣaṇyúr aprīnād řṣih |  
 8.023.16c mahó rāyé tám u tvā sám idhīmahi ||  
 8.023.17a usánā kāvyás tvā ní hótāram asādayat |  
 8.023.17c āyajím tvā mánave jātávedasam ||  
 8.023.18a víśve hí tvā sajóśaso deváso dūtám ákrata |  
 8.023.18c śruṣṭí deva prathamó yajñíyo bhuvaḥ ||  
 8.023.19a imám ghā vīró amṛtam dūtám kṛṇvīta mártyaḥ |  
 8.023.19c nāvakám krsnāvartanim víhāvasam ||

- 8.023.20a táṃ huvema yatásrucaḥ subhāsaṃ śukrásocisaṃ |  
8.023.20c viśám agním ajáram pratnám ṛḍyam ||  
8.023.21a yó asmai havýádātibhir āhutim mártó 'vidhat |  
8.023.21c bhūri pósaṃ sá dhatte vīrávad yáśaḥ ||  
8.023.22a prathamám jātávedasam agním yajñéṣu pūrvyám |  
8.023.22c práti srúg eti námasā havíṣmatī ||  
8.023.23a ābhir vidhemāgnáye jyéṣṭhābhir vyaśvavát |  
8.023.23c máṃhiṣṭhābhir matíbhiḥ śukrásocise ||  
8.023.24a nūnám arca víhāyase stómebhi sthūrayūpavát |  
8.023.24c ṛṣe vaiyaśva dámyāyāgnáye ||  
8.023.25a átithim mánuṣānāṃ sūnúṃ vánaśpátīnām |  
8.023.25c víprā agním ávase pratnám ṛlate ||  
8.023.26a mahó víśvāṃ abhí ṣatò 'bhí havýāni mánuṣā |  
8.023.26c ágne ní ṣatsi námasādhi barhíṣi ||  
8.023.27a váṃsvā no váryā purú váṃsva ráyāḥ puruśpṛhaḥ |  
8.023.27c suvīryasya prajāvato yáśasvataḥ ||  
8.023.28a tvám varo suśámñé 'gne jánāya codaya |  
8.023.28c sádā vaso rātīm yaviṣṭha śásvate ||  
8.023.29a tvám hí supratúr ási tvám no gómatīr íṣaḥ |  
8.023.29c mahó ráyāḥ sātīm agne ápā vṛdhi ||  
8.023.30a ágne tvám yaśá asy á mitrávaruṇā vaha |  
8.023.30c ṛtāvānā samrājā pūtádakṣasā ||

(644)

- 8.024.01a sákhāya á śiśāmahi bráhméndrāya vajríṇe |  
8.024.01c stuśá ū śú vo nṛtamāya dhr̥ṣṇáve ||  
8.024.02a śávasā hy ási śrutó vṛtrahátyena vṛtrahā |  
8.024.02c maghaír maghóno áti sūra dáśasi ||  
8.024.03a sá na stávāna á bhara rayīm citráśravastamam |  
8.024.03c nireké cid yó harivo vásur dadíḥ ||  
8.024.04a á nirekám utá priyám índra dárṣi jánānām |  
8.024.04c dhr̥ṣatā dhr̥ṣṇo stávamāna á bhara ||  
8.024.05a ná te savyám ná dáksīṇaṃ hástaṃ varanta āmúraḥ |  
8.024.05c ná paribádho harivo gáviṣṭiṣu ||  
8.024.06a á tvā góbhīr iva vrajám gīrbhír ṛṇomy adrivaḥ |  
8.024.06c á smā kāmam jaritúr á mánaḥ pṛṇa ||  
8.024.07a víśvāni víśvámanaso dhiyá no vṛtrahantama |  
8.024.07c úgra praṇetar ádhi śú vaso gahi ||  
8.024.08a vayám te asyá vṛtrahan vidyáma sūra návyasaḥ |  
8.024.08c vaso spārhásya puruhūta rádhasaḥ ||  
8.024.09a índra yáthā hy ásti té 'parītam nṛto śávaḥ |  
8.024.09c ámṛktā rātīḥ puruhūta dāsúṣe ||  
8.024.10a á vṛśasva mahāmaha mahé nṛtama rádhasē |

- 8.024.10c dṛḥās cid dṛhya maghavan maghāttaye ||  
8.024.11a nū anyātrā cid adrivās tvān no jagmur āśāsaḥ |  
8.024.11c mághavañ chagdhí táva tán na ūtúbhiḥ ||  
8.024.12a nahy àngá nṛto tvád anyám vindāmi rádhasē |  
8.024.12c rāyē dyumnāya śāvase ca girvaṇaḥ ||  
8.024.13a éndum índrāya siñcata pībāti somyám mádhu |  
8.024.13c prá rádhasā codayāte mahitvanā ||  
8.024.14a úpo hārīṇām pátim dáksam pṛñcántam abravam |  
8.024.14c nūnám śrudhi stuvató aśvyāsya ||  
8.024.15a nahy àngá purā caná jajñé vīrātaras tvát |  
8.024.15c nākī rāyā naívāthā ná bhandānā ||  
8.024.16a éd u mádhvo madántaram siñcá vādhvāryo ándhasaḥ |  
8.024.16c evā hí vīrá stāvate sadāvṛdhaḥ ||  
8.024.17a índra sthātar harīṇām nákiṣ ṭe pūrvyāstutim |  
8.024.17c úd ānaṃśa śāvasā ná bhandānā ||  
8.024.18a tám vo vājānām pátim áhūmahi śravasyávaḥ |  
8.024.18c áprāyubhir yajñébhīr vāvṛdhényam ||  
8.024.19a éto nv índram stāvāma sákhāya stómyam náram |  
8.024.19c kṛṣṭīr yó vísvā abhy ásty éka ít ||  
8.024.20a ágorudhāya gavīṣe dyukṣāya dāsmyam vácaḥ |  
8.024.20c ghṛtāt svāḍīyo mádhunaś ca vocata ||  
8.024.21a yāsyāmitāni vīryā ná rádhaḥ páryetave |  
8.024.21c jyótīr ná vísvam abhy ásti dáksinā ||  
8.024.22a stuhīndram vyaśvavád ánūrmim vājīnam yámam |  
8.024.22c aryó gāyam máṃhamānam ví dāsúṣe ||  
8.024.23a evā nūnám úpa stuhi vaíyaśva daśamám návam |  
8.024.23c súvidvāṃsam carakṛtyam carāṇīnām ||  
8.024.24a vétthā hí níṛṭīnām vājrahasta parivṛjam |  
8.024.24c áhar-ahaḥ śundhyúḥ paripádām iva ||  
8.024.25a tát índrāva á bhara yénā damsiṣṭha kṛtvane |  
8.024.25c dvitá kútsāya śíśnatho ní codaya ||  
8.024.26a tám u tvā nūnám īmahe návyaṃ damsiṣṭha sányase |  
8.024.26c sá tvám no vísvā abhímātīḥ sakṣāñiḥ ||  
8.024.27a yá ṛkṣād áṃhaso mucád yó vāryāt saptá síndhuṣu |  
8.024.27c vādhar dāsāsya tuvinṛmṇa nīnamah ||  
8.024.28a yáthā varo suśámṇe sanībhya ávaho rayím |  
8.024.28c vyāśvebhyaḥ subhage vājīnīvati ||  
8.024.29a á nāryāsya dáksinā vyāśvāñ etu somínaḥ |  
8.024.29c sthūrám ca rádhaḥ śatávat sahásravat ||  
8.024.30a yát tvā pṛchád ījānāḥ kuhayá kuhayākṛte |  
8.024.30c eṣó ápaśrito való gomātīm áva tiṣṭhati ||

(645)

8.025.01a tá vām víśvasva gonā devā devésu vaiñívā |

- 8.025.01c ṛtāvānā yajase pūtādakṣasā ||
- 8.025.02a mitrā tātā nā rathyā vāruṇo yās ca sukrātuḥ |
- 8.025.02c sanāt sujātā tānāyā dhṛtāvratā ||
- 8.025.03a tā mātā viśvāvedasāsuryāya prāmahasā |
- 8.025.03c mahī jajānāditir ṛtāvārī ||
- 8.025.04a mahāntā mitrāvāruṇā samrājā devāv āsurā |
- 8.025.04c ṛtāvānāv ṛtām ā ghoṣato bṛhāt ||
- 8.025.05a nāpātā śāvaso mahāḥ sūnū dākṣasya sukrātū |
- 8.025.05c srprādānū iṣo vāstv ādhi kṣitaḥ ||
- 8.025.06a sām yā dānūni yemāthur divyāḥ pārthivīr iṣaḥ |
- 8.025.06c nābhasvatīr ā vām carantu vṛṣṭāyaḥ ||
- 8.025.07a ādhi yā bṛható divó 'bhī yūthēva pásyataḥ |
- 8.025.07c ṛtāvānā samrājā námase hitā ||
- 8.025.08a ṛtāvānā ní ṣedatuḥ sāmrajyāya sukrātū |
- 8.025.08c dhṛtāvratā kṣatṛiyā kṣatṛām āsatuḥ ||
- 8.025.09a akṣṇās cid gātuvittarānulbaṇéna cākṣasā |
- 8.025.09c ní cin miśāntā nicirā ní cikyatuh ||
- 8.025.10a utā no devy āditir uruṣyātām nāsatyā |
- 8.025.10c uruṣyāntu marúto vṛddhāsavasah ||
- 8.025.11a té no nāvām uruṣyata dívā náktam sudānavaḥ |
- 8.025.11c āriṣyanto ní pāyúbhiḥ sacemahi ||
- 8.025.12a ághnate viṣṇave vayām áriṣyantaḥ sudānave |
- 8.025.12c śrudhī svayāvan sindho pūrvácittaye ||
- 8.025.13a tād vāryam vṛṇīmahe váriṣṭham gopayātyam |
- 8.025.13c mitró yāt pānti vāruṇo yād aryamā ||
- 8.025.14a utā naḥ síndhur apām tán marútas tād ásvínā |
- 8.025.14c índro viṣṇur mīdhvāmsah sajóśasah ||
- 8.025.15a té hí śmā vanúšo náro 'bhímātim káyasya cit |
- 8.025.15c tigmām ná kṣódaḥ pratighnānti bhūrṇayaḥ ||
- 8.025.16a ayām éka itthā purúrú caṣṭe ví viśpátīḥ |
- 8.025.16c tāsya vratāny ānu vaś carāmasi ||
- 8.025.17a ānu pūrvāny okyā sāmrajyāsya saścima |
- 8.025.17c mitrásya vratā vāruṇasya dīrghaśrút ||
- 8.025.18a pári yó raśmínā divó 'ntān mamé pṛthivyāḥ |
- 8.025.18c ubhé ā paprau ródasī mahitvā ||
- 8.025.19a úd u śyā śaraṇé divó jyótir ayamsta sūryah |
- 8.025.19c agnīr ná śukráḥ samidhāná āhutaḥ ||
- 8.025.20a vāco dīrgháprasadmanīṣe vājasya gómataḥ |
- 8.025.20c íṣe hí pitvò 'viśásya dāvāne ||
- 8.025.21a tát sūryam ródasī ubhé doṣā vāstor úpa bruve |
- 8.025.21c bhojéṣv asmāṁ abhy úc carā sādā ||
- 8.025.22a ṛjṛám ukṣaṇyāyane rajatām hárayāṇe |
- 8.025.22c rátham yuktám asanāma suśāmaṇi ||
- 8.025.23a tá me ásvyānām hārīṇām nitósanā |

- 8.025.23c utó nú kṛtvānām nṛvāhasā ||  
 8.025.24a smādabhīṣū kāsāvantā víprā náviṣṭhayā matī |  
 8.025.24c mahó vājínāv árvantā sácāsanam ||

(646)

- 8.026.01a yuvór u ṣū rátham huve sadhástutyāya sūrīṣu |  
 8.026.01c átūrtadakṣā vṛṣaṇā vṛṣaṇvasū ||  
 8.026.02a yuvám varo suṣāmṇe mahé táne nāsatyā |  
 8.026.02c ávobhir yātho vṛṣaṇā vṛṣaṇvasū ||  
 8.026.03a tá vām adyá havāmahe havyébhir vājínivasū |  
 8.026.03c pūrvír iṣá iṣáyantāv áti kṣapāḥ ||  
 8.026.04a á vām vāhiṣṭho aśvinā rátho yātu śrutó narā |  
 8.026.04c úpa stómān turásya darśathaḥ śriyé ||  
 8.026.05a juhuraṇā cid aśvinā manyethām vṛṣaṇvasū |  
 8.026.05c yuvám hí rudrā pársatho áti dvīṣaḥ ||  
 8.026.06a dasrá hí víśvam ānuśán makṣúbhiḥ paridíyathaḥ |  
 8.026.06c dhiyamjinvā mádhuvanā śubhás pátī ||  
 8.026.07a úpa no yātam aśvinā rāyá vísvapúṣā sahá |  
 8.026.07c maghāvānā suvírāv ánapacyutā ||  
 8.026.08a á me asyá pratīvyām índranāsatyā gatam |  
 8.026.08c devá devébhir adyá sacánastamā ||  
 8.026.09a vayám hí vām hávāmaha ukṣaṇyānto vyaśvavát |  
 8.026.09c sumatībhir úpa viprāv ihá gatam ||  
 8.026.10a aśvinā sv ṛṣe stuhi kuvít te śrávato hávam |  
 8.026.10c nédīyasah kūlayātaḥ pañīmṛ utá ||  
 8.026.11a vaiyaśvāsya śrutam narotó me asyá vedathaḥ |  
 8.026.11c sajóśasā váruṇo mitró aryamá ||  
 8.026.12a yuvádattasya dhiṣṇyā yuvánītasya sūrībhiḥ |  
 8.026.12c áhar-ahar vṛṣaṇa máhyam śikṣatam ||  
 8.026.13a yó vām yajñébhir ávṛtó 'dhivastrā vadhúr iva |  
 8.026.13c saparyántā śubhé cakrāte aśvinā ||  
 8.026.14a yó vām uruvyácastamam cīketati nṛpáyyam |  
 8.026.14c vartír aśvinā pári yātam asmayú ||  
 8.026.15a asmábhyam sú vṛṣaṇvasū yātám vartír nṛpáyyam |  
 8.026.15c viṣudrúheva yajñám ūhathur girá ||  
 8.026.16a vāhiṣṭho vām hávānām stómo dūtó huvan narā |  
 8.026.16c yuvábhyām bhūtv aśvinā ||  
 8.026.17a yád adó divó arṇavá iṣó vā mādatho gṛhé |  
 8.026.17c śrutám ín me amartyā ||  
 8.026.18a utá syá śvetayávarī vāhiṣṭhā vām nadínām |  
 8.026.18c síndhur híraṇyavartaniḥ ||  
 8.026.19a smád etáyā sukīrtyáśvinā śvetáyā dhiyá |  
 8.026.19c váhethe śubhrayāvānā ||  
 8.026.20a vuksvá hí tvám rathāsáhā vuvásva pósvā vaso |

- 8.026.20c ǎn no vāyo mādhu pibāsmākam sávanā gahi ||  
8.026.21a táva vāyav ṛtaspace tváṣtur jāmātar adbhuta |  
8.026.21c ávāmsy ā vṛṇīmahe ||  
8.026.22a tváṣtur jāmātaram vayám íśānam rāyá īmahe |  
8.026.22c sutāvanto vāyúm dyumnā jánāsaḥ ||  
8.026.23a vāyo yāhí śívā divó váhasvā sú svásvyam |  
8.026.23c váhasva maháḥ pṛthupákṣasā rátthe ||  
8.026.24a tvām hí supsárastamaḥ nṛśádaneṣu hūmáhe |  
8.026.24c grāvāṇam náśvaprṣṭham mamhánā ||  
8.026.25a sá tvām no deva mánasā vāyo mandāno agriyáḥ |  
8.026.25c kṛdhí vājāṃ apó dhíyaḥ ||

(647)

- 8.027.01a agnír ukthé puróhito grāvāṇo barhír adhvaré |  
8.027.01c ṛcā yāmi marúto bráhmaṇas pátiḥ devāṃ ávo váreṇyam ||  
8.027.02a ā pasúm gāsi pṛthivīm vānaspátin uśāsā náktam óśadhīḥ |  
8.027.02c víśve ca no vasavo víśvavedaso dhīnām bhūta prāvitārah ||  
8.027.03a prá sú na etv adhvarò 'gnā devéṣu pūrvyáḥ |  
8.027.03c ādityéṣu prá váruṇe dhṛtávrata marútsu víśvabhānuṣu ||  
8.027.04a víśve hí śmā mánave víśvavedaso bhúvan vṛdhé riśádasah |  
8.027.04c áriṣṭebhiḥ pāyúbhir víśvavedaso yántā no 'vṛkām chardīḥ ||  
8.027.05a ā no adyá sámānaso gántā víśve sajóśasaḥ |  
8.027.05c ṛcā girā māruto dévy ádite sádane pástye mahi ||  
8.027.06a abhí priyā maruto yā vo áśvyā havýā mitra prayāthána |  
8.027.06c ā barhír índro váruṇas turā nára ādityāsaḥ sadantu naḥ ||  
8.027.07a vayám vo vṛktábarhiṣo hitáprayasa ānuśák |  
8.027.07c sutásomāso varuṇa havāmahe manuṣvād iddhāgnayaḥ ||  
8.027.08a ā prá yāta māruto víṣṇo áśvinā pūṣan mākīnayā dhiyā |  
8.027.08c índra ā yātu prathamáḥ sanisýúbhir víṣā yó vṛtrahā grṇé ||  
8.027.09a ví no devāso adruhá 'chidram śárma yachata |  
8.027.09c ná yád dūrād vasavo nú cid ántito várūtham ādadhársati ||  
8.027.10a ásti hí vaḥ sajátýam riśádaso dévāso ásty ápyam |  
8.027.10c prá ṇaḥ pūrvasmai suvitāya vocata makṣú sumnáya návyase ||  
8.027.11a idā hí va úpastutim idā vāmāsya bhaktáye |  
8.027.11c úpa vo víśvavedaso namasyúr āṃ áṣṛksy ányām iva ||  
8.027.12a úd u śyá vaḥ savitā supranītayó 'sthād ūrdhvó váreṇyaḥ |  
8.027.12c ní dvipádaś cátuṣpādo arthínó 'víśran patayisṇávaḥ ||  
8.027.13a devám-devam vó 'vase devám-devam abhíṣṭaye |  
8.027.13c devám-devam huvema vājasātaye grṇánto devýā dhiyā ||  
8.027.14a devāso hí śmā mánave sámānyavo víśve sākām sárātayaḥ |  
8.027.14c té no adyá té aparám tucé tú no bhāvantu varivovídaḥ ||  
8.027.15a prá vaḥ śamsāmy adruhaḥ samsthá úpastutīnām |  
8.027.15c ná tám dhūrtír varuṇa mitra mártyaḥ yó vo dhāmabhyó 'vidhat ||



- 8.027.16a prá sá kṣáyam tirate ví mahír iṣo yó vo várāya dāsati |  
 8.027.16c prá prajābhir jāyate dhármaṇas páry áriṣṭaḥ sárva edhate ||  
 8.027.17a r̥té sá vindate yudháḥ sugébhīr yāty ádhvānaḥ |  
 8.027.17c aryamā mitró várūnaḥ sárātayo yām tráyante sajóṣasaḥ ||  
 8.027.18a ájre cid asmai kṛṇuthā nyāñcanaṃ durgé cid á susaraṇám |  
 8.027.18c eṣá cid asmād asániḥ paró nú sāsredhantī ví naśyatu ||  
 8.027.19a yád adyá sūrya udyatī prīyaksatrā r̥tām dadhá |  
 8.027.19c yán nimrúci prabúdhi viśvavedaso yád vā madhyāmdine diváh ||  
 8.027.20a yád vābhipitvé asurā r̥tām yaté chardír yemá ví dāsúṣe |  
 8.027.20c vayám tát vo vasavo viśvavedasa úpa stheyāma mádhya á ||  
 8.027.21a yád adyá sūra údite yán madhyāmdina ātúci |  
 8.027.21c vāmám dhatthá mánave viśvavedaso júhvānāya prácetase ||  
 8.027.22a vayám tát vaḥ samrāja á vṛṇīmahe putró ná bahupáyyam |  
 8.027.22c aśyāma tát ādityā júhvato havír yéna vāsyo 'násāmahai ||

(648)

- 8.028.01a yé triṃśáti tráyas paró devāso barhír āsadan |  
 8.028.01c vidánn áha dvitāsanān ||  
 8.028.02a várūṇo mitró aryamā smádrātiṣāco agnáyaḥ |  
 8.028.02c pátnīvanto váṣatkr̥tāḥ ||  
 8.028.03a té no gopá apācyās tá údak tá itthá nyāk |  
 8.028.03c purástāt sárva yā víśá ||  
 8.028.04a yáthā vāsanti devās táthéd asat tát eṣām nákir á minat |  
 8.028.04c árāvā caná mártyaḥ ||  
 8.028.05a saptānām saptá r̥ṣṭáyāḥ saptá dyumnāny eṣām |  
 8.028.05c saptó ádhi śríyo dhire ||

(649)

- 8.029.01a babhrúr éko víṣuṇaḥ sūnáro yúvāñjy ànkte hiranyáyam ||  
 8.029.02a yónim éka á sasāda dyótano 'ntár devéṣu médhiraḥ ||  
 8.029.03a vāśīm éko bibharti hásta āyaśīm antár devéṣu nídhruviḥ ||  
 8.029.04a vājram éko bibharti hásta āhitaṃ téna vṛtrāṇi jighnate ||  
 8.029.05a tigmám éko bibharti hásta āyudham sūcir ugró jálāṣabheṣajaḥ ||  
 8.029.06a pathá ékaḥ pīpāya táskaro yathāñ eṣá veda nidhīnām ||  
 8.029.07a tríṇy éka urugāyó ví cakrame yátra devāso mádanti ||  
 8.029.08a víbhīr dvā carata ékayā sahá prá pravāséva vasataḥ ||  
 8.029.09a sádo dvā cakrāte upamā diví samrājā sarpírāsuti ||  
 8.029.10a árcanta éke máhi sāma manvata téna sūryam arocayan ||

(650)

- 8.030.01a nahí vo ásty arbhakó dévāso ná kumārakáh |  
 8.030.01c víéve satómahānta ít ||

8.030.01c víśve satomānāna ita ||

8.030.02a ítī stutāso asathā riśādaso yé sthá tráyaś ca trimśác ca |

8.030.02c mánor devā yajñiyāsaḥ ||

8.030.03a té nas trādhvaṃ tē 'vata tá u no ádhi vocata |

8.030.03c má naḥ patháḥ pítryān mānavād ádhi dūrāṃ naiṣṭa parāvataḥ ||

8.030.04a yé devāsa ihá sthána víśve vaiśvānarā utá |

8.030.04c asmábhyaṃ śárma saprátho gávé 'śvāya yachata ||

(651)

8.031.01a yó yájati yájāta ít sunávaca ca pácāti ca |

8.031.01c brahméd índrasya cākanat ||

8.031.02a puroḷásāṃ yó asmai sómaṃ rārata āśíram |

8.031.02c pād ít táṃ śakró āṃhasaḥ ||

8.031.03a tāsya dyumāñ asad rátho devájūtaḥ sá sūśuvat |

8.031.03c víśvā vanvánn amitríyā ||

8.031.04a áśya prajāvati ḡḡhé 'saścantī divé-dive |

8.031.04c ílā dhenumátī duhe ||

8.031.05a yá dámpatī sámanasā sunutá ā ca dhāvataḥ |

8.031.05c dévāso nítyayāśírá ||

8.031.06a práti práśavyāñ itaḥ samyāñcā barhír āśāte |

8.031.06c ná tā vājeṣu vāyataḥ ||

8.031.07a ná devānāṃ ápi hnutāḥ sumatím ná jugukṣataḥ |

8.031.07c śrávo bṛhád vivāsataḥ ||

8.031.08a putríṇā tá kumārīṇā víśvam áyur vy āśnutāḥ |

8.031.08c ubhá híraṇyapeśasā ||

8.031.09a víthotrā kṛtádvasū daśasyántāmṛtāya kám |

8.031.09c sám údho romaśám hato devéṣu kṛṇuto dúvaḥ ||

8.031.10a ā śárma párvatānāṃ vṛṇímáhe nadínām |

8.031.10c ā víṣṇoḥ sacābhúvaḥ ||

8.031.11a áitu pūśá rayír bhágaḥ svastí sarvadhātamaḥ |

8.031.11c urúr ádhvā svastáye ||

8.031.12a arámatir anarváṇo víśvo devásya mánasā |

8.031.12c ādityānām anehá ít ||

8.031.13a yáthā no mitró aryamá vāruṇaḥ sánti gopāḥ |

8.031.13c sugá ṛtāsya pánthāḥ ||

8.031.14a agníṃ vaḥ pūrvyāṃ girā devám íle vásūnām |

8.031.14c saparyántaḥ purupriyám mitráṃ ná kṣetrasádhasam ||

8.031.15a makṣū devávato ráthaḥ śúro vā pṛtsú kásu cit |

8.031.15c devānāṃ yá ín máno yájamāna íyakṣaty abhíd áyajvano bhuvat ||

8.031.16a ná yajamāna riṣyasi ná sunvāna ná devayo |

8.031.16c devānāṃ yá ín máno yájamāna íyakṣaty abhíd áyajvano bhuvat ||

8.031.17a nákiṣ táṃ kármaṇā naśan ná prá yoṣan ná yoṣati |

8.031.17c devānāṃ yá ín máno yájamāna íyakṣaty abhíd áyajvano bhuvat ||

8.031.18a ásad átra suvīryam utá tyád āśvāsīvyam |

8.031.18c devānāṃ yá ín máno yájamāna íyakṣaty abhíd áyajvano bhuvat ||

(652)

- 8.032.01a prá kṛtāny rjīṣīṇaḥ káṇvā índrasya gāthayā |  
8.032.01c máde sómasya vocata ||  
8.032.02a yáḥ sṛbindam ánarśanim pípruṃ dāsám ahīśúvam |  
8.032.02c vādḥīd ugró riṇánn apáḥ ||  
8.032.03a ny árbudasya viṣṭápam varṣmāṇam bṛhatás tira |  
8.032.03c kṛṣé tád indra paúṃsyam ||  
8.032.04a práti śrutāya vo dhṛṣát túṛṇāsam ná girér ádhi |  
8.032.04c huvé suśiprám ūtáye ||  
8.032.05a sá gór áśvasya ví vrajám mandānáḥ somyébhyaḥ |  
8.032.05c púram ná śūra darṣasi ||  
8.032.06a yádi me rārāṇaḥ sutá ukthé vā dádḥase cánaḥ |  
8.032.06c ārád úpa svadhá gahi ||  
8.032.07a vayám ghā te ápi ṣmasi stotāra indra girvaṇaḥ |  
8.032.07c tvám no jinva somapāḥ ||  
8.032.08a utá naḥ pitúm ā bhara samrarāṇó ávikṣitam |  
8.032.08c mághavan bhūri te vásu ||  
8.032.09a utá no gómatas kṛdhi híraṇyavato áśvínāḥ |  
8.032.09c ílābhiḥ sám rabhemahi ||  
8.032.10a bṛbáduktham havāmahe sṛprákarasnam ūtáye |  
8.032.10c sādhu kṛṇvántam ávase ||  
8.032.11a yáḥ samsthé cic chatákratur ád im kṛṇóti vṛtrahā |  
8.032.11c jaritṛbhyaḥ purūvásuḥ ||  
8.032.12a sá naḥ śakrás cid ā śakad dánavāṃ antarābharāḥ |  
8.032.12c índro víśvābhir ūtṛbhiḥ ||  
8.032.13a yó rāyò 'vánir mahán supārāḥ sunvatāḥ sákhā |  
8.032.13c tám índram abhí gāyata ||  
8.032.14a āyantāram máhi sthirám pṛtanāsu śravojítam |  
8.032.14c bhūrer íśānam ójasā ||  
8.032.15a nákir asya śácīnām niyantā sūnṛtānām |  
8.032.15c nákir vaktá ná dād íti ||  
8.032.16a ná nūnám brahmāṇām ṛṇám prāsūnām asti sunvatām |  
8.032.16c ná sómo apratá pape ||  
8.032.17a pánya íd úpa gāyata pánya ukthāni śamsata |  
8.032.17c bráhmā kṛṇota pánya ít ||  
8.032.18a pánya ā dardirac chatá saḥásrā vājy ávṛtaḥ |  
8.032.18c índro yó yájvano vṛdháḥ ||  
8.032.19a ví śú cara svadhá ánu kṛṣṭīnām ánv áhúvaḥ |  
8.032.19c índra píba sutānām ||  
8.032.20a píba svádḥainavānām utá yás túgrye sácā |  
8.032.20c utáyám indra yás táva ||

- 8.032.21a átīhi manyuṣāvīṇaṃ suṣuvāṃsam upāraṇe |  
8.032.21c imāṃ rātāṃ sutāṃ piba ||  
8.032.22a ihī tistrāḥ parāvāta ihī pāñca jānāṃ āti |  
8.032.22c dhēnā indrāvacaśkaśat ||  
8.032.23a sūryo raśmīm yāthā srjā tvā yachantu me girāḥ |  
8.032.23c nimnām āpo ná sadhryāk ||  
8.032.24a ádhvaryav á tú hí ṣiñcá sómaṃ vīráya śipriṇe |  
8.032.24c bhārā sutāsya pītāye ||  
8.032.25a yá udnāḥ phaligám bhinán nyāk síndhūṃr avāsrjat |  
8.032.25c yó góṣu pakvām dhārāyat ||  
8.032.26a áhan vṛtrám řcīṣama aurnāvābhám ahīsúvam |  
8.032.26c himēnāvidhyad árbudam ||  
8.032.27a prá va ugrāya niṣṭúré 'śāḥya prasakṣiṇe |  
8.032.27c devāttam bráhma gāyata ||  
8.032.28a yó víśvāny abhí vratā sómasya máde ándhasaḥ |  
8.032.28c índro devéṣu cétati ||  
8.032.29a ihá tyá sadhamādyā hārī hiraṇyakeśyā |  
8.032.29c voḥhām abhí práyo hitám ||  
8.032.30a arvāñcam tvā puruṣtuta priyāmedhastutā hārī |  
8.032.30c somapéyāya vakṣataḥ ||

(653)

- 8.033.01a vayāṃ gha tvā sutāvanta āpo ná vṛktābarhiṣaḥ |  
8.033.01c pavítrasya prastrávaṇeṣu vṛtrahan pári stotāra āsate ||  
8.033.02a svāranti tvā suté náro váso nireká ukthínaḥ |  
8.033.02c kadā sutāṃ trṣāṇā óka á gama índra svabḍīva váṃsagaḥ ||  
8.033.03a káñvebhir dhrṣṇav á dhrṣád vājaṃ darṣi sahasrīṇam |  
8.033.03c piśāngarūpam maghavan vicarṣaṇe makṣú gómantam īmahe ||  
8.033.04a pāhí gāyāndhaso máda índrāya medhyātithe |  
8.033.04c yāḥ sámmiślo háryor yāḥ suté sácā vajrī rátho hiraṇyáyaḥ ||  
8.033.05a yāḥ suṣavyāḥ sudákṣiṇa inó yāḥ sukrátur grṇé |  
8.033.05c yá ākarāḥ sahásrā yāḥ śatāmagha índro yāḥ pūrbhíd āritāḥ ||  
8.033.06a yó dhrṣitó yó 'vṛto yó ásti śmáśruṣu śritāḥ |  
8.033.06c víbhūtadyumnaś cyávanah puruṣtutāḥ krátvā gaúr iva śákināḥ ||  
8.033.07a ká īm veda suté sácā pībantam kád váyo dadhe |  
8.033.07c ayāṃ yāḥ púro vibhináttý ójasā mandánāḥ śipry ándhasaḥ ||  
8.033.08a dānā mṛgó ná vāraṇāḥ purutrā carátham dadhe |  
8.033.08c nákiṣ tvā ní yamad á suté gamo mahámś carasy ójasā ||  
8.033.09a yá ugrāḥ sánn ániṣṭṛta sthiró ráñāya sámśkrtaḥ |  
8.033.09c yádi stotúr maghávā śrñávad dhávam néndro yoṣaty á gamat ||  
8.033.10a satyám itthá vṛśéd asi vṛśajūtir nó 'vṛtaḥ |  
8.033.10c vṛśā hy ógra śrñviśé parāvāti vṛśo arvāvāti śrutāḥ ||  
8.033.11a vṛśaṇas te abhíśavo vṛśā kásā hiraṇyáyī |  
8.033.11c vṛśā rátho maghavan vṛsanā hārī vṛśā tvám éatakrato ||

- 8.033.11c vṛṣā rāmo maghāvā vṛṣaṇā hāri vṛṣa tvāṃ śatakṛato ||  
8.033.12a vṛṣā sōtā sunotu te vṛṣann ṛjīpinn ā bhara |  
8.033.12c vṛṣā dadhanve vṛṣaṇaṃ nadīṣv ā túbhyaṃ sthātar harīṇām ||  
8.033.13a éndra yāhi pītāye mādhu śaviṣṭha somyām |  
8.033.13c nāyām áchā maghāvā śṛṇávad gíro bráhmokthá ca sukrátuḥ ||  
8.033.14a vāhantu tvā ratheṣṭhām ā hārayo rathayújaḥ |  
8.033.14c tirás cid aryám sávanāni vṛtrahann anyéṣām yá śatakṛato ||  
8.033.15a asmākam adyāntamaṃ stómaṃ dhiṣva mahāmaha |  
8.033.15c asmākam te sávanā santu sám̐tamā mādāya dyukṣa somapāḥ ||  
8.033.16a nahí śás táva nó máma śāstré anyásya ráṇyati |  
8.033.16c yó asmán vīrá ānayat ||  
8.033.17a índras cid ghā tát abravīt striyá asāsyaám mánaḥ |  
8.033.17c utó áha krátuṃ raghúm ||  
8.033.18a sáptī cid ghā madacyútā mithunā vahato rátham |  
8.033.18c evéd dhūr vṛṣṇa úttarā ||  
8.033.19a adhāḥ paśyasva mópári samtarām pādakaú hara |  
8.033.19c má te kaśaplakaú dṛśan strī hí brahmá babhúvitha ||

(654)

- 8.034.01a éndra yāhi háribhir úpa kánvasya suṣtutím |  
8.034.01c divó amúṣya śásato dívaṃ yayá divāvaso ||  
8.034.02a ā tvā grāvā vādann ihá somī ghóṣeṇa yachatu |  
8.034.02c divó amúṣya śásato dívaṃ yayá divāvaso ||  
8.034.03a átrā ví nemír eṣām úrām ná dhūnute vṛkaḥ |  
8.034.03c divó amúṣya śásato dívaṃ yayá divāvaso ||  
8.034.04a ā tvā kánvā ihāvase hávante vājasātaye |  
8.034.04c divó amúṣya śásato dívaṃ yayá divāvaso ||  
8.034.05a dádhāmi te sutánām vṛṣṇe ná pūrvapāyyam |  
8.034.05c divó amúṣya śásato dívaṃ yayá divāvaso ||  
8.034.06a smátपुराणधिर na ā gahi viśvátodhīr na útāye |  
8.034.06c divó amúṣya śásato dívaṃ yayá divāvaso ||  
8.034.07a ā no yāhi mahemate sáhasrote śátāmagha |  
8.034.07c divó amúṣya śásato dívaṃ yayá divāvaso ||  
8.034.08a ā tvā hótā mánurhito devatrā vakṣad íḍyaḥ |  
8.034.08c divó amúṣya śásato dívaṃ yayá divāvaso ||  
8.034.09a ā tvā madacyútā hārī śyenám pakṣéva vakṣataḥ |  
8.034.09c divó amúṣya śásato dívaṃ yayá divāvaso ||  
8.034.10a ā yāhy aryá ā pári sváhā sómasya pītāye |  
8.034.10c divó amúṣya śásato dívaṃ yayá divāvaso ||  
8.034.11a ā no yāhy úpaśruty ukthéṣu raṇayā ihá |  
8.034.11c divó amúṣya śásato dívaṃ yayá divāvaso ||  
8.034.12a sárūpair ā sú no gahi sám̐bhṛtaiḥ sám̐bhṛtāśvaḥ |  
8.034.12c divó amúṣya śásato dívaṃ yayá divāvaso ||  
8.034.13a ā yāhi párvatebhyaḥ samudrásyādhi viṣṭápaḥ |

- 8.034.13c divó amúṣya śásato dívaṃ yayá divāvaso ||  
 8.034.14a á no gávyāny áśvyā sahásrā śūra dardṛhi |  
 8.034.14c divó amúṣya śásato dívaṃ yayá divāvaso ||  
 8.034.15a á naḥ sahasraśó bharāyútāni śatāni ca |  
 8.034.15c divó amúṣya śásato dívaṃ yayá divāvaso ||  
 8.034.16a á yád índraś ca dádvahe saháśraṃ vásurociṣaḥ |  
 8.034.16c ójīṣṭham áśvyam paśúm ||  
 8.034.17a yá rjrá vātaraṃhaso 'ruśāso raghuṣyádaḥ |  
 8.034.17c bhrājante sūryā iva ||  
 8.034.18a pāravatasya rātīṣu dravāccakreṣv āśūṣu |  
 8.034.18c tíṣṭham vānasya mádhya á ||

(655)

- 8.035.01a agnínéndreṇa váruṇena víṣṇunādityaí rudraír vásubhiḥ sacābhúvā |  
 8.035.01c sajóṣasā uśásā sūryeṇa ca sómam pibatam ásvinā ||  
 8.035.02a víśvābhir dhībhír bhúvanena vājinā divá pṛthivyádrībhiḥ sacābhúvā |  
 8.035.02c sajóṣasā uśásā sūryeṇa ca sómam pibatam ásvinā ||  
 8.035.03a víśvair devaís tribhír ekādaśaír ihādbhír marúdbhír bhrīgubhiḥ sacābhúvā |  
 8.035.03c sajóṣasā uśásā sūryeṇa ca sómam pibatam ásvinā ||  
 8.035.04a juṣéṭhām yajñám bódhatam hávasya me víśvehá devau sávanāva gachatam |  
 8.035.04c sajóṣasā uśásā sūryeṇa céṣam no volham ásvinā ||  
 8.035.05a stómam juṣethām yuvaśéva kanyānām víśvehá devau sávanāva gachatam |  
 8.035.05c sajóṣasā uśásā sūryeṇa céṣam no volham ásvinā ||  
 8.035.06a gíro juṣethām adhvarám juṣethām víśvehá devau sávanāva gachatam |  
 8.035.06c sajóṣasā uśásā sūryeṇa céṣam no volham ásvinā ||  
 8.035.07a hāridravéva patatho vánéd úpa sómam sutám mahiṣévāva gachathaḥ |  
 8.035.07c sajóṣasā uśásā sūryeṇa ca trír vartír yātam ásvinā ||  
 8.035.08a hamsāv iva patatho adhvagāv iva sómam sutám mahiṣévāva gachathaḥ |  
 8.035.08c sajóṣasā uśásā sūryeṇa ca trír vartír yātam ásvinā ||  
 8.035.09a śyenāv iva patatho havýádātaye sómam sutám mahiṣévāva gachathaḥ |  
 8.035.09c sajóṣasā uśásā sūryeṇa ca trír vartír yātam ásvinā ||  
 8.035.10a píbatam ca trṇṇutám cá ca gachatam prajám ca dhattám dráviṇam ca dhattam |  
 8.035.10c sajóṣasā uśásā sūryeṇa córjam no dhattam ásvinā ||  
 8.035.11a jáyatam ca prá stutam ca prá cāvatam prajám ca dhattám dráviṇam ca dhattam |  
 8.035.11c sajóṣasā uśásā sūryeṇa córjam no dhattam ásvinā ||  
 8.035.12a hatám ca sátṛūn yátatam ca mitríṇaḥ prajám ca dhattám dráviṇam ca dhattam |  
 8.035.12c sajóṣasā uśásā sūryeṇa córjam no dhattam ásvinā ||  
 8.035.13a mitráváruṇavantā utá dhármavantā marútvantā jaritúr gachatho hávam |  
 8.035.13c sajóṣasā uśásā sūryeṇa cādityaír yātam ásvinā ||  
 8.035.14a ángirasvantā utá víṣṇuvantā marútvantā jaritúr gachatho hávam |  
 8.035.14c sajóṣasā uśásā sūryeṇa cādityaír yātam ásvinā ||  
 8.035.15a ṛbhumántā vṛṣaṇā vājavantā marútvantā jaritúr gachatho hávam |  
 8.035.15c sajóṣasā uśásā sūryeṇa cādityaír yātam ásvinā ||  
 8.035.16a bráhma iinvatam utá iinvatam dhívo hatám ráksāmsi sédhatam ámīvāh |

- 8.035.16c sajoṣasā uṣāsā sūryeṇa ca sōmaṃ sunvató aśvinā ||  
8.035.17a kṣatrām jinvatam utá jinvatam nṛṇ hatām rākṣāṃsi sédhatam ámīvāḥ |  
8.035.17c sajoṣasā uṣāsā sūryeṇa ca sōmaṃ sunvató aśvinā ||  
8.035.18a dhenūr jinvatam utá jinvatam víso hatām rākṣāṃsi sédhatam ámīvāḥ |  
8.035.18c sajoṣasā uṣāsā sūryeṇa ca sōmaṃ sunvató aśvinā ||  
8.035.19a átrer iva śṛṇutam pūrvyástutiṃ śyāvāśvasya sunvató madacyutā |  
8.035.19c sajoṣasā uṣāsā sūryeṇa cāsvinā tiróahnyam ||  
8.035.20a sárgāṃ iva sṛjatam suṣtutír úpa śyāvāśvasya sunvató madacyutā |  
8.035.20c sajoṣasā uṣāsā sūryeṇa cāsvinā tiróahnyam ||  
8.035.21a raśmīmṛ iva yachatam adhvarām úpa śyāvāśvasya sunvató madacyutā |  
8.035.21c sajoṣasā uṣāsā sūryeṇa cāsvinā tiróahnyam ||  
8.035.22a arvāg rátham ní yachatam píbatam somyám mádhu |  
8.035.22c á yātam aśvinā gatam avasyúr vām ahám huve dhattám rátnāni dāsúṣe ||  
8.035.23a namovāké prásthite adhvaré narā vivákṣaṇasya pītāye |  
8.035.23c á yātam aśvinā gatam avasyúr vām ahám huve dhattám rátnāni dāsúṣe ||  
8.035.24a svāhākṛtasya tṛṃpatam sutásya devāv ándhasaḥ |  
8.035.24c á yātam aśvinā gatam avasyúr vām ahám huve dhattám rátnāni dāsúṣe ||

(656)

- 8.036.01a avitāsi sunvató vṛktábarhiṣaḥ píba sómam mādāya kám śatakrato |  
8.036.01c yám te bhāgám ádhārayan vísvāḥ sehānāḥ pṛtanā |  
8.036.01e urú jrāyaḥ sám apsujín marútvāṃ indra satpate ||  
8.036.02a práva stotāram maghavann áva tvám píba sómam mādāya kám śatakrato |  
8.036.02c yám te bhāgám ádhārayan vísvāḥ sehānāḥ pṛtanā |  
8.036.02e urú jrāyaḥ sám apsujín marútvāṃ indra satpate ||  
8.036.03a ūrjá devāṃ ávasy ójasā tvám píba sómam mādāya kám śatakrato |  
8.036.03c yám te bhāgám ádhārayan vísvāḥ sehānāḥ pṛtanā |  
8.036.03e urú jrāyaḥ sám apsujín marútvāṃ indra satpate ||  
8.036.04a janitá divó janitá pṛthivyāḥ píba sómam mādāya kám śatakrato |  
8.036.04c yám te bhāgám ádhārayan vísvāḥ sehānāḥ pṛtanā |  
8.036.04e urú jrāyaḥ sám apsujín marútvāṃ indra satpate ||  
8.036.05a janitáśvānām janitá gāvām asi píba sómam mādāya kám śatakrato |  
8.036.05c yám te bhāgám ádhārayan vísvāḥ sehānāḥ pṛtanā |  
8.036.05e urú jrāyaḥ sám apsujín marútvāṃ indra satpate ||  
8.036.06a átrīṇām stómam adrivo mahás kṛdhi píba sómam mādāya kám śatakrato |  
8.036.06c yám te bhāgám ádhārayan vísvāḥ sehānāḥ pṛtanā |  
8.036.06e urú jrāyaḥ sám apsujín marútvāṃ indra satpate ||  
8.036.07a śyāvāśvasya sunvatás tátāḥ śṛṇu yátháśṛṇor átreḥ kármāṇi kṛṇvatāḥ |  
8.036.07c prá trasádasyum āvitha tvám éka ín nṛṣāhya índra bráhmāṇi vardháyan ||

(657)

- 8.037.01a prédám bráhma vṛtratúryeṣv āvitha prá sunvatáḥ śacīpata  
8.037.01c índra víśvābhir nṛtibhih |

- 8.037.01d mādhyam̐dinasya sávanasya vṛtrahann anedya píbā sómasya vajrivaḥ ||  
 8.037.02a seháná ugra pṛtanā abhí drúhaḥ śacīpata índra vísvābhir ūtībhiḥ |  
 8.037.02d mādhyam̐dinasya sávanasya vṛtrahann anedya píbā sómasya vajrivaḥ ||  
 8.037.03a ekarāḷ asyá bhúvanasya rājasi śacīpata índra vísvābhir ūtībhiḥ |  
 8.037.03d mādhyam̐dinasya sávanasya vṛtrahann anedya píbā sómasya vajrivaḥ ||  
 8.037.04a sasthāvānā yavayasi tvám éka íc chacīpata índra vísvābhir ūtībhiḥ |  
 8.037.04d mādhyam̐dinasya sávanasya vṛtrahann anedya píbā sómasya vajrivaḥ ||  
 8.037.05a kṣémasya ca prayújaś ca tvám íśiṣe śacīpata índra vísvābhir ūtībhiḥ |  
 8.037.05d mādhyam̐dinasya sávanasya vṛtrahann anedya píbā sómasya vajrivaḥ ||  
 8.037.06a kṣatrāya tvam ávasi ná tvam āvitha śacīpata índra vísvābhir ūtībhiḥ |  
 8.037.06d mādhyam̐dinasya sávanasya vṛtrahann anedya píbā sómasya vajrivaḥ ||  
 8.037.07a śyāvāśvasya rébhatas táthā śṛṇu yáthāśṛṇor átreḥ kármāni kṛṇvatáḥ |  
 8.037.07c prá trasádasyum āvitha tvám éka ín nṛśáhya índra kṣatrāni vardháyan ||

(658)

- 8.038.01a yajñásya hí sthá ṛtvijā sásnī vājeṣu kármasu |  
 8.038.01c índrāgnī tásya bodhatam ||  
 8.038.02a tośásā rathayāvānā vṛtrahánāparājitā |  
 8.038.02c índrāgnī tásya bodhatam ||  
 8.038.03a idám vām madiráṃ mádhv ádhukṣann ádribhir nárah |  
 8.038.03c índrāgnī tásya bodhatam ||  
 8.038.04a juṣéthām yajñám iṣṭáye sutám sómaṃ sadhastutī |  
 8.038.04c índrāgnī á gatam narā ||  
 8.038.05a imá juṣethám sávanā yébhír havýāny ūháthuḥ |  
 8.038.05c índrāgnī á gatam narā ||  
 8.038.06a imám gāyatrāvartaniṃ juṣéthām suṣṭutím máma |  
 8.038.06c índrāgnī á gatam narā ||  
 8.038.07a prātaryāvabhir á gatam devébhír jenyāvasū |  
 8.038.07c índrāgnī sómapítaye ||  
 8.038.08a śyāvāśvasya sunvató 'trīṇām śṛṇutam hávam |  
 8.038.08c índrāgnī sómapítaye ||  
 8.038.09a evá vām ahva ūtáye yáthāhuvanta médhirāḥ |  
 8.038.09c índrāgnī sómapítaye ||  
 8.038.10a áhám sárasvatívator indrāgnyór ávo vṛṇe |  
 8.038.10c yábhyām gāyatrám ṛcyáte ||

(659)

- 8.039.01a agnīm astoṣy ṛgmíyam agnīm īlā yajádhyai |  
 8.039.01c agnír devám anaktu na ubhé hí vidáthe kavír  
 8.039.01e antás cárati dūtyām nábhantām anyaké same ||  
 8.039.02a ny àgne návyasā vácas tanūṣu śámsam eṣām |  
 8.039.02c ny árātī rárāvṇām vísvā aryó árātīr



- 8.039.02e itó yuchantv āmúro nábhantām anyaké same ||  
8.039.03a ágne mánmāni túbhyaṃ kām ghṛtām ná juhva āsāni |  
8.039.03c sá devéṣu prá cikiddhi tvám hy ási pūrvyáḥ  
8.039.03e śivó dūtó vivásvato nábhantām anyaké same ||  
8.039.04a tát-tad agnír váyo dadhe yáthā-yathā kṛpaṇyáti |  
8.039.04c ūrjáhutir vásūnām sám ca yós ca máyo dadhe  
8.039.04e vísvasyai deváhūtyai nábhantām anyaké same ||  
8.039.05a sá ciketa sáhīyasāgnís citréṇa kármaṇā |  
8.039.05c sá hótā śásvatīnām dáksīṇābhir abhívṛta  
8.039.05e inóti ca pratīvyāṃ nábhantām anyaké same ||  
8.039.06a agnír jātā devānām agnír veda mártānām apīcyām |  
8.039.06c agníḥ sá draviṇodá agnír dvārā vy ūrṇute  
8.039.06e svāhuto návīyasā nábhantām anyaké same ||  
8.039.07a agnír devéṣu sámvasuḥ sá vikṣú yajñíyāsv ā |  
8.039.07c sá mudā kāvya purú vísvam bhūmeva puṣyati  
8.039.07e devó devéṣu yajñíyo nábhantām anyaké same ||  
8.039.08a yó agníḥ saptámānuṣaḥ śritó víśveṣu síndhuṣu |  
8.039.08c tám āganma tripastyām mandhātúr dasyuhántamam  
8.039.08e agníṃ yajñéṣu pūrvyāṃ nábhantām anyaké same ||  
8.039.09a agnís tríṇi tridhātūny ā kṣeti vidáthā kavíḥ |  
8.039.09c sá tríṃr ekādaśāṃ ihá yákṣac ca pipráyac ca no  
8.039.09e vípro dūtáḥ páriṣkrto nábhantām anyaké same ||  
8.039.10a tvám no agna āyúṣu tvám devéṣu pūrvya vásva éka irajyasi |  
8.039.10d tvám āpaḥ parisrútaḥ pári yanti svásetavo nábhantām anyaké same ||

(660)

- 8.040.01a índrāgnī yuvám sú naḥ sáhantā dāsatho rayím |  
8.040.01c yéna dr̥ḷhā samátsv ā vīlú cit sāhiṣīmáhy agnír váneva vāta ín  
nábhantām anyaké same ||  
8.040.02a nahí vām vavráyāmahé 'théndram íd yajāmahe sáviṣṭhaṃ nr̥ṇām náram |  
8.040.02d sá naḥ kadā cid árvatā gámad ā vājasātaye gámad ā medhásātaye  
nábhantām anyaké same ||  
8.040.03a tá hí mádhyam bhárāṇām índrāgní adhikṣitáḥ |  
8.040.03c tá u kavítvanā kaví pṛchyámānā sakhīyaté sám dhītām aśnutam narā  
nábhantām anyaké same ||  
8.040.04a abhy āra nabhākavád índrāgní yajásā girá |  
8.040.04c yáyor vísvam idám jágad iyám dyaúḥ pṛthiví mahy ópásthe bibhṛtó  
vásu nábhantām anyaké same ||  
8.040.05a prá bráhmāṇi nabhākavád índrāgníbhyām irajyata |  
8.040.05c yá saptábudhnam arṇavám jihmábāram aporṇutá índra íśāna ójasā  
nábhantām anyaké same ||  
8.040.06a ápi vṛsca purāṇavád vratáter iva guṣpitám ójo dāsásya dambhaya |  
8.040.06d vayám tát asya sámabhṛtam vásv índreṇa ví bhajemahi nábhantām anyaké  
same ||

- 8.040.07a yád indrāgnī jānā imé vihváyante tánā girā |  
8.040.07c asmākebhīr nṛbhīr vayāṃ sāsaḥyāma pṛtanyatō vanuyāma vanuṣyatō  
nābhantām anyaké same ||  
8.040.08a yā nú śvetāv avó divá uccārāta úpa dyúbhiḥ |  
8.040.08c indrāgnyōr ānu vratām úhānā yanti síndhavo yān sīm bandhād  
āmuñcatām nābhantām anyaké same ||  
8.040.09a pūrvīṣ ṭa indrōpamātayaḥ pūrvīr utá prásastayaḥ sūno hinvásya harivaḥ |  
8.040.09d vásvo vīrāsyaṅpīco yā nú sādḥanta no dhīyo nābhantām anyaké same ||  
8.040.10a tám śísītā suvṛktībhis tveṣām sātvanam ṛgmīyam |  
8.040.10c utó nú cid yá ójasā súṣṇasyāṅḍāni bhédati jéṣat svàrvatīr apó  
nābhantām anyaké same ||  
8.040.11a tám śísītā svadhvarām satyām sātvanam ṛtvīyam |  
8.040.11c utó nú cid yá óhata āṅḍā súṣṇasya bhédaty ájaiḥ svàrvatīr apó  
nābhantām anyaké same ||  
8.040.12a evēndrāgnībhyām pitṛvān nāvīyo mandhāṭṛvād āngirasvād avāci |  
8.040.12c tridhātunā sārmaṇā pātam asmān vayāṃ syāma pátayo rayīṇām ||

(661)

- 8.041.01a asmā ū śú prábhūtaye váruṇāya marúdbhyó 'rcā vidúṣtarebhyah |  
8.041.01d yó dhītā mānuṣāṅām paśvó gā iva rákṣati nābhantām anyaké same ||  
8.041.02a tám ū śú samanā girā pitṛṇām ca mánmabhiḥ |  
8.041.02c nābhākásya prásastibhir yāḥ síndhūnām úpodayé saptásvasā sá madhyamó  
nābhantām anyaké same ||  
8.041.03a sá kṣāpaḥ pári ṣasvaje ny ósró māyáyā dadhe sá vísvam pári darśatāḥ |  
8.041.03d tásya vénīr ānu vratām uṣás tísro avarḥayan nābhantām anyaké same ||  
8.041.04a yāḥ kakúbho nidhārayāḥ pṛthivyām ádhi darśatāḥ |  
8.041.04c sá mātā pūrvyām padām tād váruṇasya sáptyam sá hí gopā ivéryo  
nābhantām anyaké same ||  
8.041.05a yó dhartā bhúvanānām yá usrāṇām apīcyā veda nāmāni gúhyā |  
8.041.05d sá kavīḥ kāvya purú rūpām dyaúr iva puṣyati nābhantām anyaké same ||  
8.041.06a yásmin vísvāni kāvya cakré nābhīr iva śrítā |  
8.041.06c tritām jūṭí saparyata vrajé gāvo ná saṃyúje yujé áśvāñ ayukṣata  
nābhantām anyaké same ||  
8.041.07a yá āsv átka āśāye vísvā jātāny eṣām |  
8.041.07c pári dhāmāni mármṛśad váruṇasya puró gāye víśve devā ānu vratām  
nābhantām anyaké same ||  
8.041.08a sá samudró apīcyās turó dyām iva rohāti ní yád āsu yájur dadhé |  
8.041.08d sá māyā arcínā padāstrṇān nākam āruhan nābhantām anyaké same ||  
8.041.09a yásya śvetā vicakṣaṇā tísro bhūmīr adhikṣitāḥ |  
8.041.09c trír úttarāni paprátur váruṇasya dhruvām sádaḥ sá saptānām irajyati  
nābhantām anyaké same ||  
8.041.10a yāḥ śvetām ádhinirṇijaś cakré kṛṣṇām ānu vratā |  
8.041.10c sá dhāma pūrvyām mame yá skambhēna ví ródasī ajó ná dyām ádhārayan  
nābhantām anyaké same ||

(662)

- 8.042.01a ástabhnād dyām ásuṛo viśvávedā ámimīta varimāṇam pṛthivyāḥ |  
8.042.01c áśīdad víśvā bhúvanāni samrād víśvét tāni váruṇasya vratāni ||  
8.042.02a evā vandasva váruṇam bṛhántaṃ namasyā dhīram amṛtasya gopām |  
8.042.02c sá naḥ śárma trivárūthaṃ ví yaṃsat pātāṃ no dyāvāpṛthivī upásthe ||  
8.042.03a imāṃ dhíyaṃ śíkṣamāṇasya deva krátuṃ dáksaṃ varuṇa sám śísādhi |  
8.042.03c yáyāti víśvā duritā tárema sutármāṇam ádhi návaṃ ruhema ||  
8.042.04a ā vām grāvāṇo áśvinā dhībhír víprā acucyavuh |  
8.042.04c nāsatyā sómapītaye nábhantām anyaké same ||  
8.042.05a yáthā vām átrir áśvinā gīrbhír vípro ájohavīt |  
8.042.05c nāsatyā sómapītaye nábhantām anyaké same ||  
8.042.06a evā vām ahva útāye yáthāhuvanta médhiraḥ |  
8.042.06c nāsatyā sómapītaye nábhantām anyaké same ||

(663)

- 8.043.01a imé víprasya vedháso 'gnér ástrtayajvanah |  
8.043.01c gíra stómāsa īrate ||  
8.043.02a ásmāi te pratiháryate jātavedo vícarṣaṇe |  
8.043.02c ágne jánāmi suṣtutím ||  
8.043.03a ārokā iva ghéd áha tigmā agne táva tvíṣah |  
8.043.03c dadbhír vánāni bapsati ||  
8.043.04a hárayo dhūmáketavo vātajūtā úpa dyávi |  
8.043.04c yátante vṛthag agnáyaḥ ||  
8.043.05a eté tyé vṛthag agnáya iddhāsaḥ sám adṛkṣata |  
8.043.05c uśásām iva ketávaḥ ||  
8.043.06a kṛṣṇā rájāṃsi patsutāḥ prayāṇe jātávedasaḥ |  
8.043.06c agnír yád ródhati kṣámi ||  
8.043.07a dhāsīm kṛṇvāná ośadhīr bāpsad agnír ná vāyati |  
8.043.07c púnar yán táruṇīr ápi ||  
8.043.08a jihvābhir áha nánnamad arcíṣā jañjañābhávan |  
8.043.08c agnír váneṣu rocate ||  
8.043.09a apsv ágne sádhiṣ táva saúśadhīr ánu rudhyase |  
8.043.09c gárbhe sáñ jāyase púnaḥ ||  
8.043.10a úd agne táva tát ghṛtád arcí rocata āhutam |  
8.043.10c níṃsānaṃ juhvò múkhe ||  
8.043.11a ukṣānnāya vaśānnāya sómapṛṣṭhāya vedháse |  
8.043.11c stómair vidhemāgnáye ||  
8.043.12a utá tvā námasā vayāṃ hótar váreṇyakrato |  
8.043.12c ágne samídbhir īmahe ||  
8.043.13a utá tvā bhṛguvác chuce manuṣvād agna āhuta |  
8.043.13c aṅgirasvād dhavāmahe ||

- 8.043.14a tvām hy àgne agnínā vípro vípreṇa sán satá |  
8.043.14c sákhā sákhyā samidhyáse ||  
8.043.15a sá tvām víprāya dāsúṣe rayim dehi sahasrīṇam |  
8.043.15c ágne vīrávatīm iṣam ||  
8.043.16a ágne bhrátaḥ sáhaskṛta rōhidaśva súcivrata |  
8.043.16c imám stómam juṣasva me ||  
8.043.17a utá tvāgne máma stúto vāsrāya pratiháryate |  
8.043.17c goṣṭhám gáva ivāśata ||  
8.043.18a túbhyaṃ tá aṅgirstama vísvāḥ suksítayaḥ pṛthak |  
8.043.18c ágne kāmāya yemire ||  
8.043.19a agním dhībhír manīṣīno médhirāso vipascítaḥ |  
8.043.19c admasádyāya hinvire ||  
8.043.20a tám tvām ájmeṣu vājīnam tanvāná agne adhvarám |  
8.043.20c váhniṃ hótāram īlate ||  
8.043.21a purutrā hí sadṛññ ási víso vísvā ánu prabhúḥ |  
8.043.21c samátsu tvā havāmahe ||  
8.043.22a tám īliṣva yá áhuto 'gnír vibhrájate ghrtaíḥ |  
8.043.22c imám naḥ śṛṇavad dhávam ||  
8.043.23a tám tvā vayám havāmahe śṛṇvántam jātávedasam |  
8.043.23c ágne ghnántam ápa dvíṣaḥ ||  
8.043.24a víśám rájanam ádbhutam ádhyakṣam dhármaṇām imám |  
8.043.24c agním īle sá u śravat ||  
8.043.25a agním vísvāyuepasam máryam ná vājīnam hitám |  
8.043.25c sáptim ná vājayāmasi ||  
8.043.26a ghnán mṛdhrāny ápa dvíṣo dáhan rákṣāmsi vísváhā |  
8.043.26c ágne tigména dīdihi ||  
8.043.27a yám tvā jánāsa indhaté manuṣvād aṅgirstama |  
8.043.27c ágne sá bodhi me vácaḥ ||  
8.043.28a yád agne divijá ásy apsujá vā sahaskṛta |  
8.043.28c tám tvā gīrbhír havāmahe ||  
8.043.29a túbhyaṃ ghét té jánā imé vísvāḥ suksítayaḥ pṛthak |  
8.043.29c dhāsīm hinvanty áttave ||  
8.043.30a té ghéd agne svādhyó 'hā vísvā ṛcákṣasaḥ |  
8.043.30c tárantaḥ syāma durgáhā ||  
8.043.31a agním mandráṃ purupriyám śīráṃ pāvakásociṣam |  
8.043.31c hṛdbhír mandrébhir īmahe ||  
8.043.32a sá tvām agne vibhāvasuḥ sṛján sūryo ná raśmībhiḥ |  
8.043.32c śárdhan támāmsi jighnase ||  
8.043.33a tát te sahasva īmahe dātrám yán nópadásyati |  
8.043.33c tvád agne vāryam vásu ||

(664)

8.044.01a samídhāgnīm duvasyata ghrtaír bodhayatātithim |

- 8.044.01c ásmín havýá juhótana ||
- 8.044.02a ágne stómaṃ juṣasva me vārdhasvānéna mánmanā |
- 8.044.02c práti sūktāni harya naḥ ||
- 8.044.03a agníṃ dūtám puró dadhe havývāham úpa bruve |
- 8.044.03c devāṃ á sādáyād ihá ||
- 8.044.04a út te bṛhánto arcáyaḥ samidhānāsya dīdivaḥ |
- 8.044.04c ágne súkrāsa īrate ||
- 8.044.05a úpa tvā juhvò máma ghr̥tácīr yantu haryata |
- 8.044.05c ágne havýá juṣasva naḥ ||
- 8.044.06a mandráṃ hótāram ṛtvíjaṃ citrábhānum vibhāvasum |
- 8.044.06c agníṃ īle sá u śravat ||
- 8.044.07a pratnáṃ hótāram íḍyaṃ júṣtam agníṃ kavíkratum |
- 8.044.07c adhvarāṇām abhiśríyam ||
- 8.044.08a juṣāṇó aṅgírastamemá havýāny ānuśák |
- 8.044.08c ágne yajñám naya ṛtuthá ||
- 8.044.09a samidhāná u santya súkraśoca ihá vaha |
- 8.044.09c cikítvān daívyam jánam ||
- 8.044.10a vípraṃ hótāram adrúham dhūmáketum vibhāvasum |
- 8.044.10c yajñānām ketúm īmahe ||
- 8.044.11a ágne ní pāhi nas tvám práti śma deva ríṣataḥ |
- 8.044.11c bhindhí dvéṣaḥ sahaskr̥ta ||
- 8.044.12a agníḥ pratnéna mánmanā súmbhānas tanvām svām |
- 8.044.12c kavír vípreṇa vāvṛdhe ||
- 8.044.13a ūrjó nápātam á huve 'gním pāvakásociṣam |
- 8.044.13c asmín yajñé svadhvaré ||
- 8.044.14a sá no mitramahas tvám ágne súkreṇa śociśā |
- 8.044.14c devaír á satsi barhíṣi ||
- 8.044.15a yó agníṃ tanvò dáme devám mártah saparyáti |
- 8.044.15c tásmā íd dīdayad vásu ||
- 8.044.16a agnír mūrdhá diváḥ kakút pátiḥ pṛthivyá ayám |
- 8.044.16c apám rétāmsi jinvati ||
- 8.044.17a úd agne súcayas táva súkrá bhrájanta īrate |
- 8.044.17c táva jyótīṃsy arcáyaḥ ||
- 8.044.18a íśiṣe vāryasya hí dātrāsyaḥne svàrpatiḥ |
- 8.044.18c stotá syām táva śármaṇi ||
- 8.044.19a tvám agne manīśīṇas tvám hinvanti cíttibhiḥ |
- 8.044.19c tvám vardhantu no gírah ||
- 8.044.20a ádabdhasya svadhāvato dūtāsya rébhataḥ sádā |
- 8.044.20c agnéḥ sakhyám vṛṇīmahe ||
- 8.044.21a agníḥ súcivratatamaḥ súcir vípraḥ súciḥ kavíḥ |
- 8.044.21c súcī rocata áhutaḥ ||
- 8.044.22a utá tvā dhītáyo máma gíro vardhantu viśvāhā |
- 8.044.22c ágne sakhyásya bodhi naḥ ||
- 8.044.23a yád agne syām ahám tvám tvám vā ghā syá ahám |
- 8.044.23c svís te satvá iháśícaḥ ||

- 8.044.24a vásur vásupatir hí kam ásy agne vibhāvasuḥ |  
 8.044.24c syāma te sumatāv āpi ||  
 8.044.25a āgne dhṛtāvratāya te samudrāyeva síndhavaḥ |  
 8.044.25c gíro vāsrāsa īrate ||  
 8.044.26a yúvānaṃ viśpátim kavim viśvādam puruvépasam |  
 8.044.26c agnīm śumbhāmi mánmabhiḥ ||  
 8.044.27a yajñānaṃ rathyè vayāṃ tigmājambhāya vīlave |  
 8.044.27c stómair iṣemāgnāye ||  
 8.044.28a ayām agne tvé āpi jaritā bhūtu santya |  
 8.044.28c tásmāi pāvaka mṛṇaya ||  
 8.044.29a dhīro hy ásy admasád vípro ná jāgrviḥ sádā |  
 8.044.29c āgne dīdayasi dyāvi ||  
 8.044.30a purāgne duritébhyaḥ purā mṛdhrébhyaḥ kave |  
 8.044.30c prá ṇa āyur vaso tira ||

(665)

- 8.045.01a ā ghā yé agnīm indhaté strñānti barhír ānuśák |  
 8.045.01c yésām índro yúvā sákhā ||  
 8.045.02a bṛhānn íd idhmá eṣām bhūri śastám pṛthúḥ sváruḥ |  
 8.045.02c yésām índro yúvā sákhā ||  
 8.045.03a áyuddha íd yudhá vṛtaṃ śūra ājati sátvabhiḥ |  
 8.045.03c yésām índro yúvā sákhā ||  
 8.045.04a ā bundāṃ vṛtrahā dade jātāḥ pṛchad ví mātáram |  
 8.045.04c ká ugrāḥ ké ha śṛṇvire ||  
 8.045.05a práti tvā śavasí vadad girāv āpso ná yodhiṣat |  
 8.045.05c yás te śatrutvám ācaké ||  
 8.045.06a utá tvám maghavañ chṛṇu yás te vāṣṭi vavákṣi tát |  
 8.045.06c yád vīlayāsi vīlú tát ||  
 8.045.07a yád ājim yāty ājikṛd índraḥ svaśvayúr úpa |  
 8.045.07c rathītamo rathīnām ||  
 8.045.08a ví sú vísvā abhiyújo vājrin vísvag yáthā vṛha |  
 8.045.08c bhāvā naḥ suśrávastamaḥ ||  
 8.045.09a asmākaṃ sú rátham purá índraḥ kṛṇotu sātāye |  
 8.045.09c ná yāṃ dhūrvanti dhūrtāyaḥ ||  
 8.045.10a vṛjyāma te pári dvíśó 'raṃ te śakra dāvāne |  
 8.045.10c gaméméd indra gómataḥ ||  
 8.045.11a śānaiś cid yānto adrivó 'śvāvantaḥ śatagvīnaḥ |  
 8.045.11c vivákṣaṇā anehásaḥ ||  
 8.045.12a ūrdhvā hí te divé-dive sahásrā sūnṛtā śatā |  
 8.045.12c jaritṛbhyo vimámhate ||  
 8.045.13a vidmá hí tvā dhanamjayám índra dṛḥhā cid ārujám |  
 8.045.13c ādarīnaṃ yáthā gáyam ||  
 8.045.14a kakuhām cit tvā kave mándantu dhrṣṇav índavaḥ |

- 8.045.14c á tvā pañim yád ímahe ||
- 8.045.15a yás te revám ádāsurih pramamārṣa maghāttaye |
- 8.045.15c tāsya no véda á bhara ||
- 8.045.16a imá u tvā ví cakṣate sákhāya indra somínaḥ |
- 8.045.16c puṣṭāvanto yáthā paśúm ||
- 8.045.17a utá tvābhadhiraṃ vayám śrútkarṇaṃ sántam ūtāye |
- 8.045.17c dūrād ihá havāmahe ||
- 8.045.18a yác chuśrūyā imám hávaṃ durmārṣaṃ cakriyā utá |
- 8.045.18c bháver āpír no ántamaḥ ||
- 8.045.19a yác cid dhí te ápi vyáthir jaganvāṃso ámanmahi |
- 8.045.19c godā íd indra bodhi naḥ ||
- 8.045.20a á tvā rambháṃ ná jívrayo rarabhmā śavasas pate |
- 8.045.20c uśmāsi tvā sadhástha á ||
- 8.045.21a stotrám índrāya gāyata purunṛmñāya sátvane |
- 8.045.21c nákir yám vṛṇvaté yudhí ||
- 8.045.22a abhí tvā vṛṣabhā suté sutám srjāmi pītāye |
- 8.045.22c tṛmpā vy āśnuhī mádam ||
- 8.045.23a má tvā mūrā aviśyávo mópahásvāna á dabhan |
- 8.045.23c mákīm brahmadvíṣo vanaḥ ||
- 8.045.24a ihá tvā góparīnasā mahé mandantu rádhase |
- 8.045.24c sáro gauró yáthā piba ||
- 8.045.25a yá vṛtrahá parāvāti sánā návā ca cucyuvé |
- 8.045.25c tá saṃsátsu prá vocata ||
- 8.045.26a ápipat kadrúvaḥ sutám índraḥ sahásrabāhve |
- 8.045.26c átrādediṣṭa paúṃsyam ||
- 8.045.27a satyám tát turváše yádau vídāno ahnavāyyám |
- 8.045.27c vy ānaṭ turváṇe sámi ||
- 8.045.28a tarāñim vo jánānām tradám vājasya gómataḥ |
- 8.045.28c samānám u prá śaṃsiṣam ||
- 8.045.29a ṛbhukṣāṇaṃ ná vártava ukthéṣu tugryāvṛdham |
- 8.045.29c índraṃ sóme sácā suté ||
- 8.045.30a yáh kṛntád íd ví yonyám triśókāya girím pṛthúm |
- 8.045.30c góbhoyo gātúm níretave ||
- 8.045.31a yád dadhiśé manasyási mandānáḥ préd íyakṣasi |
- 8.045.31c má tát kar indra mṛlāya ||
- 8.045.32a dabhrám cid dhí tvāvataḥ kṛtám śṛṇvé ádhi kṣámi |
- 8.045.32c jígātv indra te mánah ||
- 8.045.33a távéd u táḥ sukīrtáyó 'sann utá práśastayaḥ |
- 8.045.33c yád indra mṛlāyāsi naḥ ||
- 8.045.34a má na ékasminn āgasi má dvāyor utá triśú |
- 8.045.34c vādhir má śūra bhūriṣu ||
- 8.045.35a bibháyā hí tvāvata ugrád abhiprabhañgíṇah |
- 8.045.35c dasmād ahám ṛtīśahaḥ ||
- 8.045.36a má sákhyuḥ súnam á vide má putrásya prabhūvaso |

- 8.045.36c āvṛtvad bhūtu te mánah ||  
 8.045.37a kó nú maryā ámithitah sákhā sákhāyam abravīt |  
 8.045.37c jahá kó asmád īṣate ||  
 8.045.38a evāre vṛṣabhā suté 'sinvan bhūry āvayah |  
 8.045.38c śvaghnīva nivátā cāran ||  
 8.045.39a á ta etá vacoyújā hárī gr̥bhṇe sumádrathā |  
 8.045.39c yád īm brahmábhya íd dádaḥ ||  
 8.045.40a bhindhí vísvā ápa dvíṣah pári bádho jahí mṛdhaḥ |  
 8.045.40c vásu spārhām tād á bhara ||  
 8.045.41a yád vīlāv indra yát sthiré yát pársāne párābhṛtam |  
 8.045.41c vásu spārhām tād á bhara ||  
 8.045.42a yásya te víśvámānuṣo bhūrer dattásya védati |  
 8.045.42c vásu spārhām tād á bhara ||

(666)

- 8.046.01a tvāvataḥ purūvaso vayám indra praṇetaḥ |  
 8.046.01c smási sthātar harīṇām ||  
 8.046.02a tvām hí satyám adrivo vidmá dātāram iṣām |  
 8.046.02c vidmá dātāraṃ rayīṇām ||  
 8.046.03a á yásya te mahimānaṃ sátamūte sátakrato |  
 8.046.03c gīrbhír gr̥ṇánti kāravaḥ ||  
 8.046.04a sunīthó ghā sá mártyo yám marúto yám aryamá |  
 8.046.04c mitráḥ pānty adrúhaḥ ||  
 8.046.05a dádhāno gómad ásvavat suvīryam ādityájūta edhate |  
 8.046.05c sádā rāyá puruspr̥hā ||  
 8.046.06a tám índraṃ dánam īmahe śavasānām ábhīrvam |  
 8.046.06c íśānaṃ rāyá īmahe ||  
 8.046.07a tásmin hí sánty ūtáyo vísvā ábhīravaḥ sácā |  
 8.046.07c tám á vahantu sáptayaḥ purūvásum mádāya hárayaḥ sutám ||  
 8.046.08a yás te mádo váreṇyo yá indra vṛtrahántamaḥ |  
 8.046.08c yá ādadīḥ svār nīrbhir yáḥ pṛtanāsu duṣṭáraḥ ||  
 8.046.09a yó duṣṭáro vísvavāra śravāyyo vājeṣv ásti tarutá |  
 8.046.09c sá naḥ śaviṣṭha sávaná vaso gahi gaméma gómati vrajé ||  
 8.046.10a gavyó ṣú ṇo yáthā puráśvayótá rathayá |  
 8.046.10c varivasyá mahāmaha ||  
 8.046.11a nahí te sūra rádhasó 'ntaṃ vindāmi satrá |  
 8.046.11c daśasyá no maghavan nú cid adrivo dhíyo vājebhir āvitha ||  
 8.046.12a yá rṣvāḥ śrāvayátsakhā vísvét sá veda jánimā puruṣtutáḥ |  
 8.046.12c tám víśve mánuṣā yugéndraṃ havante taviṣám yatásrucaḥ ||  
 8.046.13a sá no vājeṣv avitá purūvásuḥ purasthātá maghávā vṛtrahá bhuvat ||  
 8.046.14a abhí vo vīrám ándhaso mádeṣu gāya girá mahá vícetasam |  
 8.046.14c índraṃ nāma śrútyaṃ śākínaṃ váco yáthā ||  
 8.046.15a dadí rékṇas tanvè dadír vásu dadír vājeṣu puruhūta vājínam |  
 8.046.15c nūnám átha ||



- 8.046.16a víśveṣām irajyāntaṃ vāsūnām sāsahvāṃsaṃ cid asyā vārpasaḥ |  
8.046.16c kṛpayatō nūnām āty ātha ||  
8.046.17a mahāḥ sū vo āram iṣe stāvāmahe mīlhūṣe araṃgamāya jāgmaye |  
8.046.17c yajñēbhīr gīrbhīr viśvámanuṣām marūtām iyakṣasi gāye tvā nāmasā girā ||  
8.046.18a yé pātáyante ájmabhir girīñām snúbhir eṣām |  
8.046.18c yajñām mahiṣvāñīnām sumnām tuviṣvāñīnām prādhvaré ||  
8.046.19a prabhaṅgāṃ durmatīnām índra śaviṣṭhā bhara |  
8.046.19c rayīm asmābhyaṃ yújyaṃ codayanmate jyēṣṭhaṃ codayanmate ||  
8.046.20a sánitaḥ sūsanitar úgra cítra cétiṣṭha sūñṛta |  
8.046.20c prāsāhā samrāṭ sáhuriṃ sáhantam bhujyúṃ vājeṣu pūrvyam ||  
8.046.21a ā́ sá etu yá́ ívad ā́m ádevaḥ pūrtám ādadé |  
8.046.21c yáthā cid váso aśvyāḥ pṛthuśrávasi kánītè 'syā vyúṣy ādadé ||  
8.046.22a ṣaṣṭīm saháśrāsavyasyáyútāsanam úṣṭrānām vimśatīm śatā |  
8.046.22c dáśa śyāvīnām śatā dáśa tryàruṣīnām dáśa gāvām saháśrā ||  
8.046.23a dáśa śyāvā́ ṛdhádrayo vītávārāsa āśávaḥ |  
8.046.23c mathrá nemīm ní vāvṛtuḥ ||  
8.046.24a dā́nasaḥ pṛthuśrávasaḥ kánītāsya surādhasaḥ |  
8.046.24c rátham hiraṇyáyaṃ dádan mámhīṣṭhaḥ sūrír abhūd |  
8.046.24e vārṣiṣṭham akrta śrávaḥ ||  
8.046.25a ā́ no váyo mahé táne yā́hí makhāya pájase |  
8.046.25c vayám hí te cakrmā́ bhūri dāváne sadyás cin máhi dāváne ||  
8.046.26a yó aśvebhīr váhate vásta usrās trīḥ saptá saptatīnām |  
8.046.26c ebhīḥ sómebhīḥ somasúdbhīḥ somapā́ dānāya śukrapūtapāḥ ||  
8.046.27a yó ma imám cid u tmánāmandac citráṃ dāváne |  
8.046.27c araṭvé ákṣe náhuṣe sukṛtvani sukṛttarāya sukrátuḥ ||  
8.046.28a ucathyè vápuṣi yáḥ svarā́ utá váyo ghṛtasnāḥ |  
8.046.28c áśveṣitaṃ rájeṣitaṃ sūneṣitaṃ prājma tád idám nú tát ||  
8.046.29a ádha priyám iṣirāya ṣaṣṭīm saháśrāsanam |  
8.046.29c áśvānām ín ná víṣṇām ||  
8.046.30a gāvo ná yūthám úpa yanti vādhraya úpa má yanti vādhrayaḥ ||  
8.046.31a ádha yác cārathe gaṇé śatám úṣṭrām ácikradat |  
8.046.31c ádha śvítneṣu vimśatīm śatā ||  
8.046.32a śatám dāsé balbūthé vípras tárukṣa ā́ dade |  
8.046.32c té te vāyav imé jánā́ mádantúndragopā́ mádanti devágopāḥ ||  
8.046.33a ádha syā́ yóṣaṇā mahí́ praticī́ vāsam aśvyám |  
8.046.33c ádhirukmā́ ví nīyate ||

(667)

- 8.047.01a máhi vo mahatām ávo váruṇa mítra dāśúṣe |  
8.047.01c yám ādityā́ abhí́ druho rákṣathā́ ném aghám naśad aneháso va útáyah  
suūtáyo va útáyah ||  
8.047.02a vidá devā́ aghānām ádityāso apákr̥tim |  
8.047.02c paksā́ váyo yáthopári vy ásmé́ śárma yachatāneháso va útáyah suūtáyo

- va ūtāyaḥ ||
- 8.047.03a vy àsmé ádhi śárma tát pakṣā váyo ná yantana |
- 8.047.03c víśvāni víśvavedaso varūthyā manāmahe 'neháso va ūtāyaḥ suūtáyo va ūtāyaḥ ||
- 8.047.04a yásmā árāsata kṣáyam jīvátum ca prácetasah |
- 8.047.04c mánor víśvasya ghéd imá ādityā rāyá īsate 'neháso va ūtāyaḥ suūtáyo va ūtāyaḥ ||
- 8.047.05a pári ño vṛṇajann aghā durgāni rathyò yathā |
- 8.047.05c syāméd índrasya śármaṇy ādityānām utāvasy aneháso va ūtāyaḥ suūtáyo va ūtāyaḥ ||
- 8.047.06a parihvṛtéd anā jáno yuṣmādattasya vāyati |
- 8.047.06c dévā ádabhram āsa vo yám ādityā áhetanāneháso va ūtāyaḥ suūtáyo va ūtāyaḥ ||
- 8.047.07a ná tám tigmám caná tyájo ná drāsad abhí tám gurú |
- 8.047.07c yásmā u śárma saprátha ādityāso árādhvam aneháso va ūtāyaḥ suūtáyo va ūtāyaḥ ||
- 8.047.08a yuṣmé devā ápi śmasi yúdhyaanta iva vármasu |
- 8.047.08c yūyám mahó na énaso yūyám árbhād uruṣyatāneháso va ūtāyaḥ suūtáyo va ūtāyaḥ ||
- 8.047.09a áditir na uruṣyatv áditiḥ śárma yachatu |
- 8.047.09c mātā mitrásya reváto 'ryamñó váruṇasya cāneháso va ūtāyaḥ suūtáyo va ūtāyaḥ ||
- 8.047.10a yád devāḥ śárma śaraṇám yád bhadrám yád anāturám |
- 8.047.10c tridhātu yád varūthyām tát asmāsu ví yantanāneháso va ūtāyaḥ suūtáyo va ūtāyaḥ ||
- 8.047.11a ādityā áva hí khyátādhi kúlād iva spásah |
- 8.047.11c sutīrthám árvato yathānu no neṣathā sugám aneháso va ūtāyaḥ suūtáyo va ūtāyaḥ ||
- 8.047.12a néhá bhadrám rakṣasvīne návayaí nópayā utá |
- 8.047.12c gáve ca bhadrám dhenáve vīrāya ca śravasyatè 'neháso va ūtāyaḥ suūtáyo va ūtāyaḥ ||
- 8.047.13a yád āvír yád apīcyam dévāso ásti duṣkrtám |
- 8.047.13c trité tát víśvam āptyá āré asmád dadhātanāneháso va ūtāyaḥ suūtáyo va ūtāyaḥ ||
- 8.047.14a yác ca góṣu duṣvápnyam yác cāsmé duhitar divah |
- 8.047.14c tritāya tát vibhāvary āptyāya párā vahāneháso va ūtāyaḥ suūtáyo va ūtāyaḥ ||
- 8.047.15a niṣkám vā ghā kṛṇávate srájam vā duhitar divah |
- 8.047.15c trité duṣvápnyam sárvam āptyé pári dadmasy aneháso va ūtāyaḥ suūtáyo va ūtāyaḥ ||
- 8.047.16a tátannāya tátapase tám bhāgám upasedúse |
- 8.047.16c tritāya ca dvitāya cóṣo duṣvápnyam vahāneháso va ūtāyaḥ suūtáyo va ūtāyaḥ ||
- 8.047.17a yáthā kalām yáthā śaphám yátha ṛmám samnáyāmasi |
- 8.047.17c evá duṣvápnyam sárvam āptyé sám nayāmasy aneháso va ūtāyaḥ suūtáyo

va ūtáyaḥ ||

8.047.18a ájaismādyāsanāma cābhūmānāgasō vayám |

8.047.18c úšo yásmād duṣvāpnyād ábhaismāpa tát uchatv aneháso va ūtáyaḥ  
suūtáyo va ūtáyaḥ ||

(668)

8.048.01a svádór abhakṣi váyasah sumedhāḥ svādhyò varivovíttarasya |

8.048.01c vísve yám devā utá mártyašo mádhu bruvánto abhí samcáranti ||

8.048.02a antás ca prāgā áditir bhavāsy avayātā háraso daívyasya |

8.048.02c índav índrasya sakhyám juṣāṇāḥ śraúṣṭīva dhúrām ánu rāyá ṛdhyāḥ ||

8.048.03a ápāma sómam amṛtā abhūmāganma jyótir ávidāma devān |

8.048.03c kíṃ nūnám asmān kṛṇavad árātiḥ kíṃ u dhūrtír amṛta mártasya ||

8.048.04a sám no bhava hṛdá ā pītā indo pitéva soma sūnáve susévaḥ |

8.048.04c sákheva sákhya uruśamsa dhírah prá ṇa áyur jīvāse soma tāriḥ ||

8.048.05a imé mā pītā yaśása uruśyávo rátham ná gāvah sám anāha párvasu |

8.048.05c té mā rakṣantu visrásāś carítrād utá mā srāmād yavayantv índavaḥ ||

8.048.06a agníṃ ná mā mathitám sám didīpah prá cakṣaya kṛṇuhí vásyaso nah |

8.048.06c áthā hí te máda ā soma mánye revāṃ iva prá carā puṣṭím ácha ||

8.048.07a iširēṇa te mánasā sutásya bhakṣīmāhi pítiryasyeva rāyāḥ |

8.048.07c sóma rājan prá ṇa áyūṃṣi tāriḥ áhānīva sūryo vāsarāṇi ||

8.048.08a sóma rājan mṛlāyā nah svastí táva smasi vratyās tásya viddhi |

8.048.08c álarti dákṣa utá manyúr indo má no aryó anukāmám párā dāḥ ||

8.048.09a tvám hí nas tanvāḥ soma gopā gātre-gātre niśasátthā ṛcákṣāḥ |

8.048.09c yát te vayám pramināma vratāni sá no mṛla suśakhá deva vásyah ||

8.048.10a ṛdūdāreṇa sákhyā saceya yó mā ná rísyed dharyaśva pītāḥ |

8.048.10c ayám yāḥ sómo ny ádhāy asmé tásmā índram pratíram emy áyuh ||

8.048.11a ápa tyā asthur ánirā ámīvā nír atrasan támiṣicīr ábhaisuh |

8.048.11c ā sómo asmāṃ aruhad víhāyā áganma yátra pratiránta áyuh ||

8.048.12a yó na índuh pitaro hṛtsú pītó 'martyo mártiyāṃ āvivéśa |

8.048.12c tásmāi sómāya havíṣā vidhema mṛlīké asya sumataú syāma ||

8.048.13a tvám soma pitṛbhiḥ samvidāno 'nu dyāvāpṛthiví ā tatantha |

8.048.13c tásmāi ta indo havíṣā vidhema vayám syāma pátayo rayīnām ||

8.048.14a trātāro devā ádhi vocatā no má no nidrá ísata móta jálpiḥ |

8.048.14c vayám sómasya víśváha priyāsaḥ suvírāso vidátham ā vadema ||

8.048.15a tvám nah soma víśváto vayodhás tvám svarvíd ā víśā ṛcákṣāḥ |

8.048.15c tvám na inda útíbhīḥ sajoṣāḥ pāhí paścātād utá vā purástāt ||

(1018)

8.049.01a abhí prá vah surádhasam índram arca yáthā vidé |

8.049.01c yó jaritṛbhyo maghāvā purūvāsuh sahásreṇeva síkṣati ||

8.049.02a śatānīkeva prá jigāti dhṛṣṇuyā hānti vṛtrāni dāśúṣe |

8.049.02c girér iva prá rāsā asya pinvire dátrāni purubhójasah ||

8.049.03a ā tvā sutāsa índavo mádā yá indra girvanah |

- 8.049.03c ápo ná vajrinn ánv okyám sáraḥ pṛṇánti śūra rādhasē ||  
8.049.04a anehásam pratáraṇam vivákṣaṇam mádhvaḥ svádiṣṭham īm piba |  
8.049.04c á yáthā mandasānáḥ kirāsi naḥ prá kṣudréva tmánā dhrṣát ||  
8.049.05a á na stómam úpa dravád dhiyānó ásvo ná sótrbhiḥ |  
8.049.05c yám te svadhāvan svadáyanti dhenáva índra káṇveṣu rātáyaḥ ||  
8.049.06a ugrám ná vīrám námasópa sedima víbhūtim ákṣitāvasum |  
8.049.06c udrīva vajrinn avató ná siñcaté kṣárantīndra dhītáyaḥ ||  
8.049.07a yád dha nūnám yád vā yajñé yád vā pṛthivyām ádhi |  
8.049.07c áto no yajñám āsúbhir mahemata ugrá ugrébhir á gahi ||  
8.049.08a ajirāso hárayo yé ta āsávo vātā iva prasakṣínaḥ |  
8.049.08c yébhīr ápatyam mánuṣaḥ parīyase yébhīr víśvaṃ svàr dṛsé ||  
8.049.09a etāvatas ta īmaha índra sumnāsya gómataḥ |  
8.049.09c yáthā právo maghavan médhyātithim yáthā nīpātithim dháne ||  
8.049.10a yáthā káṇve maghavan trasádasyavi yáthā pakthé dásavraje |  
8.049.10c yáthā gósarye ásanor ṛjísvanīndra gómad dhíraṇyavat ||

(1019)

- 8.050.01a prá sú śrutám surádhasam árcā śakráṃ abhíṣṭaye |  
8.050.01c yáḥ sunvaté stuvaté kāmyaṃ vásu sahasreṇeva mámhate ||  
8.050.02a śatānikā hetáyo asya duṣṭārā índrasya samīṣo mahīḥ |  
8.050.02c girír ná bhujmā maghávatsu pinvate yád īm sutā ámandiṣuḥ ||  
8.050.03a yád īm sutāsa índavo 'bhí priyám ámandiṣuḥ |  
8.050.03c ápo ná dhāyi sávanam ma á vaso dúghā ivópa dāsúṣe ||  
8.050.04a anehásam vo hávamānam útáye mádhvaḥ kṣaranti dhītáyaḥ |  
8.050.04c á tvā vaso hávamānāsa índava úpa stotrēṣu dadhire ||  
8.050.05a á naḥ sóme svadhvará iyānó átyo ná tośate |  
8.050.05c yám te svadhāvan svádanti gūrtáyaḥ pauré chandayase hávam ||  
8.050.06a prá vīrám ugrám vívicim dhanaspṛtam víbhūtim rádhaso maháh |  
8.050.06c udrīva vajrinn avató vasutvanā sádā pīpetha dāsúṣe ||  
8.050.07a yád dha nūnám parāvátī yád vā pṛthivyām diví |  
8.050.07c yujāná índra háribhir mahemata ṛṣvá ṛṣvébhīr á gahi ||  
8.050.08a rathirāso hárayo yé te asrídha ójo vātasya píprati |  
8.050.08c yébhīr ní dásyum mánuṣo nighóṣayo yébhīḥ svàḥ parīyase ||  
8.050.09a etāvatas te vaso vidyāma śūra návyasaḥ |  
8.050.09c yáthā práva étaśam kṛtvye dháne yáthā vásam dásavraje ||  
8.050.10a yáthā káṇve maghavan médhe adhvaré dīrghánīthe dāmūnasi |  
8.050.10c yáthā gósarye ásiṣāso adrivo máyi gotrám hariśríyam ||

(1020)

- 8.051.01a yáthā mánau sámvaraṇau sómam indrápibaḥ sutám |  
8.051.01c nīpātithau maghavan médhyātithau púṣṭigau śrúṣṭigau sácā ||  
8.051.02a pārśadvānáḥ práskañvaṃ sám asādayac cháyānam jívrim úddhitam |

- 8.051.02c sahásrāṇy asiṣāsad gāvām řis tvóto dásyave vřkah ||  
8.051.03a yá ukthébhír ná vindháte cikíd yá řicódanah |  
8.051.03c índram tám áchā vada návyasyā maty ářiṣyantam ná bhójase ||  
8.051.04a yásmā arkám saptásřsāṇam ānřcús tridhātum uttamé padé |  
8.051.04c sá tv çmá vísvā bhúvanāni cikradad ād řj janiṣṭa paúṃsyam ||  
8.051.05a yó no dātā vásūnām índram tám hūmahe vayám |  
8.051.05c vidmá hy àsya sumatím návřyasim gaméma gómati vřajé ||  
8.051.06a yásmāi tvám vaso dānāya síkṣasi sá rāyás póṣam ásnute |  
8.051.06c tám tvā vayám maghavann índra girvaṇah sutāvanto havāmahe ||  
8.051.07a kadā caná starřr asi néndra saścasi dāsúṣe |  
8.051.07c úpopén nú maghavan bhūya řn nú te dānam devásya přcyate ||  
8.051.08a prá yó nanakṣé abhy ójasā krřvim vadhař řúṣṇam nighośayan |  
8.051.08c yadéd ástambhřt pratháyann amúm dívam ād řj janiṣṭa pářthivah ||  
8.051.09a yásyāyám vísva řryo dāsaḥ řevadhipā arř |  
8.051.09c tirás cid aryé rúsame pářřravi túbhýét só ajoyate rayř ||  
8.051.10a turanyávo mádhumantam ghrtaścútam vípřaso arkám ānřcuḥ |  
8.051.10c asmé rayř paprathe vřṣnyam sávo 'smé suvānása índavaḥ ||

(1021)

- 8.052.01a yáthā mánau vívasvati sómam śakrāpibah sutám |  
8.052.01c yáthā trité chānda índra jújoṣasy āyaú mādayase sácā ||  
8.052.02a přsadhre médhye mātariśvanřndra suvāné ámandathāḥ |  
8.052.02c yáthā sómam dāsaṣipre dāsoṇye syūmaraśmāv řjūnasi ||  
8.052.03a yá ukthā kévalā dadhé yāḥ sómam dhřřitāpibat |  
8.052.03c yásmāi víṣṇus trřni padā vicakramá úpa mitřásya dhármabhiḥ ||  
8.052.04a yásya tvám índra stómeṣu cākáno vāje vājiñ chatakrato |  
8.052.04c tám tvā vayám sudúghām iva godúho juhūmási řravasyávaḥ ||  
8.052.05a yó no dātā sá nah pitā mahám ugrá řśānakřt |  
8.052.05c áyāmann ugró maghāvā purūvásur góř ásvasya prá dātu nah ||  
8.052.06a yásmāi tvám vaso dānāya mámhase sá rāyás póṣam invati |  
8.052.06c vasūyávo vásupatim sátákratum stómair índram havāmahe ||  
8.052.07a kadā caná prá yuchasy ubhé ní pási jánmanř |  
8.052.07c túřiyāditya hávanam ta indriyám ā tasthāv amřtam divř ||  
8.052.08a yásmāi tvám maghavann índra girvaṇah síkṣo síkṣasi dāsúṣe |  
8.052.08c asmākam gřra utá suṣtutim vaso kaṇvavác chrñudhř hávam ||  
8.052.09a ástāvi mánma pūřvyám bráhméndrāya vocata |  
8.052.09c pūřvř řtásya břhatř anūṣata stotúr medhā asřkṣata ||  
8.052.10a sám índro rāyo břhatř adhūnuta sám kṣoñř sám u sūryam |  
8.052.10c sám śukrāsah sūcayah sám gāvāširaḥ sómā índram amandiṣuḥ ||

(1022)

- 8.053.01a upamám tvā maghónam jyéřtham ca vřřabhāñām |

- 8.053.01c pūrbhittamam maghavann indra govídam íśānam rāyá īmahe ||  
8.053.02a yá āyúm kútsam atithigvám árdayo vāvṛdhānó divé-dive |  
8.053.02c tám tvā vayám háryaśvam śatákratum vājayánto havāmahe ||  
8.053.03a á no víśveśam rásam mádhvah siñcantv ádrayah |  
8.053.03c yé parāvátī sunviré jáneṣv á yé arvāvátíndavaḥ ||  
8.053.04a vísvā dvēśāmsi jahí cáva cá kṛdhi víśve sanvantv á vásu |  
8.053.04c śíṣṭeṣu cit te madirāso aṃśávo yátrā sómasya tṛmpási ||  
8.053.05a índra nádīya éd ihi mitámedhābhir ūtībhiḥ |  
8.053.05c á śam̐tama śam̐tamābhir abhíṣṭibhir á svāpe svāpībhiḥ ||  
8.053.06a ājíturam sátpatiṃ víśvácarṣaṇiṃ kṛdhí prajāsv ābhagam |  
8.053.06c prá sú tirā śácībhir yé ta ukthínaḥ krátum punatá ānuśák ||  
8.053.07a yás te sádhiṣṭhó 'vase té syāma bhāreṣu te |  
8.053.07c vayám hótrābhir utá deváhūtībhiḥ sasavāṃso manāmahe ||  
8.053.08a ahám hí te harivo bráhma vājayúr ājím yāmi sádotībhiḥ |  
8.053.08c tvám íd evá tám áme sám aśvayúr gavyúr ágre mathīnām ||

(1023)

- 8.054.01a etát ta indra vīryam̐ gīrbhír gr̐ṇánti kāravaḥ |  
8.054.01c té stóbhanta ūrjam̐ āvan ghr̐taścútam paurāso nakṣan dhītībhiḥ ||  
8.054.02a náḁsanta índram̐ ávase sukṛtyáya yéśam̐ sutéṣu mándase |  
8.054.02c yáthā sam̐varté ámado yáthā kṛśá evāsmé indra matsva ||  
8.054.03a á no víśve sajóśaso dévāso gántanópa naḥ |  
8.054.03c vásavo rudrá ávase na á gamañ chr̐ṇvántu marúto hávam ||  
8.054.04a pūṣá víṣṇur hávanam me sárasvaty ávantu saptá síndhavaḥ |  
8.054.04c ápo vātaḥ párvatāso vánaspátih̐ śṛṇótu pṛthiví hávam ||  
8.054.05a yád indra rádho ásti te mághonam maghavattama |  
8.054.05c téna no bodhi sadhamādyo vṛdhé bhágo dánāya vṛtrahan ||  
8.054.06a ājipate nṛpate tvám íd dhí no vāja á vakṣi sukrato |  
8.054.06c vītí hótrābhir utá devávītībhiḥ sasavāṃso ví śṛṇvire ||  
8.054.07a sánti hy àryá āśíṣa índra áyur jánānām |  
8.054.07c asmán nakṣasva maghavann upāvase dhuḁśásva pipyúṣīm íṣam ||  
8.054.08a vayám ta indra stómebhir vidhema tvám asmākam̐ śatakrato |  
8.054.08c máhi sthūrám̐ śaśayám̐ rádho áhrayam̐ práskan̐vāya ní tośaya ||

(1024)

- 8.055.01a bhūríd índrasya vīryam̐ vy ákhyam̐ abhy áyati |  
8.055.01c rádhas te dasyave vṛka ||  
8.055.02a śatám̐ śvetāsa ukśāṇo diví táro ná rocante |  
8.055.02c mahná dívam̐ ná tastabhuḥ ||  
8.055.03a śatám̐ veṇūñ chatám̐ súnaḥ śatám̐ cármāṇi mlātāni |  
8.055.03c śatám me balbajastuká áruṣiṇām̐ cátuḥśatam ||  
8.055.04a sudevā stha kan̐vāyanā váyo-vayo vicarántaḥ |  
8.055.04c áśvāso ná cañkramata ||

- 8.055.05a ád ít sāptásya carkirann ānūnasya máhi śrávaḥ |  
8.055.05c śyāvīr atidhvasán pathás cākṣuṣā caná saṃnáśe ||

(1025)

- 8.056.01a práti te dasyave vṛka rádhō adarśy áhrayam |  
8.056.01c dyaúr ná prathinā śávaḥ ||  
8.056.02a dáśa máhyam pautakratāḥ saháśrā dásyave vṛkaḥ |  
8.056.02c nítyād rāyó amamhata ||  
8.056.03a śatám me gardabhānāṃ śatám ūrṇāvatīnām |  
8.056.03c śatám dāsāṃ áti srājaḥ ||  
8.056.04a tátro ápi práñiyata pūtákratāyai vyaktā |  
8.056.04c áśvānām ín ná yūthyām ||  
8.056.05a ácety agníś cikitúr havyvavāṭ sá sumádrathaḥ |  
8.056.05c agníḥ śukreṇa śociśā bṛhát súro arocata diví súryo arocata ||

(1026)

- 8.057.01a yuvám devā krátunā pūrvyéṇa yuktā ráthena taviṣám yajatrā |  
8.057.01c ágachataṃ nāsatyā śácībhir idám ṛtīyam sávanam píbāthaḥ ||  
8.057.02a yuvám devās tráya ekādaśásaḥ satyāḥ satyásya dadṛše purástāt |  
8.057.02c asmákaṃ yajñám sávanam juṣāṇā pātám sómam aśvinā dídyagnī ||  
8.057.03a panāyayam tát aśvinā kṛtám vām vṛṣabhó divó rájasah pṛthivyāḥ |  
8.057.03c saháśram śámsā utá yé gáviṣṭau sárvām ít tám úpa yātā píbadhyai ||  
8.057.04a ayám vām bhāgó níhito yajatremá gíro nāsatyópa yātam |  
8.057.04c píbataṃ sómam mádhumantam asmé prá dāśvāmsam avataṃ śácībhiḥ ||

(1027)

- 8.058.01a yám ṛtvíjo bahudhá kalpáyantaḥ sácetaso yajñám imám váhanti |  
8.058.01c yó anūcāno brāhmaṇó yuktá āsīt ká svit tátra yájamānasya saṃvít ||  
8.058.02a éka evāgnír bahudhá sámiddha ékaḥ súryo víśvam ánu prábhūtaḥ |  
8.058.02c ékaivóṣāḥ sárvam idám ví bhātyékaṃ vá idám ví babhūva sárvam ||  
8.058.03a jyótiṣmantam ketumántam tricakráṃ sukhám rátham suśadam bhūrivāram |  
8.058.03c citrámaghā yásya yóge dhijajñe tám vām huvé áti riktam píbadhyai ||

(1028)

- 8.059.01a imāni vām bhāgadhéyāni sisrata índrāvaruṇā prá mahé sutéṣu vām |  
8.059.01c yajñé-yajñe ha sávanā bhuraṇyátho yát sunvaté yájamānāya śíkṣathaḥ ||  
8.059.02a niṣśídhvarīr óṣadhīr āpa āstām índrāvaruṇā mahimānam áśata |  
8.059.02c yá sísratū rájasah páre ádhvano yáyoḥ sátrur nákir ádeva óhate ||  
8.059.03a satyám tát índrāvaruṇā kṛśásya vām mádhva ūrmím duhate saptá vāñīḥ |  
8.059.03c tábhīr dāśvāmsam avataṃ śubhas patī yó vām ádabdho abhí páti cíttibhiḥ ||  
8.059.04a ghṛtapṛuṣah saúmyā jīrádānavaḥ saptá svásārah sádana ṛtásya |

- 8.059.04c yā ha vām indrāvaruṇā ghrtaścūtas tābhir dhattam yājamānāya śikṣatam ||  
 8.059.05a āvocāma mahaté saubhagāya satyām tveṣābhyām mahimānam indriyām |  
 8.059.05c asmān sv çndrāvaruṇā ghrtaścūtas trībhiḥ sāptēbhir avatam śubhas patī ||  
 8.059.06a indrāvaruṇā yād ṛṣībhyo manīṣām vācō matīm śrutām adattam āgre |  
 8.059.06c yāni sthānāny asrjanta dhīrā yajñam tanvānās tāpasābhy āpaśyam ||  
 8.059.07a indrāvaruṇā saumanasām ādrptam rāyās pōsam yājamāneṣu dhattam |  
 8.059.07c prajām puṣṭīm bhūtim asmāsu dhattam dīrghāyutvāya prā tiratam na āyuh ||

(669)

- 8.060.01a āgna ā yāhy agnībhir hōtāram tvā vṛṇīmahe |  
 8.060.01c ā tvām anaktu prāyatā havīṣmatī yājiṣṭham barhī āsāde ||  
 8.060.02a āchā hī tvā sahasaḥ sūno aṅgiraḥ srūcaś cāranty adhvaré |  
 8.060.02c ūrjō nāpātam ghrtaścūtas īmahe 'gnīm yajñēṣu pūrvyām ||  
 8.060.03a āgne kavīr vedhā asi hōtā pāvaka yākṣyaḥ |  
 8.060.03c mandrō yājiṣṭho adhvarēṣv īdyo viprebhiḥ śukra mānmabhiḥ ||  
 8.060.04a ādrogham ā vahośatō yaviṣṭhya devām ājasra vītāye |  
 8.060.04c abhī prāyāmsi sūdhitā vaso gahi māndasva dhītībhir hitāḥ ||  
 8.060.05a tvām ít saprāthā asy āgne trātar ṛtās kavīḥ |  
 8.060.05c tvām viprāsah samidhāna dīdiva ā vivāsanti vedhāsah ||  
 8.060.06a śócā śociṣṭha dīdihī viśé máyo rāsva stotrē mahām asi |  
 8.060.06c devānām śārman máma santu sūrāyaḥ śatrūśāhaḥ svagnāyaḥ ||  
 8.060.07a yāthā cid vṛddhām atasām āgne samjūrvasi kṣāmi |  
 8.060.07c evā daha mitramaho yō asmadhrūg durmánmā kās ca vénati ||  
 8.060.08a mā no mártāya ripāve rakṣasvīne māghāsamsāya rīradhaḥ |  
 8.060.08c āsredhadbhis tarāṇibhir yaviṣṭhya śivēbhiḥ pāhi pāyūbhiḥ ||  
 8.060.09a pāhī no agna ékayā pāhy ótā dvitīyayā |  
 8.060.09c pāhī gīrbhīs tisrībhir ūrjām pate pāhī catasrībhir vaso ||  
 8.060.10a pāhī vísvasmād rakṣāso ārāvṇaḥ prá sma vājeṣu no 'va |  
 8.060.10c tvām íd dhī nēdiṣṭham devātātaya āpīm náksāmahe vṛdhé ||  
 8.060.11a ā no agne vayovṛdham rayīm pāvaka śāmsyam |  
 8.060.11c rāsivā ca na upamāte puruspṛham sūnīti svāyaśastaram ||  
 8.060.12a yēna vāmsāma pṛtanāsu śārdhataś tāranto aryā ādīśah |  
 8.060.12c sá tvām no vardha prāyasā śacīvaso jīnvā dhīyo vasuvīdah ||  
 8.060.13a śísāno vṛṣabhō yathāgnīḥ śrīnge dávidhvat |  
 8.060.13c tigmā asya hānavo ná pratidhrīse sujāmbhaḥ sáhaso yahúḥ ||  
 8.060.14a nahī te agne vṛṣabha pratidhrīse jāmbhāso yād vitīṣṭhase |  
 8.060.14c sá tvām no hotaḥ sūhutam havīṣ kṛdhi vāmsvā no vāryā purú ||  
 8.060.15a śéše vāneṣu mātrōḥ sám tvā mártāsa indhate |  
 8.060.15c átandro havayā vahasi havīṣkṛta ād íd devēṣu rājasi ||  
 8.060.16a saptā hōtāras tám íd īlate tvāgne sutyājam āhrayam |  
 8.060.16c bhinātsy ādrim tāpasā ví śocīśā prāgne tiṣṭha jānām āti ||  
 8.060.17a agnīm-agnīm vo ādhrigum huvéma vṛktābarhiṣah |  
 8.060.17c agnīm hitāprayasaḥ śasvatīṣv ā hōtāram carṣaṇīnām ||  
 8.060.18a kētēna śārman sacate susāmānv āone tībhvam cikītvānā |



- 8.060.18c iṣaṇyāyā naḥ pururūpam ā bhara vājaṃ nédiṣṭham ūtāye ||  
 8.060.19a āgne járitar viśpātis tepāno deva rakṣāsaḥ |  
 8.060.19c āproṣivān grhāpatir mahāṃ asi divās pāyúr duroṇayūḥ ||  
 8.060.20a mā no rākṣa ā veśīd āghrṇīvaso mā yātúr yātumāvātām |  
 8.060.20c parogavyūty ānirām āpa kṣúdhā āgne sédha rakṣasvīnaḥ ||

(670)

- 8.061.01a ubháyaṃ śrṇāvaca ca na índro arvāg idāṃ vācaḥ |  
 8.061.01c satrácyā maghāvā sómapītaye dhiyā śáviṣṭha ā gamat ||  
 8.061.02a tám hí svarājaṃ vṛṣabhāṃ tám ójase dhiṣāṇe niṣṭataksātuḥ |  
 8.061.02c utópamānām prathamó ní ṣīdasi sómakāmaṃ hí te mánah ||  
 8.061.03a ā vṛṣasva purūvaso sutásyendrāndhasaḥ |  
 8.061.03c vidmā hí tvā harivaḥ pṛtsú sāsahím ádhrṣṭam cid dadhrṣvānim ||  
 8.061.04a áprāmisatya maghavan táthéd asad índra krátvā yáthā vásaḥ |  
 8.061.04c sanéma vājaṃ táva śiprinn ávasā makṣú cid yānto adrivaḥ ||  
 8.061.05a śagdhya ū śú śacīpata índra vísvābhir ūtībhiḥ |  
 8.061.05c bhágaṃ ná hí tvā yaśasaṃ vasuvídāṃ ánu sūra cárāmasi ||  
 8.061.06a pauró ásvasya purukṛd gávām asy útso deva hiraṇyāyaḥ |  
 8.061.06c nákir hí dānam parimárdhiṣat tvé yád-yad yāmi tát ā bhara ||  
 8.061.07a tvāṃ hy éhi cérave vidā bhágaṃ vásuttaye |  
 8.061.07c úd vāvṛṣasva maghavan gáviṣṭaya úd indráśvamīṣṭaye ||  
 8.061.08a tvāṃ purú sahásrāṇi śatāni ca yūthā dānāya mamhase |  
 8.061.08c ā puramdarāṃ cakṛma vípravacasa índraṃ gāyantó 'vase ||  
 8.061.09a avipró vā yád ávidhad vípro vendra te vācaḥ |  
 8.061.09c sá prá mamandat tvāyā satakrato prácāmanyó áhamsana ||  
 8.061.10a ugrábāhur mraṁsakṛtvā puramdaró yádi me śrṇāvad dhávam |  
 8.061.10c vasūyávo vásupatiṃ satákratuṃ stómair índraṃ havāmahe ||  
 8.061.11a ná pāpāso manāmahe nārāyāso ná jálhavaḥ |  
 8.061.11c yád ín nv índraṃ vṛṣaṇaṃ sácā suté sákhāyaṃ kṛṇāvāmahai ||  
 8.061.12a ugrāṃ yuyujma pṛtanāsu sāsahím ṛṇákātim ádābhyam |  
 8.061.12c védā bhṛmám cit sánitā rathítamo vājínaṃ yám íd ū násat ||  
 8.061.13a yáta índra bháyāmahe táto no ábhayaṃ kṛdhi |  
 8.061.13c mághavañ chagdhí táva tán na ūtībhir ví dvīṣo ví mīdho jahi ||  
 8.061.14a tvāṃ hí rádhaspate rádhaso maháh kṣáyasyāsi vidhatáḥ |  
 8.061.14c tám tvā vayám maghavann índra girvaṇaḥ sutāvanto havāmahe ||  
 8.061.15a índra spāl utá vṛtrahá paraspā no váreṇyaḥ |  
 8.061.15c sá no rakṣiṣac caramám sá madhyamám sá paścát pātu naḥ puráh ||  
 8.061.16a tvāṃ naḥ paścád adharád uttarát purá índra ní páhi vísvátaḥ |  
 8.061.16c āré asmát kṛṇuhi daívyam bhayám āré hetír ádevīḥ ||  
 8.061.17a adyādya śvāḥ-śva índra trāsva paré ca naḥ |  
 8.061.17c vísvā ca no jaritṛṇ satpate áhā dívā náktam ca rakṣiṣaḥ ||  
 8.061.18a prabhaṅgí sūro maghāvā tuvīmagaḥ sámmitlo viryāya kām |  
 8.061.18c ubhá te bāhú vṛṣaṇā satakrato ní yá vājram mimikṣātuḥ ||

(671)

- 8.062.01a pró asmā úpastutim bháratā yáj jújoṣati |  
8.062.01c ukthair índrasya máhinaṃ váyo vardhanti somíno  
8.062.01e bhadrá índrasya rātáyaḥ ||  
8.062.02a ayujó ásamo nrbhir ékaḥ kṛṣṭír ayáasyaḥ |  
8.062.02c pūrvír áti prá vāvṛdhe víśvā jātāny ójasā  
8.062.02e bhadrá índrasya rātáyaḥ ||  
8.062.03a áhitena cid árvatā jírādānuḥ siṣāsati |  
8.062.03c pravácyaṃ indra tát táva vīryāṇi kariṣyató  
8.062.03e bhadrá índrasya rātáyaḥ ||  
8.062.04a á yāhi kṛṇāvāma ta índra bráhmāṇi vārdhanā |  
8.062.04c yébhīḥ śaviṣṭha cākáno bhadrám ihá śravasyaté  
8.062.04e bhadrá índrasya rātáyaḥ ||  
8.062.05a dhṛṣatás cid dhṛṣán mánaḥ kṛṇóśíndra yát tvám |  
8.062.05c tīvraīḥ sómaiḥ saparyató námobhīḥ pratibhūṣato  
8.062.05e bhadrá índrasya rātáyaḥ ||  
8.062.06a áva caṣṭa řcīṣamo 'vatāṃ iva mánuṣaḥ |  
8.062.06c juṣṭví dáksasya somínaḥ sákhāyaṃ kṛṇute yújam  
8.062.06e bhadrá índrasya rātáyaḥ ||  
8.062.07a víśve ta indra vīryaṃ devā ánu krátuṃ daduḥ |  
8.062.07c bhúvo víśvasya gópatīḥ puruṣtuta bhadrá índrasya rātáyaḥ ||  
8.062.08a grṇé tát indra te śáva upamáṃ devátātaye |  
8.062.08c yád dháṃsi vṛtrám ójasā śacīpate bhadrá índrasya rātáyaḥ ||  
8.062.09a sámaneva vapuṣyatáḥ kṛṇávan mánuṣā yugā |  
8.062.09c vidé tát índraś cétanam ádha śrutó bhadrá índrasya rātáyaḥ ||  
8.062.10a új jātám indra te śáva út tvám út táva krátuṃ |  
8.062.10c bhūriḡo bhūri vāvṛdhur mághavan táva sármaṇi  
8.062.10e bhadrá índrasya rātáyaḥ ||  
8.062.11a ahám ca tvám ca vṛtrahan sám yujyāva sanībhya ā |  
8.062.11c arātívá cid adrivó 'nu nau śūra maṃsate  
8.062.11e bhadrá índrasya rātáyaḥ ||  
8.062.12a satyám íd vā u tám vayám índraṃ stavāma nānṛtam |  
8.062.12c mahāṃ ásuvato vadhó bhūri jyótīṃṣi sunvató  
8.062.12e bhadrá índrasya rātáyaḥ ||

(672)

- 8.063.01a sá pūrvyó mahánāṃ venáḥ krátubhir ānaje |  
8.063.01c yásya dvārā mánuṣ pitá devéṣu dhíya ānaje ||  
8.063.02a divó mánaṃ nót sadan sómapṛṣṭhāso ádrayaḥ |  
8.063.02c ukthá bráhma ca śáṃsyā ||  
8.063.03a sá vidvāṃ ángirobhya índro gā avṛṇod ápa |

- 8.063.03c stuṣé tād asya paúṃsyam ||  
8.063.04a sá pratnáthā kavivṛdhá índro vākásya vakṣáṇiḥ |  
8.063.04c śivó arkásya hómāny asmatrá gantv ávase ||  
8.063.05a ád ū nú te ánu krátuṃ svāhā várasya yájyavaḥ |  
8.063.05c śvātrám arká anūṣaténdra gotrásya dāvāne ||  
8.063.06a índre víśvāni vīryà kṛtāni kártvāni ca |  
8.063.06c yám arká adhvarám vidúḥ ||  
8.063.07a yát pāñcajanya yā viśéndre ghóṣā ásrkṣata |  
8.063.07c ástrṇād barháṇā vipò 'ryó mánasya sá kṣáyah ||  
8.063.08a iyám u te ánuṣtutiś cakṛṣé tāni paúṃsyā |  
8.063.08c právaś cakrásya vartaním ||  
8.063.09a asyá vṛṣṇo vyódana urú kramiṣṭa jīvāse |  
8.063.09c yávam ná paśvá á dade ||  
8.063.10a tād dádhanā avasyávo yuṣmābhir dákṣapitaraḥ |  
8.063.10c syāma marútvato vṛdhé ||  
8.063.11a bálṛtvíyāya dhāmna ṛkvabhiḥ śūra nonumaḥ |  
8.063.11c jéśāmendra tváyā yujá ||  
8.063.12a asmé rudrá mehánā párvatāso vṛtrahátye bhárahūtau sajóṣāḥ |  
8.063.12c yáh sám̐sate stuvaté dhāyi pajrá índrajyeṣṭhā asmāṃ avantu devāḥ ||

(673)

- 8.064.01a út tvā mandantu stómāḥ kṛṇuṣvá rádho adrivaḥ |  
8.064.01c áva brahmadvíṣo jahi ||  
8.064.02a padá pañím̐r arādháso ní bādhasva mahám̐ asi |  
8.064.02c nahí tvā kás caná práti ||  
8.064.03a tvám íśiṣe sutānām índra tvám ásutānām |  
8.064.03c tvám rájā jánānām ||  
8.064.04a éhi préhi kṣáyo divy āghóṣāñ carṣaṇínām |  
8.064.04c óbhé pṛṇāsi ródasī ||  
8.064.05a tyám cit párvataṃ girim̐ śatávantaṃ sahasrínam |  
8.064.05c ví stotṛbhyo ruojitha ||  
8.064.06a vayám u tvā dívā suté vayám náктаṃ havāmahe |  
8.064.06c asmākam̐ kāmam̐ á pṛṇa ||  
8.064.07a kvà syá vṛṣabhó yúvā tuvigrívo ánānataḥ |  
8.064.07c brahmá kás tám̐ saparyati ||  
8.064.08a kásya svit sávanam̐ vṛṣā jujuṣvám̐ áva gachati |  
8.064.08c índram̐ ká u svid á cake ||  
8.064.09a kám̐ te dāná asakṣata vṛtrahan kám̐ suvīryā |  
8.064.09c ukthé ká u svid ántamaḥ ||  
8.064.10a ayám te mánuṣe jáne sómaḥ pūrúsu sūyate |  
8.064.10c tásyéhi prá dravā píba ||  
8.064.11a ayám te śaryañāvati suśómāyām̐ ádhi priyāḥ |  
8.064.11c ārjikīye madíntamaḥ ||

8.064.12a tám adyá rádhase mahé cárum mādāya ghṛṣvaye |  
8.064.12c éhīm indra drāvā píba ||

(674)

8.065.01a yád indra prág ápāg údañ nyàg vā hūyāse nṛbhiḥ |  
8.065.01c á yāhi tūyam āsúbhiḥ ||  
8.065.02a yád vā prasrávaṇe divó mādáyāse svàrṇare |  
8.065.02c yád vā samudré ándhasaḥ ||  
8.065.03a á tvā gīrbhír mahām urúm huvé gām iva bhójase |  
8.065.03c índra sómasya pītáye ||  
8.065.04a á ta indra mahimānaṃ hárayo deva te máhaḥ |  
8.065.04c ráthe vahantu bíbhrataḥ ||  
8.065.05a índra grṇīśá u stuṣé mahām ugrá íśānakít |  
8.065.05c éhi naḥ sutám píba ||  
8.065.06a sutāvantas tvā vayám práyasvanto havāmahe |  
8.065.06c idám no barhír āsáde ||  
8.065.07a yác cid dhí śásvatām ásíndra sádhāraṇas tvám |  
8.065.07c tám tvā vayám havāmahe ||  
8.065.08a idám te somyám mádhv ádhukṣann ádribhir náraḥ |  
8.065.08c juṣāná indra tát píba ||  
8.065.09a vísvām aryó vipaścító 'ti khyas tūyam á gahi |  
8.065.09c asmé dhehi śrávo bṛhát ||  
8.065.10a dātá me pṛṣatīnām rájā hiraṇyavínām |  
8.065.10c má devā maghāvā riṣat ||  
8.065.11a sahásre pṛṣatīnām ádhi ścandrám bṛhát pṛthú |  
8.065.11c śukráṃ hiraṇyam á dade ||  
8.065.12a nápāto durgáhasya me sahásreṇa surádhasaḥ |  
8.065.12c śrávo devéṣv akrata ||

(675)

8.066.01a tárobhir vo vidádvasum índraṃ sabádha útáye |  
8.066.01c bṛhád gāyantaḥ sutásome adhvaré huvé bháram ná kārīṇam ||  
8.066.02a ná yám dudhrá vārante ná sthirá múro máde suśiprám ándhasaḥ |  
8.066.02c yá ádítyā śásamānáya sunvaté dātá jaritrá ukthyām ||  
8.066.03a yáh śakró mṛkśó áśvyo yó vā kíjo hiraṇyáyaḥ |  
8.066.03c sá ūrvásya rejayaty ápāvṛtim índro gávyasya vṛtrahá ||  
8.066.04a níkhātaṃ cid yáh purusambhṛtám vásúd íd vápati dāsúṣe |  
8.066.04c vajrí suśipró háryasva ít karad índraḥ krátvā yáthā vásat ||  
8.066.05a yád vāvántha puruṣtuta purá cic chūra nṛñām |  
8.066.05c vayám tát ta indra sám bharāmasi yajñám ukthám turám vácaḥ ||  
8.066.06a sácā sómeṣu puruhūta vajrivo mādāya dyukṣa somapāḥ |  
8.066.06c tvám íd dhí brahmakṛte kāmyaṃ vásu déṣṭhaḥ sunvaté bhúvaḥ ||  
8.066.07a vavám enam idá hvó 'dīpemehá vairīnam |

- 8.066.07c tásmā u adyá samanā sutám bhará nūnám bhūṣata śruté ||  
8.066.08a vīkaś cid asya vāraṇā urāmáthir ā vayúneṣu bhūṣati |  
8.066.08c sémám na stómaṃ jujuṣāná ā gahíndra prá citráyā dhiyá ||  
8.066.09a kád ū nv àsyākṛtam índrasyāsti paúmsyam |  
8.066.09c kéno nú kaṃ śrómatena ná śúśruve janúṣaḥ pári vṛtrahá ||  
8.066.10a kád ū mahír ádhṛṣṭā asya táviṣṭh kád u vṛtraghnó ástṛtam |  
8.066.10c índro víśvān bekanāṭāñ ahardṛśa utá krátvā pañím̐r abhí ||  
8.066.11a vayám ghā te ápūrvyéndra bráhmāṇi vṛtrahan |  
8.066.11c purūtámāsaḥ puruhūta vajrivo bhṛtīm ná prá bharāmasi ||  
8.066.12a pūrvís cid dhí tvé tuvikūrminn āśáso hávanta indrotáyaḥ |  
8.066.12c tirás cid aryáh sávanā vaso gahi śáviṣṭha śrudhí me hávam ||  
8.066.13a vayám ghā te tvé íd v índra víprā ápi śmasi |  
8.066.13c nahí tvád anyáh puruhūta kás caná mághavann ásti marḍitā ||  
8.066.14a tvám no asyā ámater utá kṣudhò 'bhíśaster áva spr̥dhi |  
8.066.14c tvám na ūtí táva citráyā dhiyá śíkṣā śaciṣṭha gātuvít ||  
8.066.15a sóma íd vaḥ sutó astu kálayo mā bibhītana |  
8.066.15c ápéd eṣá dhvasmāyati svayám ghaiśó ápāyati ||

(676)

- 8.067.01a tyán nú kṣatṛíyāñ áva ādityán yāciṣāmahe |  
8.067.01c sumṛīkām̐ abhíṣṭaye ||  
8.067.02a mitró no áty aṃhatīm vāruṇaḥ paśad aryamā |  
8.067.02c ādityāso yáthā vidúḥ ||  
8.067.03a téṣāṃ hí citráṃ ukthyāṃ vārūtham ásti dāśúṣe |  
8.067.03c ādityānām aram̐kṛte ||  
8.067.04a máhi vo mahatām ávo vāruṇa mītrāryaman |  
8.067.04c ávāmsy ā vṛṇīmahe ||  
8.067.05a jīvān no abhí dhetanā́dityāsaḥ purá háthāt |  
8.067.05c kád dha stha havanaśrutah ||  
8.067.06a yád vaḥ śrāntāya sunvaté vārūtham ásti yác chardíḥ |  
8.067.06c ténā no ádhi vocata ||  
8.067.07a ásti devā aṃhór urv ásti rátnam ánāgasah |  
8.067.07c ádityā ádbhutainasaḥ ||  
8.067.08a mā naḥ sétuḥ siṣed ayám mahé vṛṇaktu nas pári |  
8.067.08c índra íd dhí śrutó vaśí ||  
8.067.09a mā no mṛcā ripūñām̐ vṛjinānām aviṣyavaḥ |  
8.067.09c dévā abhí prá mṛkṣata ||  
8.067.10a utá tvám adite mahy ahám devy úpa bruve |  
8.067.10c sumṛīkām̐ abhíṣṭaye ||  
8.067.11a páṛsi dīné gabhírā āñ úgraputre jíghāmsataḥ |  
8.067.11c mákis tokásya no riṣat ||  
8.067.12a anehó na uruvraja úrūci ví práśartave |  
8.067.12c kṛdhí tokāya jívāse ||

- 8.067.13a yé mürdhānaḥ kṣitīnām ādabdhāsaḥ svāyaśasaḥ |  
 8.067.13c vratā rākṣante adrúhaḥ ||  
 8.067.14a té na āsnó vṛkānām ādityāso mumócata |  
 8.067.14c stenām baddhām ivādite ||  
 8.067.15a ápo śú ṇa iyám sárur ādityā ápa durmatíḥ |  
 8.067.15c asmád etv ájaghnusī ||  
 8.067.16a śásvad dhí vaḥ sudānava ādityā ūtíbhīr vayám |  
 8.067.16c purā nūnām bubhujmáhe ||  
 8.067.17a śásvantam hí pracetasah pratiyántam cid énasah |  
 8.067.17c dévāḥ kṛṇuthá jīváse ||  
 8.067.18a tát sú no návyam sánýasa ādityā yán múmocati |  
 8.067.18c bandhād baddhām ivādite ||  
 8.067.19a nāsmākam asti tát tára ādityāso atiškāde |  
 8.067.19c yūyám asmābhyam mṛlata ||  
 8.067.20a mǎ no hetír vivásvata ādityāḥ kṛtrímā sáruḥ |  
 8.067.20c purā nú jaráso vadhīt ||  
 8.067.21a ví śú dvéšo vy àṃhatím ādityāso ví sámhitam |  
 8.067.21c víṣvag ví vṛhata rápaḥ ||

(677)

- 8.068.01a á tvā rátham yáthotáye sumnáya vartayāmasi |  
 8.068.01c tuvikūrmím ṛtīśáham índra śáviṣṭha sátpate ||  
 8.068.02a túviśuṣma túvikrato śácīvo vísvayā mate |  
 8.068.02c á paprātha mahitvanā ||  
 8.068.03a yásya te mahinā maháḥ pári jmāyántam īyátuḥ |  
 8.068.03c hástā vájram hiraṇyáyam ||  
 8.068.04a víśvānarasya vas pátim ánānatasya śávasah |  
 8.068.04c évaiś ca carṣaṇīnām ūtí huve ráthānām ||  
 8.068.05a abhīṣṭaye sadāvṛdham svārmīḥeṣu yám nárah |  
 8.068.05c nānā hávanta ūtáye ||  
 8.068.06a parómātram ícīṣamam índram ugrám surádhasam |  
 8.068.06c íśānam cid vásūnām ||  
 8.068.07a tám-tam íd rádhase mahá índram codāmi pītáye |  
 8.068.07c yáḥ pūrvyám ánuṣṭutim íše kṛṣṭīnām nṛtúḥ ||  
 8.068.08a ná yásya te śavasāna sakhyám ānámśa mártyaḥ |  
 8.068.08c nákiḥ śávāmsi te násat ||  
 8.068.09a tvótāsas tvá yujápsú sūrye mahád dhānam |  
 8.068.09c jáyema pṛtsú vajrivaḥ ||  
 8.068.10a tám tvā yajñébhīr ímahe tám gīrbhír girvaṇastama |  
 8.068.10c índra yáthā cid ávitha vājeṣu purumáyyam ||  
 8.068.11a yásya te svādú sakhyám svādví práñītir adrivaḥ |  
 8.068.11c yajñó vitantasáyyaḥ ||  
 8.068.12a urú ṇas tanvè tána urú kṣáyāya nas kṛdhi |  
 8.068.12c urú no vandhi īiváse ||

- 8.068.13a urúm n̄rbhya urúm gáva urúm ráthāya pánthām |  
 8.068.13c devávītim manāmahe ||  
 8.068.14a úpa mā śaḍ dvā-dvā nárah sómasya hársyā |  
 8.068.14c tíṣṭhanti svādurātáyaḥ ||  
 8.068.15a r̄jrāv indrotá á dade hári řksasya sūnávi |  
 8.068.15c āsvamedhásya róhitā ||  
 8.068.16a suráthāṁ ātithigvé svabhīsúṁr ārkṣé |  
 8.068.16c āsvamedhé supésasaḥ ||  
 8.068.17a śál ásvāṁ ātithigvá indroté vadhúmataḥ |  
 8.068.17c sácā pūtákratau sanam ||  
 8.068.18a aīṣu cetad vřṣaṇvaty antár r̄jréṣv áruṣī |  
 8.068.18c svabhīsúḥ kásāvatī ||  
 8.068.19a ná yuṣmé vājabandhavo ninitsús caná mártyaḥ |  
 8.068.19c avadyám ádhi dīdharat ||

(678)

- 8.069.01a prá-pra vas triṣṭúbham íṣam mandádvīrāyéndave |  
 8.069.01c dhiyā vo medhásātaye púramdhyā vivāsati ||  
 8.069.02a nadám va ódatīnām nadám yóyuvatīnām |  
 8.069.02c pátim vo ághnyānām dhenūnām išudhyasi ||  
 8.069.03a tā asya sūdadohasaḥ sómam śrīnanti přśnayaḥ |  
 8.069.03c jánman devānām vísas triṣv á rocané diváh ||  
 8.069.04a abhí prá gópatim giréndram arca yáthā vidé |  
 8.069.04c sūnúm satyásya sátpatim ||  
 8.069.05a á hárayaḥ sasr̄jiré 'ruṣīr ádhi barhīṣi |  
 8.069.05c yátrābhí samnāvāmahe ||  
 8.069.06a índrāya gáva āsírām duduhré vajrīṇe mádhu |  
 8.069.06c yát sīm upahvaré vidát ||  
 8.069.07a úd yád bradhnásya viṣṭápaṁ gr̄hám índraś ca gánvahi |  
 8.069.07c mádhvaḥ pītṵvā sacevahi trīḥ saptá sákhyuḥ padé ||  
 8.069.08a árcata pr̄rcata príyamedhāso árcata |  
 8.069.08c árcantu putrakā utá púram ná dhr̄ṣṇv àrcata ||  
 8.069.09a áva svarāti gárgaro godhá pári saniṣvaṇat |  
 8.069.09c píngā pári canīskadad índrāya bráhmódyatam ||  
 8.069.10a á yát pátanty enyàḥ sudúghā ánapasphuraḥ |  
 8.069.10c apasphúram gr̄bhāyata sómam índrāya pátave ||  
 8.069.11a ápād índro ápād agnír vísve devā amatsata |  
 8.069.11c váruṇa íd ihá kṣayat tám ápo abhy ànūṣata vatsám samśísvarīr iva ||  
 8.069.12a sudevó asi varuṇa yásya te saptá síndhavaḥ |  
 8.069.12c anuṣáranti kākúdam sūrmyām susirām iva ||  
 8.069.13a yó vyátīṁr áphāṇayat súyuktām úpa dāsúṣe |  
 8.069.13c takvó netá tád íd vápur upamá yó ámucyata ||  
 8.069.14a átíd u śakrá ohata índro vísṵvā áti dvīṣaḥ |

- 8.069.14c bhinát kanína odanám pacyámānam paró girá ||  
 8.069.15a arbhakó ná kumārakó 'dhi tiṣṭhan návaṃ rátham |  
 8.069.15c sá pakṣan mahiṣám mrgám pitré mātṛé vibhukrátum ||  
 8.069.16a á tú suśipra dampate rátham tiṣṭhā hiranyáyam |  
 8.069.16c ádha dyukṣám sacevahi sahásrapādam aruṣám svastigām anehásam ||  
 8.069.17a tám ghem itthá namasvína úpa svarájam āsate |  
 8.069.17c ártham cid asya súdhitam yád étava āvartáyanti dāvāne ||  
 8.069.18a ánu pratnányaúkasah priyámedhāsa eṣām |  
 8.069.18c pūrvām ánu práyatim vṛktábarhiṣo hitáprayasa āsata ||

(679)

- 8.070.01a yó rájā carṣaṇínām yātā ráthebhir ádhriguḥ |  
 8.070.01c vísvāsām tarutá pṛtanānām jyéṣṭho yó vṛtrahá grṇé ||  
 8.070.02a índram tám śumbha puruhanmann ávase yásya dvitá vidhartári |  
 8.070.02c hástāya vájraḥ práti dhāyi darśató mahó divé ná sūryaḥ ||  
 8.070.03a nákiṣ tám kármaṇā naśad yás cakāra sadāvṛdham |  
 8.070.03c índram ná yajñair vísvágūrtam ṛbhvasam ádhrṣṭam dhrṣṇvòjasam ||  
 8.070.04a áśāḥham ugrám pṛtanāsu sāsahim yásmin mahír urujráyaḥ |  
 8.070.04c sám dhenávo jáyamāne anonavur dyávaḥ kṣámo anonavuh ||  
 8.070.05a yád dyáva indra te śatám śatám bhūmīr utá syúḥ |  
 8.070.05c ná tvā vajrin sahásraṃ sūryā ánu ná jātám aṣṭa ródasī ||  
 8.070.06a á paprātha mahinā vṛṣṇyā vṛṣan vísvā śaviṣṭha śávasā |  
 8.070.06c asmāñ ava maghavan gómati vrajé vájriñ citrábhir utíbhiḥ ||  
 8.070.07a ná sīm ádeva āpad íṣam dírgḥāyo mártyaḥ |  
 8.070.07c étagvā cid yá étaśā yuyójate hárī índro yuyójate ||  
 8.070.08a tám vo mahó mahāyyam índram dānāya sakṣānim |  
 8.070.08c yó gādhēsu yá āraṇēsu hávyo vájeṣv ásti hávyah ||  
 8.070.09a úd ū śú ṇo vaso mahé mṛśásva sūra rádhase |  
 8.070.09c úd ū śú mahyaí maghavan maghāttaya úd indra śrávase mahé ||  
 8.070.10a tvám na indra ṛtayús tvānido ní tṛmpasi |  
 8.070.10c mádhye vasiṣva tuvīrmṇorvór ní dāsám śísatho háthaiḥ ||  
 8.070.11a anyāvratam amānuṣam áyajvānam ádevayum |  
 8.070.11c áva sváh sákhā dudhuvīta párvataḥ sughnāya dásyum párvataḥ ||  
 8.070.12a tvám na indrásām háste śaviṣṭha dāvāne |  
 8.070.12c dhānānām ná sám grbhāyāsmayúr dvīḥ sám grbhāyāsmayúḥ ||  
 8.070.13a sákhāyaḥ krátum ichata kathá rádhāma śarásya |  
 8.070.13c úpastutim bhojáḥ sūrír yó áhrayaḥ ||  
 8.070.14a bhūribhiḥ samaha řṣibhir barhíṣmadbhi stavísyase |  
 8.070.14c yád itthám ékam-ekam íc chára vatsán parádadaḥ ||  
 8.070.15a karṇagrīhyā maghāvā śauradevyó vatsám nas tribhyá ānayat |  
 8.070.15c ajám sūrír ná dhātave ||



(680)

- 8.071.01a tvám no agne máhobhiḥ pāhí vísvasyā árāteḥ |  
8.071.01c utá dviṣó mártasya ||  
8.071.02a nahí manyúḥ paúruṣeya íse hí vaḥ priyajāta |  
8.071.02c tvám íd asi kṣápāvān ||  
8.071.03a sá no víśvebhir devébhīr ūrjo napād bhádraśoce |  
8.071.03c rayīm dehi víśvāvāram ||  
8.071.04a ná tám agne árātayo mártam yuvanta rāyāḥ |  
8.071.04c yám trāyase dāśvāmsam ||  
8.071.05a yám tvám vipra medhásātāv ágne hinóṣi dhánāya |  
8.071.05c sá távotí góṣu gántā ||  
8.071.06a tvám rayīm puruvīram ágne dāsúṣe mártāya |  
8.071.06c prá ṇo naya vásyo ácha ||  
8.071.07a uruṣyā ṇo má párá dā aghāyaté jātavedaḥ |  
8.071.07c durādhyè mártāya ||  
8.071.08a ágne mákiṣ te devásya rātīm ádevo yuyota |  
8.071.08c tvám íśiṣe vásūnām ||  
8.071.09a sá no vásva úpa māsya ūrjo napān māhinasya |  
8.071.09c sákhe vaso jaritṛbhyah ||  
8.071.10a áchā naḥ śírásociṣam gíro yantu darśatám |  
8.071.10c áchā yajñāso námasā purúvāsum purupraśastám ūtāye ||  
8.071.11a agnīm sūnūm sáhaso jātavedasaṃ dānāya vāryāṇām |  
8.071.11c dvitā yó bhūd amṛto mártyeṣv á hótā mandrátamo viśí ||  
8.071.12a agnīm vo devayajyáyāgnīm prayaty àdhvaré |  
8.071.12c agnīm dhīśú prathamám agnīm árvaty agnīm kṣaítrāya sádhasē ||  
8.071.13a agnír iṣām sakhyé dadātu na íse yó vāryāṇām |  
8.071.13c agnīm toké tánaye śásvad ímahe vásuṃ sántam tanūpām ||  
8.071.14a agnīm īliṣvāvase gāthābhiḥ śírásociṣam |  
8.071.14c agnīm rāyé purumīḥa śrutām náro 'gnīm sudítāye chardīḥ ||  
8.071.15a agnīm dvéṣo yótavaí no grṇīmasy agnīm sám yós ca dátave |  
8.071.15c vísvāsu vikṣv àvitéva hávyo bhúvad vástur ṛṣūṇām ||

(681)

- 8.072.01a havíṣ kṛṇudhvam á gamad adhvaryúr vanate púnah |  
8.072.01c vidvám̐ asya praśásanam ||  
8.072.02a ní tigám̐ abhy àṃśúṃ sídad dhótā manāv ádhi |  
8.072.02c juṣāṇó asya sakhyám ||  
8.072.03a antár ichanti tám jáne rudrám paró manīśáyā |  
8.072.03c gr̥bhṇánti jihváyā sasám ||  
8.072.04a jāmy àtítape dhánur vayodhá aruhad vānam |  
8.072.04c dṛṣádam̐ jihváyāvadhīt ||  
8.072.05a cāran vatsó rúsann ihá nidātāram ná vindate |  
8.072.05c véti stótava ambyām ||  
8.072.06a utó nv àsya yán mahád áśvāvad vójanam brhád |

- 8.072.06c dāmā ráthasya dádr̥ṣe ||  
8.072.07a duhánti saptaikām úpa dvā páñca srjataḥ |  
8.072.07c tīrthé síndhor ádhi svaré ||  
8.072.08a á daśábhīr vivásvata índraḥ kósam acucyavīt |  
8.072.08c khédayā trivṛtā divāḥ ||  
8.072.09a pári tridhātur adhvarám jūrñír eti návīyasī |  
8.072.09c mádhvā hótāro añjate ||  
8.072.10a siñcánti námasāvatám uccācakram párijmānam |  
8.072.10c nīcínabāram ákṣitam ||  
8.072.11a abhyāram íd ádrayo níṣiktam púṣkare mádhu |  
8.072.11c avatásya visárjane ||  
8.072.12a gāva úpāvatāvatám mahí yajñásya rapsúdā |  
8.072.12c ubhá kárṇā hiraṇyáya ||  
8.072.13a á suté siñcata śríyaṃ ródasyor abhiśríyam |  
8.072.13c rasá dadhīta vṛṣabhám ||  
8.072.14a té jānata svám okyám sám vatsāso ná mātṛbhiḥ |  
8.072.14c mithó nasanta jāmbhiḥ ||  
8.072.15a úpa srákveṣu bāpsataḥ kṛṇvaté dharúṇaṃ diví |  
8.072.15c índre agná námaḥ svāḥ ||  
8.072.16a ádhuṣat pipyúṣīm ísam úrjaṃ saptápadīm aríḥ |  
8.072.16c sūryasya saptá raśmībhiḥ ||  
8.072.17a sómasya mitrāvaruṇóditā sūra á dade |  
8.072.17c tád áturasya bheṣajám ||  
8.072.18a utó nv àsya yát padám haryatásya nidhānyam |  
8.072.18c pári dyám jihváyātanat ||

(682)

- 8.073.01a úd írāthām ṛtāyaté yuñjāthām ásvinā rátham |  
8.073.01c ánti śád bhūtu vām ávaḥ ||  
8.073.02a nimíṣaś cij jávīyasā ráthená yātam ásvinā |  
8.073.02c ánti śád bhūtu vām ávaḥ ||  
8.073.03a úpa strñītam átraye hiména gharmám ásvinā |  
8.073.03c ánti śád bhūtu vām ávaḥ ||  
8.073.04a kúha sthaḥ kúha jagmathuḥ kúha śyenéva petathuḥ |  
8.073.04c ánti śád bhūtu vām ávaḥ ||  
8.073.05a yád adyá kárhi kárhi cic chuśrūyátam imóḥ hávam |  
8.073.05c ánti śád bhūtu vām ávaḥ ||  
8.073.06a ásvinā yāmahútamā nédiṣṭham yāmy ápyam |  
8.073.06c ánti śád bhūtu vām ávaḥ ||  
8.073.07a ávantam átraye grhám kṛṇutám yuvám ásvinā |  
8.073.07c ánti śád bhūtu vām ávaḥ ||  
8.073.08a vārethe agním átápo vádate valgv átraye |  
8.073.08c ánti śád bhūtu vām ávaḥ ||

- 8.073.09a prá saptávdhrir āśāsā dhārām agnér aśāyata |  
 8.073.09c ánti śád bhūtu vām ávaḥ ||  
 8.073.10a ihā gatam vṛṣaṇvasū śṛṇutám ma imám hávam |  
 8.073.10c ánti śád bhūtu vām ávaḥ ||  
 8.073.11a kím idám vām purāṇaváj járator iva śasyate |  
 8.073.11c ánti śád bhūtu vām ávaḥ ||  
 8.073.12a samānám vām saajātyam samānó bándhur aśvinā |  
 8.073.12c ánti śád bhūtu vām ávaḥ ||  
 8.073.13a yó vām rájāmsy aśvinā rátho viyāti ródasī |  
 8.073.13c ánti śád bhūtu vām ávaḥ ||  
 8.073.14a á no gávyebhir aśvyaiḥ sahasrair úpa gachatam |  
 8.073.14c ánti śád bhūtu vām ávaḥ ||  
 8.073.15a má no gávyebhir aśvyaiḥ sahasrebhir áti khyatam |  
 8.073.15c ánti śád bhūtu vām ávaḥ ||  
 8.073.16a aruṇápsur uśá abhūd ákar jyótir ṛtāvarī |  
 8.073.16c ánti śád bhūtu vām ávaḥ ||  
 8.073.17a aśvinā sú vicākaśad vṛkṣám paraśumām̐ iva |  
 8.073.17c ánti śád bhūtu vām ávaḥ ||  
 8.073.18a púram ná dhr̥ṣṇav á ruja kṛṣṇáyā bādhitó viśá |  
 8.073.18c ánti śád bhūtu vām ávaḥ ||

(683)

- 8.074.01a viśó-viśo vo átithim vājayántaḥ purupriyám |  
 8.074.01c agním vo dúryam váca stuśé sūśásya mánmabhiḥ ||  
 8.074.02a yám jánāso havíṣmanto mitráṃ ná sarpírāsutim |  
 8.074.02c prasāmsanti prasastibhiḥ ||  
 8.074.03a pányāmsam jātāvedasam yó devātāty údyatā |  
 8.074.03c havyāny aīrayat diví ||  
 8.074.04a āganma vṛtrahántamam jyéṣṭham agním ānavam |  
 8.074.04c yásya śrutārvā brhānn ārkṣó ánīka éd hate ||  
 8.074.05a amṛtam jātāvedasam tirás támāmsi darśatám |  
 8.074.05c ghr̥tāhavanam ídyam ||  
 8.074.06a sabādho yám jánā imè 'gnim havyébhir īlate |  
 8.074.06c júhvānāso yatásrucaḥ ||  
 8.074.07a iyám te návyasī matír āgne ádhāyy asmád á |  
 8.074.07c mándra sújāta súkrató 'mūra dāsmātithe ||  
 8.074.08a sá te agne sám tamā cāniṣṭhā bhavatu priyā |  
 8.074.08c táyā vardhasva súṣtutaḥ ||  
 8.074.09a sá dyumnaír dyumnīnī brhád úpopa śrávasi śrávaḥ |  
 8.074.09c dádhīta vṛtratūrye ||  
 8.074.10a áśvam íd gām rathaprām tveśám índram ná sátpatim |  
 8.074.10c yásya śrávāmsi túrvatha panyam-panyam ca kṛṣṭáyah ||  
 8.074.11a yám tvā gopávano girá cāniṣṭhad agne āngiraḥ |  
 8.074.11c sá nāvaka śrudhī hávam ||

- 8.074.12a yám tvā jánāsa īlate sabādho vājasātaye |  
 8.074.12c sá bodhi vṛtratūrye ||  
 8.074.13a ahám huvāná ārkṣé śrutárvaṇi madacyúti |  
 8.074.13c śárdhāmsīva stukāvínām mṛkṣā śīrṣā caturṇám ||  
 8.074.14a mām catvāra āśávaḥ śáviṣṭhasya dravitnávaḥ |  
 8.074.14c suráthāso abhí práyo vākṣan váyo ná túgryam ||  
 8.074.15a satyám ít tvā mahenadi páruṣṇy áva dedísam |  
 8.074.15c ném āpo aśvadātarah śáviṣṭhād asti mártyaḥ ||

(684)

- 8.075.01a yukṣvā hí devahútamāṃ áśvāṃ agne rathír iva |  
 8.075.01c ní hótā pūrvyāḥ sadaḥ ||  
 8.075.02a utá no deva devāṃ áchā voco vidúṣṭarah |  
 8.075.02c śrād vísvā vāryā kṛdhi ||  
 8.075.03a tvám ha yád yaviṣṭhya sáhasaḥ sūnav āhuta |  
 8.075.03c ṛtāvā yajñīyo bhúvaḥ ||  
 8.075.04a ayám agníḥ sahasríṇo vājasya śatínas pátiḥ |  
 8.075.04c mūrdhā kaví rayīnām ||  
 8.075.05a tám nemím ṛbhávo yathá namasva sáhūtibhiḥ |  
 8.075.05c nédiyo yajñám aṅgiraḥ ||  
 8.075.06a tásmāi nūnám abhídyave vácā virūpa nítyayā |  
 8.075.06c víṣṇe codasva suṣṭutím ||  
 8.075.07a kám u ṣvid asya sénayāgnér ápākacakṣasaḥ |  
 8.075.07c pañim góṣu starāmahe ||  
 8.075.08a má no devānām vísaḥ prasnātír ivosrāḥ |  
 8.075.08c kṛśám ná hāsur ághnyāḥ ||  
 8.075.09a má naḥ samasya dūḍhyaḥ páridveṣaso aṃhatīḥ |  
 8.075.09c ūmír ná nāvam á vadhīt ||  
 8.075.10a námas te agna ójase grṇánti deva kṛṣṭáyaḥ |  
 8.075.10c ámair amítram ardaya ||  
 8.075.11a kuvít sú no gáviṣṭayé 'gne samvéṣiṣo rayím |  
 8.075.11c úrukṛd urú ṇas kṛdhi ||  
 8.075.12a má no asmín mahādhané párā varg bhārabhíd yathā |  
 8.075.12c samvārgam sám rayím jaya ||  
 8.075.13a anyám asmád bhiyā iyám ágne síṣaktu duchúnā |  
 8.075.13c vārdhā no ámavac chávaḥ ||  
 8.075.14a yásyājuṣan namasvínaḥ sámīm ádurmakhasya vā |  
 8.075.14c tám ghéd agnír vṛdhāvati ||  
 8.075.15a párasya ádhi samvátó 'varāṃ abhy á tara |  
 8.075.15c yátrāhám ásmi táṃ ava ||  
 8.075.16a vidmá hí te purá vayám ágne pitúr yáthávasaḥ |  
 8.075.16c ádhā te sumnám īmahe ||

(685)

- 8.076.01a imám nú mājínaṃ huva índram íśānam ójasā |  
8.076.01c marútvantaṃ ná vṛñjāse ||  
8.076.02a ayám índro marútsakhā ví vṛtrāsyaābhinac chíraḥ |  
8.076.02c vājreṇa śatáparvaṇā ||  
8.076.03a vāvṛdhānó marútsakhéndro ví vṛtrám airayat |  
8.076.03c srjān samudrīyā apāḥ ||  
8.076.04a ayám ha yéna vā idám svār marútvatā jitám |  
8.076.04c índreṇa sómapītaye ||  
8.076.05a marútvantaṃ rjīśīṇam ójasvantaṃ virapśīnam |  
8.076.05c índraṃ gīrbhír havāmahe ||  
8.076.06a índram pratnéna mánmanā marútvantaṃ havāmahe |  
8.076.06c asyá sómasya pītāye ||  
8.076.07a marútvāṃś indra mīḍhvaḥ píbā sómaṃ śatakrato |  
8.076.07c asmín yajñé puruṣṭuta ||  
8.076.08a túbhyéd indra marútvate sutāḥ sómāso adrivaḥ |  
8.076.08c hṛdá hūyanta ukthínaḥ ||  
8.076.09a píbéd indra marútsakhā sutám sómaṃ díviṣṭiṣu |  
8.076.09c vājraṃ śísāna ójasā ||  
8.076.10a uttíṣṭhann ójasā sahá pītvī śípre avepayah |  
8.076.10c sómam indra camū sutám ||  
8.076.11a ānu tvā ródasī ubhé krákṣamaṇam akr̥petām |  
8.076.11c índra yád dasyuhābhavaḥ ||  
8.076.12a vācam aṣṭāpadīm ahám návasraktim ṛtaspr̥śam |  
8.076.12c índrāt pári tanvām mame ||

(686)

- 8.077.01a jajñānó nú śatákratur ví pṛchad íti mātáram |  
8.077.01c ká ugrāḥ ké ha śṛṇvire ||  
8.077.02a ád im̐ śavasy àbravíd aurṇavābhám ahīśúvam |  
8.077.02c té putra santu niṣṭúraḥ ||  
8.077.03a sám ít tán vṛtrahákhidat khé arāṃś iva khédayā |  
8.077.03c právṛddho dasyuhābhavat ||  
8.077.04a ékayā pratidhāpibat sākāṃ sārāṃsi triṃśátam |  
8.077.04c índraḥ sómasya kāṇukā ||  
8.077.05a abhí gandharvám atṛṇad abudhnéṣu rájassv ā |  
8.077.05c índro brahmábhya íd vṛdhé ||  
8.077.06a nír āvidhyad girībhya á dhārāyat pakvām odanám |  
8.077.06c índro bundám svātataṃ ||  
8.077.07a śatábradhna íṣus táva sahásraparṇa éka ít |  
8.077.07c yám indra cakṛṣé yújam ||  
8.077.08a téna stotībhya á bhara nībhyo nāribhyo áttave |  
8.077.08c sadvó iātá rbhusṭhira ||

- 8.077.09a etá cyautnāni te kṛtā várṣiṣṭhāni párīṇasā |  
 8.077.09c hṛdā vīdv ādhārayaḥ ||  
 8.077.10a vísvét tã víṣṇur ābharad urukramás tvéṣitaḥ |  
 8.077.10c śatám mahiṣān kṣīrapākám odanáṃ varāhám índra emuṣám ||  
 8.077.11a tuvikṣám te súkṛtaṃ sūmáyaṃ dhánuḥ sādḥúr bundó hiranyáyaḥ |  
 8.077.11c ubhá te bāhú ránya súsamskrta ṛdūpé cid ṛdūvṛdhā ||

(687)

- 8.078.01a puroḷásam no ándhasa índra sahástram á bhara |  
 8.078.01c śatá ca śūra gónām ||  
 8.078.02a á no bhara vyāñjanam gām áśvam abhyāñjanam |  
 8.078.02c sácā manā hiraṇyáyā ||  
 8.078.03a utá naḥ karṇasóbhanā purūṇi dhr̥ṣṇav á bhara |  
 8.078.03c tvám hí śṛṇviṣé vaso ||  
 8.078.04a nákīṃ vṛdhíká índra te ná suṣá ná sudá utá |  
 8.078.04c nānyás tvác chūra vāghatāḥ ||  
 8.078.05a nákīṃ índro níkartave ná śakráḥ páriśaktave |  
 8.078.05c vísvam śṛṇoti páśyati ||  
 8.078.06a sá manyúm mártyanām ádabdho ní cikīṣate |  
 8.078.06c purá nidás cikīṣate ||  
 8.078.07a krátva ít pūrṇám udáram turásyāsti vidhatāḥ |  
 8.078.07c vṛtraghnāḥ somapāvnaḥ ||  
 8.078.08a tvé vásūni sámgatā vísvā ca soma saúbhagā |  
 8.078.08c sudātv áparihvṛtā ||  
 8.078.09a tvám íd yavayúr máma kāmo gavyúr hiraṇyayúḥ |  
 8.078.09c tvám ásvayúr éṣate ||  
 8.078.10a távéd indráhám āśásā háste dátraṃ canā dade |  
 8.078.10c dinásya vā maghavan sámbhṛtasya vā pūrdhí yávasya kāsínā ||

(688)

- 8.079.01a ayám kṛtnúr ágrbhīto vísvajíd udbhíd ít sómaḥ |  
 8.079.01c řṣir vípraḥ kávyena ||  
 8.079.02a abhy ūṛṇoti yán nagnám bhiṣákti vísvam yát turám |  
 8.079.02c prém andháḥ khyan níḥ śronó bhūt ||  
 8.079.03a tvám soma tanūkṛdbhyo dvéśobhyo 'nyákr̥tebhyaḥ |  
 8.079.03c urú yantási várūtham ||  
 8.079.04a tvám cittí táva dáksair divá á pṛthivyá řjṣin |  
 8.079.04c yāvīr aghásya cid dvéśaḥ ||  
 8.079.05a arthíno yánti céd ártham gáchān íd dadúšo rātím |  
 8.079.05c vavṛjyús tṛṣyataḥ kāmam ||  
 8.079.06a vidád yát pūrvyám naṣtám úd īm řtāyúm īrayat |  
 8.079.06c prém áyus tāríd átīṇam ||

- 8.079.07a suśévo no mṛḷayā́kur ádr̥ptakratur avātáḥ |  
 8.079.07c bhávā naḥ soma sám̐ hṛdé ||  
 8.079.08a má naḥ soma sám̐ vīvijo má ví bībhiṣathā rājan |  
 8.079.08c má no hárdi tviṣā vadhiḥ ||  
 8.079.09a áva yát své sadhásthe devā́nām durmatír íkṣe |  
 8.079.09c rájann ápa dvīṣaḥ sedha mīḍhvo ápa srídhaḥ sedha ||

(689)

- 8.080.01a nahy ànyám baḷākaram marḍitāram śatakrato |  
 8.080.01c tvám na indra mṛḷaya ||  
 8.080.02a yó naḥ śásvat purāvithāmṛdhro vājasātaye |  
 8.080.02c sá tvám na indra mṛḷaya ||  
 8.080.03a kím anḡá radhracódanaḥ sunvā́nasyāvitéd asi |  
 8.080.03c kuvít sv çndra naḥ śákaḥ ||  
 8.080.04a índra prá ṇo rátham ava paścác cit sántam adrivaḥ |  
 8.080.04c purástād enam me kṛdhi ||  
 8.080.05a hánto nú kím āsase prathamám no rátham kṛdhi |  
 8.080.05c upamám vājayú śrávaḥ ||  
 8.080.06a ávā no vājayúṃ rátham sukáram te kím ít pári |  
 8.080.06c asmán sú jigyúṣas kṛdhi ||  
 8.080.07a índra dṛhyasva pūr asi bhadrā ta eti niṣkṛtám |  
 8.080.07c iyám dhír ṛtvíyāvati ||  
 8.080.08a má sīm avadyá ā bhāg urvī kāṣṭhā hitám dhánam |  
 8.080.08c apāvṛktā aratnáyaḥ ||  
 8.080.09a turíyam náma yajñíyam yadá káras tát uśmasi |  
 8.080.09c ád ít pátir na ohase ||  
 8.080.10a ávīvr̥had vo amṛtā āmandīd ekadyūr devā utá yás ca devīḥ |  
 8.080.10c tásmā u rádhaḥ kṛṇuta praśastám prātár makṣū dhiyāvasur jagamyāt ||

(690)

- 8.081.01a ā tú na indra kṣumántam citráṃ grābhám sám̐ grbhāya |  
 8.081.01c mahāhastī dáksīṇena ||  
 8.081.02a vidmá hí tvā tuvikūrmím̐ tuvídeṣṇam̐ tuvímagham |  
 8.081.02c tuvimātrám ávobhiḥ ||  
 8.081.03a nahí tvā śūra devā ná mártāso dítsantam |  
 8.081.03c bhīmám ná gām̐ vārāyante ||  
 8.081.04a éto nv índram̐ stāvāmésānam̐ vásvaḥ svarājam |  
 8.081.04c ná rádhasā mardhiṣan naḥ ||  
 8.081.05a prá stoṣad úpa gāsiṣac chrávat sáma gīyámānam |  
 8.081.05c abhí rádhasā jugurat ||  
 8.081.06a ā no bhara dáksīṇenābhí savyéna prá mṛṣa |  
 8.081.06c índra má no vásor nír bhāk ||

- 8.081.07a úpa kramasvā bhara dhr̥ṣatā dhr̥ṣṇo jánānām |  
 8.081.07c ádāsūṣṭarasya védaḥ ||  
 8.081.08a índra yá u nú te ásti vājō víprebhiḥ sánitvaḥ |  
 8.081.08c asmābhiḥ sú tám sanuhi ||  
 8.081.09a sadyojúvas te vājā asmábhyaṃ viśváścandrāḥ |  
 8.081.09c vásais ca makṣū jarante ||

(691)

- 8.082.01a ā prá drava parāváto 'rvāvátas ca vṛtrahan |  
 8.082.01c mádhvaḥ práti prābharmaṇi ||  
 8.082.02a tīvrāḥ sómāsa ā gahi sutāso mādayiṣṇávaḥ |  
 8.082.02c pībā dadhīg yáthociṣé ||  
 8.082.03a iṣā mandasvād u té 'raṃ várāya manyáve |  
 8.082.03c bhúvat ta indra sám hṛdé ||  
 8.082.04a ā tv àśatrav ā gahi ny ókthāni ca hūyase |  
 8.082.04c upamé rocané divāḥ ||  
 8.082.05a túbhyāyám ádribhiḥ sutó góbhiḥ śrītó mādāya kám |  
 8.082.05c prá sóma indra hūyate ||  
 8.082.06a índra śrudhí sú me hávam asmé sutásya gómataḥ |  
 8.082.06c ví pītīm trptīm ásnuhi ||  
 8.082.07a yá indra camaséṣv ā sómas camūṣu te sutāḥ |  
 8.082.07c pībéd asya tvám īśiṣe ||  
 8.082.08a yó apsú candrāmā iva sómas camūṣu dádṛṣe |  
 8.082.08c pībéd asya tvám īśiṣe ||  
 8.082.09a yám te śyenāḥ padābharat tiró rájāṃsy áspṛtam |  
 8.082.09c pībéd asya tvám īśiṣe ||

(692)

- 8.083.01a devānām íd ávo mahát tát ā vṛṇīmahe vayám |  
 8.083.01c víṣṇām asmábhyam ūtáye ||  
 8.083.02a té naḥ santu yújaḥ sádā váruṇo mitró aryamā |  
 8.083.02c vṛdhāsaś ca prácetasah ||  
 8.083.03a áti no viṣpitā purú naubhír apó ná parṣatha |  
 8.083.03c yūyám ṛtásya rathyaḥ ||  
 8.083.04a vāmám no astv aryaman vāmám varuṇa śámṣyam |  
 8.083.04c vāmám hy āvṛṇīmáhe ||  
 8.083.05a vāmásya hí pracetasa íśānāso riśādasah |  
 8.083.05c ném ādityā aghásya yát ||  
 8.083.06a vayám íd vaḥ sudānavaḥ kṣiyánto yánto ádhvann ā |  
 8.083.06c dévā vṛdhāya hūmahe ||  
 8.083.07a ádhi na indraiṣām víṣṇo saajātyānām |  
 8.083.07c itā máruto áśvinā ||



- 8.083.08a prá bhrāṭṛtvam sudānavó 'dha dvitā samānyā |  
8.083.08c mātúr gārbhe bharāmahe ||  
8.083.09a yūyām hí ṣṭhā sudānava índrajyeṣṭhā abhídyavaḥ |  
8.083.09c ádhā cid va utá bruve ||

(693)

- 8.084.01a préṣṭham vo átithim stuṣé mitráṃ iva priyám |  
8.084.01c agním rátham ná védyam ||  
8.084.02a kavím iva prácetasam yám devāso ádha dvitā |  
8.084.02c ní mártyeṣv ādadhúḥ ||  
8.084.03a tvám yaviṣṭha dāsúṣo nṛmḥ páhi śṛṇudhí gíraḥ |  
8.084.03c rákṣā tokám utá tmánā ||  
8.084.04a káyā te agne aṅgira ūrjo napād úpastutim |  
8.084.04c várāya deva manyáve ||  
8.084.05a dāsēma kásya mánasā yajñásya sahaso yaho |  
8.084.05c kád u voca idám námaḥ ||  
8.084.06a ádhā tvám hí nas káro víśvā asmábhyam sukṣitīḥ |  
8.084.06c vājadraviṇaso gíraḥ ||  
8.084.07a kásya nūnám párīṇaso dhíyo jinvasi dampate |  
8.084.07c góṣātā yásya te gíraḥ ||  
8.084.08a tám marjayanta sukrátum puroyāvānam ājíṣu |  
8.084.08c svéṣu kṣáyeṣu vājínam ||  
8.084.09a kṣéti kṣémebhiḥ sādhubhir nákir yám ghnánti hánti yáḥ |  
8.084.09c ágne suvīra edhate ||

(694)

- 8.085.01a á me hávam nāsatyāśvinā gáchatam yuvám |  
8.085.01c mádhvaḥ sómasya pītáye ||  
8.085.02a imám me stómam aśvinemám me śṛṇutam hávam |  
8.085.02c mádhvaḥ sómasya pītáye ||  
8.085.03a ayám vām kṛṣṇo aśvinā hávate vājínivasū |  
8.085.03c mádhvaḥ sómasya pītáye ||  
8.085.04a śṛṇutam jaritúr hávam kṛṣṇasya stuvató narā |  
8.085.04c mádhvaḥ sómasya pītáye ||  
8.085.05a chardír yantam ádābhyam víprāya stuvaté narā |  
8.085.05c mádhvaḥ sómasya pītáye ||  
8.085.06a gáchatam dāsúṣo gṛhám itthā stuvató aśvinā |  
8.085.06c mádhvaḥ sómasya pītáye ||  
8.085.07a yuñjātham rāsabham ráthe vídvānge vṛṣaṇvasū |  
8.085.07c mádhvaḥ sómasya pītáye ||  
8.085.08a trivandhureṇa trivítā ráthenā yātam aśvinā |  
8.085.08c mádhvaḥ sómasya pītáye ||

8.085.09a nú me gíro nāsatyāśvinā prāvataṃ yuvám |  
8.085.09c mádhvaḥ sómasya pītáye ||

(695)

8.086.01a ubhá hí dasrá bhiśájā mayobhúvobhá dáksasya vácaso babhūváthuḥ |  
8.086.01c tá vāṃ vísvako havate tanūkr̥thé má no ví yaus̥taṃ sakhyā mumócatam ||  
8.086.02a kathá nūnám vāṃ vímanā úpa stavad yuvám dhíyaṃ dadathur vásyaāṣṭaye |  
8.086.02c tá vāṃ vísvako havate tanūkr̥thé má no ví yaus̥taṃ sakhyā mumócatam ||  
8.086.03a yuvám hí śmā purubhujemám edhatúm viṣṇāpvè dadáthur vásyaāṣṭaye |  
8.086.03c tá vāṃ vísvako havate tanūkr̥thé má no ví yaus̥taṃ sakhyā mumócatam ||  
8.086.04a utá tyám vīrám dhanasám r̥jīṣīnaṃ dūrē cit sántam ávase havāmahe |  
8.086.04c yásya svádiṣṭhā sumatīḥ pitúr yathā má no ví yaus̥taṃ sakhyā mumócatam ||  
8.086.05a ṛtēna deváh savitá śamāyata ṛtasya śṛṅgam urviyā ví paprathe |  
8.086.05c ṛtám sāsāha máhi cit pṛtanyató má no ví yaus̥taṃ sakhyā mumócatam ||

(696)

8.087.01a dyumní vāṃ stómo aśvinā krívir ná séka á gatam |  
8.087.01c mádhvaḥ sutásya sá diví priyó narā pātám gaurāv ivériṇe ||  
8.087.02a píbatam gharmám mádhumantam aśvinā barhīḥ sīdatam narā |  
8.087.02c tá mandasāná mánuṣo duroṇá á ní pātám védasā váyah ||  
8.087.03a á vāṃ vísvābhir ūtībhiḥ priyámedhā ahūṣata |  
8.087.03c tá vartír yātam úpa vṛktábarhiṣo júṣtam yajñám dívīṣṭiṣu ||  
8.087.04a píbatam sómam mádhumantam aśvinā barhīḥ sīdatam sumát |  
8.087.04c tá vāvṛdhāná úpa suṣṭutím divó gantám gaurāv ivériṇam ||  
8.087.05a á nūnám yātam aśvināśvebhiḥ pruṣitápsubhiḥ |  
8.087.05c dásrā híraṇyavartanī śubhas patī pātám sómam ṛtāvṛdhā ||  
8.087.06a vayám hí vāṃ hávāmahe vipanyávo víprāso vājasātaye |  
8.087.06c tá valgū dasrá purudáṃsasā dhiyāśvinā śruṣṭy á gatam ||

(697)

8.088.01a tám vo dasmám ṛtīśāham vásor mandānám ándhasaḥ |  
8.088.01c abhí vatsám ná svásareṣu dhenáva índram gīrbhír navāmahe ||  
8.088.02a dyukśám sudānum táviṣṭibhir ávṛtam girím ná purubhójasam |  
8.088.02c kṣumántam vājam śatínam sahasrínam maksū gómantam ímahe ||  
8.088.03a ná tvā brhánto ádrayo vāranta indra vīlávah |  
8.088.03c yád dítsasi stuvaté mávate vásu nákiṣ tād á mināti te ||  
8.088.04a yóddhāsi krátvā śávasotá daṃsánā vísvā jātābhí majmánā |  
8.088.04c á tvāyám arká ūtáye vavartati yám gótamā ájījanan ||  
8.088.05a prá hí ririkśá ójasā divó ántebhyas pári |  
8.088.05c ná tvā vivyāca rája indra pārvivam ánu svadhām vavakṣitha ||  
8.088.06a nákiḥ páriṣṭir maghavan maghásya te yád dāsúṣe daśasyási |  
8.088.06c asmākam bodhy ucáthasya coditá máṃhiṣṭho vājasātaye ||

(698)

- 8.089.01a bṛhád índrāya gāyata māruto vṛtrahántamam |  
8.089.01c yéna jyótir ájanayann ṛtāvṛdho devám devāya jágrvi ||  
8.089.02a ápādhamad abhísastūr asastiháthéndro dyumny ābhavat |  
8.089.02c devás ta indra sakhyāya yemire bṛhadbhāno mārudgaṇa ||  
8.089.03a prá va índrāya bṛhaté māruto bráhmārcata |  
8.089.03c vṛtrám hanati vṛtrahā́ sátákratur vājrena sátáparvaṇā ||  
8.089.04a abhí prá bhara dhr̥ṣatā́ dhr̥ṣanmanah śrávaś cit te asad bṛhát |  
8.089.04c ár̥santv ápo jávasā́ ví mātáro háno vṛtrám jáyā svàḥ ||  
8.089.05a yáj jáyathā apūrvya mághavan vṛtrahátyāya |  
8.089.05c tát pṛthivīm aprathayas tát astabhñā utá dyām ||  
8.089.06a tát te yajñó ajāyata tát arká utá háskṛtiḥ |  
8.089.06c tát vísvam abhibhūr asi yáj jātám yác ca jántvam ||  
8.089.07a āmāsu pakvám áiraya á sūryam rohayo diví |  
8.089.07c gharmám ná sáman tapatā́ suvṛktíbhír júṣtam gírvaṇase bṛhát ||

(699)

- 8.090.01a á no vísvāsu hávya índraḥ samátsu bhūṣatu |  
8.090.01c úpa bráhmāṇi sávanāni vṛtrahā́ paramajyā́ ṛcīṣamaḥ ||  
8.090.02a tvám datā́ prathamó rádhasām asy ási satyá́ ṛśānakṛt |  
8.090.02c tuvidyumnásya yújyā́ vṛṇímahe putrásya sávaso maháh ||  
8.090.03a bráhmā ta indra girvaṇah kriyánte ánatidbhutā |  
8.090.03c imā́ juṣasva haryaśva yójanéndra yá te ámanmahi ||  
8.090.04a tvám hí satyó maghavann ánānato vṛtrā́ bhūri nyṛñjāse |  
8.090.04c sá tvám śaviṣṭha vajrahasta dāsúṣe 'rvāñcam rayím á kṛdhi ||  
8.090.05a tvám indra yaśá asy ṛjīṣí́ śavasas pate |  
8.090.05c tvám vṛtrā́ṇi hamṣy apratīny éka íd ánuttā́ carṣaṇīdhṛtā ||  
8.090.06a tám u tvā́ nūnám asura prácetasam rádho bhāgám ivemahe |  
8.090.06c mahīva kṛtīḥ śaraṇā́ ta indra prá te sumná́ no aśnavan ||

(700)

- 8.091.01a kanyā́ vār avāyatí́ sómam ápi srutávidat |  
8.091.01c ástam bháranty abravíd índrāya sunavai tvā́ śakráya sunavai tvā́ ||  
8.091.02a asaú yá éṣi vīrakó gr̥hám-gr̥ham vicákaśad |  
8.091.02c imám jámbhasutam piba dhānāvantam karambhīnam apūpávantam ukthīnam ||  
8.091.03a á caná tvā́ cikitsāmó 'dhi caná tvā́ némasi |  
8.091.03c śánair iva śanakaír ivéndrāyendo pári srava ||  
8.091.04a kuvíc chákát kuvít kárat kuvín no vásyasad kárat |  
8.091.04c kuvít patidvíṣo yatír índreṇa samgámāmahai ||  
8.091.05a imāni trīṇi viṣṭápā́ tánīndra ví rohaya |  
8.091.05c síras tatásyorvárām ád idám ma úpodáre ||

- 8.091.06a asaú ca yá na urvárád imám tanvám máma |  
 8.091.06c átho tatásya yác chíraḥ sárvā tā romaśá kṛdhi ||  
 8.091.07a khé ráthasya khé 'nasaḥ khé yugásya śatakrato |  
 8.091.07c apālám indra tríṣ pūtvý ákr̥ṇoḥ sūryatvacam ||

(701)

- 8.092.01a pāntam ā vo ándhasa índram abhí prá gāyata |  
 8.092.01c vísvāsāham śatákratum máṃhiṣṭham carṣaṇīnām ||  
 8.092.02a puruhūtám puruṣtutám gāthānyām sánaśrutam |  
 8.092.02c índra íti bravītana ||  
 8.092.03a índra ín no mahánām dātā vājānām nṛtúḥ |  
 8.092.03c mahám abhijñv ā yamat ||  
 8.092.04a ápād u śipry ándhasaḥ sudákṣasya prahoṣīṇaḥ |  
 8.092.04c índor índro yávāsiraḥ ||  
 8.092.05a tám v abhí prārcaténdram sómasya pītáye |  
 8.092.05c tát id dhy àsya várdhanam ||  
 8.092.06a asyá pītvā mádānām devó devásyaújasā |  
 8.092.06c vísvābhí bhúvanā bhuvat ||  
 8.092.07a tyám u vaḥ satrásāham vísvāsu gīrṣv āyatam |  
 8.092.07c ā cyāvayasy ūtáye ||  
 8.092.08a yudhmám sántam anarvāṇam somapām ánapacyutam |  
 8.092.08c náram avāryákratum ||  
 8.092.09a śíkṣā ṇa indra rāyá ā purú vidvām ṛcīṣama |  
 8.092.09c ávā naḥ párye dháne ||  
 8.092.10a átaś cid indra ṇa úpā yāhi śatávājayā |  
 8.092.10c iṣā sahásravājayā ||  
 8.092.11a áyāma dhīvato dhíyó 'rvadbhiḥ śakra godare |  
 8.092.11c jáyema pṛtsú vajrivaḥ ||  
 8.092.12a vayám u tvā śatakrato gāvo ná yávaseṣv ā |  
 8.092.12c ukthéṣu raṇayāmasi ||  
 8.092.13a vísvā hí martyatvanánukāmā śatakrato |  
 8.092.13c áganma vajrinn āśásaḥ ||  
 8.092.14a tvé sú putra śavasó 'vṛtran kāmakātayaḥ |  
 8.092.14c ná tvám indráti ricyate ||  
 8.092.15a sá no vṛṣan sániṣṭhayā sám ghoráyā dravitnvā |  
 8.092.15c dhiyávidḍhi púramdhyā ||  
 8.092.16a yás te nūnám śatakratav índra dyumnítamo mádaḥ |  
 8.092.16c téna nūnám máde madeḥ ||  
 8.092.17a yás te citrásravastamo yá indra vṛtrahántamaḥ |  
 8.092.17c yá ojođátamo mádaḥ ||  
 8.092.18a vidmā hí yás te adrivās tvádattaḥ satya somapāḥ |  
 8.092.18c vísvāsu dasma kṛṣṭíṣu ||  
 8.092.19a índrāya mádvane sutám pári ṣṭobhantu no gíraḥ |

- 8.092.19c arkám arcantu kāravaḥ ||  
8.092.20a yásmin vísvā ádhi śríyo ráṇanti saptá saṃsádaḥ |  
8.092.20c índraṃ suté havāmahe ||  
8.092.21a tríkadrukeṣu cétanaṃ devāso yajñám atnata |  
8.092.21c tám íd vardhantu no gíraḥ ||  
8.092.22a á tvā viśantv índavaḥ samudrám iva síndhavaḥ |  
8.092.22c ná tvám indráti ricyate ||  
8.092.23a vivyáktha mahinā vṛṣan bhakṣám sómasya jāgrve |  
8.092.23c yá indra jatháreṣu te ||  
8.092.24a áraṃ ta indra kukṣáye sómo bhavatu vṛtrahan |  
8.092.24c áraṃ dhāmabhya índavaḥ ||  
8.092.25a áram ásvāya gāyati śrutákakṣo áraṃ gáve |  
8.092.25c áram índrasya dhāmne ||  
8.092.26a áraṃ hí śma sutéṣu ṇaḥ sómeṣv indra bhūṣasi |  
8.092.26c áraṃ te śakra dāvāne ||  
8.092.27a parākāttāc cid adrivas tvám nakṣanta no gíraḥ |  
8.092.27c áraṃ gamāma te vayám ||  
8.092.28a evā hy ási vīrayúr evā śūra utá sthiráḥ |  
8.092.28c evā te rádhyam mánaḥ ||  
8.092.29a evā rātís tuvīmagha víśvebhir dhāyi dhātṛbhiḥ |  
8.092.29c ádhā cid indra me sácā ||  
8.092.30a mó śú brahméva tandrayúr bhúvo vājānām pate |  
8.092.30c mátsvā sutásya gómataḥ ||  
8.092.31a má na indrábhy ádísaḥ sūro aktúṣv á yaman |  
8.092.31c tvá yujá vanema tát ||  
8.092.32a tváyéd indra yujá vayám práti bruvīmahi spṛdhaḥ |  
8.092.32c tvám asmākaṃ táva smasi ||  
8.092.33a tvám íd dhí tvāyávo 'nunónuvataś cárān |  
8.092.33c sákhāya indra kāravaḥ ||

(702)

- 8.093.01a úd ghéd abhí śrutāmagmaṃ vṛṣabhám náryāpasam |  
8.093.01c ástāram eṣi sūrya ||  
8.093.02a náva yó navatím púro bibhédā bāhvòjasā |  
8.093.02c áhiṃ ca vṛtrahāvadhīt ||  
8.093.03a sá na índraḥ śíváḥ sákhāśvāvad gómad yávamat |  
8.093.03c urúdhāreva dohate ||  
8.093.04a yád adyá kác ca vṛtrahann udágā abhí sūrya |  
8.093.04c sárvaṃ tát indra te váse ||  
8.093.05a yád vā pravṛddha satpate ná marā íti mányase |  
8.093.05c utó tát satyám ít táva ||  
8.093.06a yé sómāsaḥ parāvāti yé arvāvāti sunviré |  
8.093.06c sárvaṃs tám indra gachasi ||  
8.093.07a tám índram vāivāmasi mahé vṛtrāva hántave |

- 8.093.07c sá vṛṣā vṛṣabhó bhuvat ||  
8.093.08a índraḥ sá dāmane kṛtá ójiṣṭhaḥ sá máde hitáḥ |  
8.093.08c dyumnī ślokī sá somyáḥ ||  
8.093.09a girā vājro ná sámbhṛtaḥ sábaló ánapacyutaḥ |  
8.093.09c vavakṣá ṛṣvó ástrtaḥ ||  
8.093.10a durgé cin naḥ sugám kṛdhi grṇāná indra girvaṇaḥ |  
8.093.10c tvám ca maghavan vásaḥ ||  
8.093.11a yásya te nū cid ādísam ná minánti svarājyam |  
8.093.11c ná devó nádhrigur jánaḥ ||  
8.093.12a ádhā te ápratiṣkutaṃ devī súṣmaṃ saparyataḥ |  
8.093.12c ubhé suśipra ródasī ||  
8.093.13a tvám etád adhārayaḥ kṛṣṇāsu róhiṇīsu ca |  
8.093.13c páruṣṇīsu rúsat páyaḥ ||  
8.093.14a ví yád áher ádha tviṣó víśve devāso ákramuḥ |  
8.093.14c vidán mrgásya táṃ ámaḥ ||  
8.093.15a ād u me nivaró bhuvad vṛtrahādiṣṭa paúmṣyam |  
8.093.15c ájātaśatrur ástrtaḥ ||  
8.093.16a śrutám vo vṛtrahántamam prá śárdham carṣaṇīnām |  
8.093.16c á suṣe rádhasa mahé ||  
8.093.17a ayá dhiyá ca gavyayá púruṇāman púruṣṭuta |  
8.093.17c yát sóme-soma ábhavaḥ ||  
8.093.18a bodhínmanā íd astu no vṛtrahā bhūryāsutiḥ |  
8.093.18c śṛṇótu śakrá āśísam ||  
8.093.19a káyā tvám na ūtyábhí prá mandase vṛṣan |  
8.093.19c káyā stotṛbhya á bhara ||  
8.093.20a kásya vṛṣā suté sácā niyútvan vṛṣabhó raṇat |  
8.093.20c vṛtrahā sómapītaye ||  
8.093.21a abhí sú ṇas tvám rayím mandasānāḥ sahasríṇam |  
8.093.21c prayantā bodhi dāsúṣe ||  
8.093.22a pátnīvantaḥ sutá imá usánto yanti vītáye |  
8.093.22c apám jágmir nicumpuṇáḥ ||  
8.093.23a iṣṭá hótrā asṛkṣaténdram vṛdhāso adhvaré |  
8.093.23c áchāvabhṛthám ójasā ||  
8.093.24a ihá tyá sadhamādyā hárī híraṇyakeśyā |  
8.093.24c volhám abhí práyo hitám ||  
8.093.25a túbhyaṃ sómāḥ sutá imé stīṇám barhír vibhāvaso |  
8.093.25c stotṛbhya índram á vaha ||  
8.093.26a á te dákṣam ví rocanā dádhad rátnā ví dāsúṣe |  
8.093.26c stotṛbhya índram arcata ||  
8.093.27a á te dadhāmīndriyám ukthá víśvā śatakrato |  
8.093.27c stotṛbhya indra mṛlāya ||  
8.093.28a bhadram-bhadram na á bhareṣam ūrjam śatakrato |  
8.093.28c yád indra mṛlāyāsi naḥ ||  
8.093.29a sá no víśvāny á bhara suvitāni śatakrato |

- 8.093.29c yád indra mṛláyāsi naḥ ||  
 8.093.30a tvām íd vṛtrahantama sutāvanto havāmahe |  
 8.093.30c yád indra mṛláyāsi naḥ ||  
 8.093.31a úpa no háribhiḥ sutám yāhí madānām pate |  
 8.093.31c úpa no háribhiḥ sutám ||  
 8.093.32a dvitá yó vṛtrahántamo vidá índraḥ śatákratuḥ |  
 8.093.32c úpa no háribhiḥ sutám ||  
 8.093.33a tvám hí vṛtrahann eṣām pātá sómānām ási |  
 8.093.33c úpa no háribhiḥ sutám ||  
 8.093.34a índra iṣé dadātu na ṛbhukṣāṇam ṛbhúṃ rayím |  
 8.093.34c vājí dadātu vājínam ||

(703)

- 8.094.01a gaúr dhayati marútāṃ śravasyúr mātá maghónām |  
 8.094.01c yuktvá váhnī ráthānām ||  
 8.094.02a yásyā devá upásthe vratá víśve dhāráyante |  
 8.094.02c sūryāmāsā dṛśé kám ||  
 8.094.03a tát sú no víśve aryá á sádā gṛṇanti kāravaḥ |  
 8.094.03c marútaḥ sómapítaye ||  
 8.094.04a ásti sómo ayám sutáḥ píbanty asya marútaḥ |  
 8.094.04c utá svarájo ásvínā ||  
 8.094.05a píbanti mitró aryamá tánā pūtásya váruṇaḥ |  
 8.094.05c triṣadhashtásya jávataḥ ||  
 8.094.06a utó nv àsya jóṣam áṃś índraḥ sutásya gómataḥ |  
 8.094.06c prátár hóteva matsati ||  
 8.094.07a kád atviṣanta sūráyas tirá ápa iva srídhaḥ |  
 8.094.07c áṛṣanti pūtádaḥsasāḥ ||  
 8.094.08a kád vo adyá mahánāṃ devánām ávo vṛṇe |  
 8.094.08c tmánā ca dasmávarcasām ||  
 8.094.09a á yé víśvā pāṛthivāni papráthan rocaná diváh |  
 8.094.09c marútaḥ sómapítaye ||  
 8.094.10a tyān nú pūtádaḥsasaso divó vo maruto huve |  
 8.094.10c asyá sómasya pítáye ||  
 8.094.11a tyān nú yé ví ródasī tastabhúr marúto huve |  
 8.094.11c asyá sómasya pítáye ||  
 8.094.12a tyám nú mārutaṃ gaṇám giriṣthám vīṣaṇam huve |  
 8.094.12c asyá sómasya pítáye ||

(704)

- 8.095.01a á tvā gíro rathír ivásthūḥ sutéṣu girvaṇaḥ |  
 8.095.01c abhí tvā sám anūṣaténdra vatsám ná mātáraḥ ||  
 8.095.02a á tvā śukrá acucyavuḥ sutása indra girvaṇaḥ |  
 8.095.02c nībā tv ásvándhasa índra víśvasu te hitám ||

- 8.095.03a píbā sómām mādāya kám índra śyenābhṛtaṃ sutám |  
8.095.03c tvám hí śásvatīnām pátī rájā viśám ási ||  
8.095.04a śrudhī hávaṃ tiraścyā índra yás tvā saparyáti |  
8.095.04c suvīryasya gómato ráyás pūrdhi mahám̃ asi ||  
8.095.05a índra yás te návīyasīm gíram mandráṃ ájījanat |  
8.095.05c cikivínmanasaṃ dhíyam pratnám ṛtásya pipyúšīm ||  
8.095.06a tám u ṣṭavāma yám gíra índram ukthāni vāvṛdhúḥ |  
8.095.06c purūṇy asya paúṃsyā síśāsanto vanāmahe ||  
8.095.07a éto nv índram stávāma súddhám̃ súddhéna sámnā |  
8.095.07c súddhaír ukthaír vāvṛdhvāṃsaṃ súddhá āśírvān mamattu ||  
8.095.08a índra súddhó na á gahi súddháḥ súddhábhír útíbhīḥ |  
8.095.08c súddhó rayīm ní dhāraya súddhó mamaddhi somyáḥ ||  
8.095.09a índra súddhó hí no rayīm súddhó rátnāni dāsúṣe |  
8.095.09c súddhó vṛtrāni jighnase súddhó vājam̃ siśāsasi ||

(705)

- 8.096.01a asmā uśāsa ātiranta yāmam índrāya náktam ūrmyāḥ suvācaḥ |  
8.096.01c asmā ápo mātáraḥ saptá tasthur nṛbhyas tárāya síndhavaḥ supārāḥ ||  
8.096.02a átividdhā vithureṇā cid ástrā trīḥ saptá sānu sámhitā girīnām |  
8.096.02c ná tát devó ná mártiyas tuturyād yāni právrddho vṛṣabhás cakāra ||  
8.096.03a índrasya vāja āyasó nímiśla índrasya bāhvór bhūyiṣṭham ójaḥ |  
8.096.03c śīrśānn índrasya krátavo nireká āsānn éśanta śrútyā upaké ||  
8.096.04a mánye tvā yajñíyaṃ yajñíyānām mánye tvā cyávanam ácyutānām |  
8.096.04c mánye tvā sátvanām índra ketúm mánye tvā vṛṣabhám̃ carṣanīnām ||  
8.096.05a á yád vājram bāhvór índra dhátse madacyútam áhaye hántavá u |  
8.096.05c prá párvatā ánavanta prá gāvaḥ prá brahmāṇo abhinákṣanta índram ||  
8.096.06a tám u ṣṭavāma yá imá jajāna víśvā jātāny ávarāṇy asmāt |  
8.096.06c índreṇa mitráṃ didhiṣema gīrbhír úpo námobhir vṛṣabhám̃ viśema ||  
8.096.07a vṛtrásya tvā śvasáthād íśamāṇā víśve devá ajahur yé sákhāyaḥ |  
8.096.07c marúdbhír índra sakhyám̃ te astv áthemá víśvāḥ pṛtanā jayāsi ||  
8.096.08a trīḥ ṣaṣṭís tvā marúto vāvṛdhānā usrā iva ráśāyo yajñíyasaḥ |  
8.096.08c úpa tvémaḥ kṛdhí no bhāgadhéyaṃ súśmaṃ ta ená havíṣā vidhema ||  
8.096.09a tigámam̃ áyudham marútām̃ ánīkam̃ kás ta índra práti vājram dadharṣa |  
8.096.09c anāyudhāso ásurā adevás cakreṇa tám̃ ápa vapa rjīṣin ||  
8.096.10a mahá ugrāya tavāse suvṛktím̃ préraya śívátamāya paśvāḥ |  
8.096.10c gírvāhase gíra índrāya pūrvír dhehí tanvè kuvíd anḡá védat ||  
8.096.11a ukthāvāhase vibhvè manīṣám̃ drúṇā ná pāram̃ irayā nadīnām |  
8.096.11c ní sprśa dhiyá tanvç śrutásya júṣṭatarasya kuvíd anḡá védat ||  
8.096.12a tát vividdhi yát ta índro jújoṣat stuhí suṣṭutím̃ námasá vivāsa |  
8.096.12c úpa bhūṣa jaritar má ruvaṇyaḥ śrāváyā vācam̃ kuvíd anḡá védat ||  
8.096.13a áva drapsó aṃśumátīm̃ atiṣṭhad iyānāḥ kṛṣṇó daśábhiḥ sahasraih̃ |  
8.096.13c ávat tám̃ índraḥ sácya dhámantam̃ ápa snéhitūr nṛmāṇā adhatta ||  
8.096.14a drapsám̃ apaśyaṃ víṣuṇe cárantam̃ upahvaré nadyò aṃśumátyāḥ |



- 8.096.14c nábho ná kṛṣṇám avatasthivāmsam íṣyāmi vo vṛṣaṇo yúdhyaatājaú ||  
8.096.15a ádha drapsó aṃśumátyā upásthé 'dhārayat tanvaṃ titviṣāṇāḥ |  
8.096.15c víšo ádevīr abhy àcārantīr bṛhaspátinā yujéndraḥ sasāhe ||  
8.096.16a tvám ha tyát saptábhyo jáyamāno 'śatrúbhyo abhavaḥ śátrur indra |  
8.096.16c gūlḥé dyāvāpṛthiví án v avindo vibhumádbhyo bhúvanebhyo ránaṃ dhāḥ ||  
8.096.17a tvám ha tyád apratimānám ójo vājreṇa vajrin dhr̥ṣitó jaghantha |  
8.096.17c tvám súṣṇasyāvātiro vádhatrais tvám gā indra śácyéd avindaḥ ||  
8.096.18a tvám ha tyád vṛṣabha carṣaṇīnāṃ ghanó vṛtrāṇāṃ tavišo babhūtha |  
8.096.18c tvám síndhūm̐r asṛjas tastabhānān tvám apó ajayo dāsápatnīḥ ||  
8.096.19a sá sukrátū ráñitā yáḥ sutéṣv ánuttamanyur yó áheva revān |  
8.096.19c yá éka ín náry ápāmsi kártā sá vṛtrahá prátíd anyám āhuḥ ||  
8.096.20a sá vṛtrahéndraś carṣaṇīdhṛt tám suṣṭutyá hávyam huvema |  
8.096.20c sá prāvitā maghávā no 'dhivaktá sá vājasya śravasyāsyā datá ||  
8.096.21a sá vṛtrahéndra ṛbhukṣāḥ sadyó jajñānó hávyo babhūva |  
8.096.21c kṛṇvān apāmsi náryā purūṇi sómo ná pītó hávyaḥ sákhibhyaḥ ||

(706)

- 8.097.01a yá indra bhúja ābharah svārvāṃ ásurebhyaḥ |  
8.097.01c stotāram ín maghavann asya vardhaya yé ca tvé vṛktābarhiṣah ||  
8.097.02a yám indra dadhiṣé tvám ásvam gām bhāgám ávyayam |  
8.097.02c yájamāne sunvatí dáksīṇāvati tásmin tám dhehi mā paṇaú ||  
8.097.03a yá indra sásty avratò 'nuṣvāpam ádevayuh |  
8.097.03c svaīḥ śá évair mumurat póṣyam rayīm sanutár dhehi tám tátaḥ ||  
8.097.04a yác chakrási parāvāti yád arvāvāti vṛtrahan |  
8.097.04c átas tvā gīrbhír dyugád indra keśibhiḥ sutāvāṃ á vivāsati ||  
8.097.05a yád vāsi rocané diváḥ samudrásyādhi viṣṭāpi |  
8.097.05c yát pārthive sádane vṛtrahantama yád antárikṣa á gahi ||  
8.097.06a sá naḥ sómeṣu somapāḥ sutéṣu śavasas pate |  
8.097.06c mādáyasva rádhāsā sūnṛtāvaténdra rāyá párīnasā ||  
8.097.07a má na indra párā vṛṇag bhāvā naḥ sadhamádyah |  
8.097.07c tvám na utí tvám ín na ápyam má na indra párā vṛṇak ||  
8.097.08a asmé indra sácā suté ní ṣadā pītāye mādhu |  
8.097.08c kṛdhí jaritré maghavann ávo mahád asmé indra sácā suté ||  
8.097.09a ná tvā devāsa āsata ná mártvāso adrivaḥ |  
8.097.09c vísvā jātāni śávasābhibhūr asi ná tvā devāsa āsata ||  
8.097.10a vísvāḥ pṛtanā abhibhūtaram náram  
8.097.10b sajūs tatakṣur índram jajanús ca rájāse |  
8.097.10c krátvā váriṣṭham vára āmúrim utógrám ójiṣṭham tavásam tarasvínam ||  
8.097.11a sám īm rebhāso asvarann índram sómasya pītāye |  
8.097.11c svārpātim yád īm vṛdhé dhṛtāvrató hy ójasā sám utíbhīḥ ||  
8.097.12a nemīm namanti cákṣasā meṣám víprā abhisvárā |  
8.097.12c sudītāyo vo adrúhó 'pi kárṇe tarasvínah sám íkvabhiḥ ||  
8.097.13a tám índram johavīmi maghāvānam ugrām  
8.097.13b satrá dádhanam ápratiskutam sávāmsi |

- 8.097.13c máṃhiṣṭho gīrbhír ā ca yajñīyo vavārtad  
 8.097.13d rāyē no vísvā supāthā kṛṇotu vajrī ||  
 8.097.14a tvám púra indra cikíd enā vy ójasā śaviṣṭha śakra nāśayādhyai |  
 8.097.14c tvád vísvāni bhúvanāni vajrin dyāvā rejete pṛthivī ca bhīśā ||  
 8.097.15a tán ma ṛtām indra sūra citra pātv apó ná vajrin duritāti parṣi bhūri |  
 8.097.15c kadā na indra rāyā ā daśasyer vísvāpsnyasya sprhayāyyasya rājan ||

(707)

- 8.098.01a índrāya sáma gāyata víprāya bṛhaté bṛhát |  
 8.098.01c dharmakṛte vipaścíte panasyáve ||  
 8.098.02a tvám indrābhibhūr asi tvám sūryam arocayaḥ |  
 8.098.02c vísvákarmā vísvádevo mahāñ asi ||  
 8.098.03a vibhrājañ jyótiṣā svār ágacho rocanām diváh |  
 8.098.03c devās ta indra sakhyāya yemire ||  
 8.098.04a éndra no gadhi priyáh satrājíd ágohyaḥ |  
 8.098.04c girír ná vísvátas pṛthúḥ pátir diváh ||  
 8.098.05a abhí hí satya somapā ubhé babhūtha ródasī |  
 8.098.05c índrāsi sunvató vṛdháh pátir diváh ||  
 8.098.06a tvám hí śásvatīnām índra dartā purām āsi |  
 8.098.06c hantā dásyor mánor vṛdháh pátir diváh ||  
 8.098.07a ádhā hīndra girvaṇa úpa tvā kāmān maháh sasṛjmāhe |  
 8.098.07c udéva yánta udábhiḥ ||  
 8.098.08a vār ná tvā yavyābhir vārdhanti sūra bráhmāni |  
 8.098.08c vāvṛdhvāmsam cid adrivo divé-dive ||  
 8.098.09a yuñjānti hārī iṣirāsya gāthayoraú rátha urúyuge |  
 8.098.09c indravāhā vacoyújā ||  
 8.098.10a tvám na indrá bharañ ójo ṇṇám śatakrato vicarṣaṇe |  
 8.098.10c ā vírām pṛtanāśāham ||  
 8.098.11a tvám hí naḥ pitā vaso tvám mātā śatakrato babhūvitha |  
 8.098.11c ádhā te sumnám īmahe ||  
 8.098.12a tvám śuṣmin puruhūta vājayántam úpa bruve śatakrato |  
 8.098.12c sá no rāsva suvīryam ||

(708)

- 8.099.01a tvám idā hyó náró 'pīpyan vajrin bhūrṇayaḥ |  
 8.099.01c sá indra stómavāhasām ihá śrudhy úpa svásaram ā gahi ||  
 8.099.02a mátsvā suśipra harivas tād īmahe tvé ā bhūṣanti vedhásah |  
 8.099.02c táva śrāvāmsy upamāny ukthyā sutéṣv indra girvaṇah ||  
 8.099.03a śrāyanta iva sūryam vísvéd índrasya bhakṣata |  
 8.099.03c vásūni jāté jánamāna ójasā práti bhāgām ná dīdhima ||  
 8.099.04a ánarśarātiṃ vasudām úpa stuhi bhadrá índrasya rātayaḥ |  
 8.099.04c só asya kāmam vidható ná roṣati máno dānāya codāyan ||  
 8.099.05a tvám indra nrátūrtisv abhí vísvā asi sródhah |

- 8.099.05c aśastihā janitā viśvatūr asi tvām tūrya taruṣyatāḥ ||  
 8.099.06a ānu te śuśmaṃ turāyantam īyatuh kṣoṇī śiśuṃ ná mātārā |  
 8.099.06c viśvās te spṛdhaḥ śnathayanta manyāve vṛtrāṃ yád indra tūrvasi ||  
 8.099.07a itá ūtī vo ajāram prahetāram āprahitam |  
 8.099.07c āśuṃ jētāram hētāram rathītamam átūrtam tugryāvṛdham ||  
 8.099.08a iṣkartāram āniṣkṛtam sáhaskṛtam śatāmūtiṃ śatákratum |  
 8.099.08c samānám índram ávase havāmahe vásavānaṃ vasūjívam ||

(709)

- 8.100.01a ayám ta emi tanvè purástād víśve devā abhí mā yanti paścāt |  
 8.100.01c yadā máhyam dídharo bhāgám indrád ín máyā kṛṇavo vīryāṇi ||  
 8.100.02a dádhāmi te mádhuno bhakṣám ágre hitás te bhāgāḥ sutó astu sómaḥ |  
 8.100.02c áśas ca tvām dakṣinatāḥ sákhā mé 'dhā vṛtrāṇi jaṅghanāva bhūri ||  
 8.100.03a prá sú stómam bhārata vājayánta índrāya satyám yádi satyám ásti |  
 8.100.03c néndro astīti néma u tva āha ká īṃ dadarśa kám abhí ṣṭavāma ||  
 8.100.04a ayám asmi jaritaḥ pásya mehá víśvā jātāny abhy àsmi mahnā |  
 8.100.04c ṛtāsya mā pradīśo vardhayanty ādardiró bhúvanā dardarīmi ||  
 8.100.05a á yán mā venā áruhann ṛtāsyañ ékam áśīnam haryatāsya pṛṣṭhé |  
 8.100.05c mánaś cin me hṛdá á práty avocad ácikradañ chísumantaḥ sákhāyaḥ ||  
 8.100.06a vísvét tá te sávaneṣu pravācyā yá cakārtha maghavann indra sunvaté |  
 8.100.06c pāravataṃ yát purusambhrtāṃ vásv apāvṛṇoḥ śarabhāya ṛṣibandhave ||  
 8.100.07a prá nūnám dhāvata pṛthané há yó vo ávāvarīt |  
 8.100.07c ní ṣīm vṛtrāsya mármaṇi vājram índro apīpatat ||  
 8.100.08a mánojavā áyamāna āyaśīm atarat púram |  
 8.100.08c dívam suparnó gatvāya sómam vajrīna ābharat ||  
 8.100.09a samudré antāḥ śayata udnā vājro abhívṛtaḥ |  
 8.100.09c bhāranty asmai samyátaḥ purāḥprasravaṇā balím ||  
 8.100.10a yád vāg vādanty avicetanāni ráṣṭrī devānām niśasāda mandrá |  
 8.100.10c cátasra ūrjam duduhe páyāmsi kvà svid asyāḥ paramám jagāma ||  
 8.100.11a devīm vācam ajanayanta devās tám viśvárūpāḥ pasávo vadanti |  
 8.100.11c sá no mandréṣam ūrjam dúhānā dhenúr vāg asmān úpa súṣtutaítu ||  
 8.100.12a sákhe viṣṇo vitarám ví kramasva dyaúr dehí lokám vājṛāya viṣkábhe |  
 8.100.12c hánāva vṛtrāṃ riṇácāva síndhūn índrasya yantu prasavé vísrṣṭāḥ ||

(710)

- 8.101.01a ṛdhag itthá sá mártyaḥ śásamé devátātaye |  
 8.101.01c yó nūnám mitrávaruṇāv abhíṣṭaya ācakré havýádātaye ||  
 8.101.02a vārsiṣṭhakṣatrā urucákṣasā nārā rájānā dírghaśrúttamā |  
 8.101.02c tá bhūtā ná daṃsānā ratharyataḥ sākám sūryasya raśmībhiḥ ||  
 8.101.03a prá yó vām mitrávaruṇājiró dūtó ádravat |  
 8.101.03c áyaḥśīrṣā máderaghuḥ ||  
 8.101.04a ná yáḥ sampīche ná púnar hávītave ná samvādāya rámate |

- 8.101.04c tasmān no adyā sámṛter uruṣyatam bāhúbhyāṃ na uruṣyatam ||  
8.101.05a prá mitráya práryamṇé sacathyāṃ ṛtāvaso |  
8.101.05c varūthyāṃ várūṇe chāndyaṃ váca stotrāṃ rájasu gāyata ||  
8.101.06a té hinvire aruṇāṃ jényaṃ vásv ékam putráṃ tisṛṇāṃ |  
8.101.06c té dhāmāny amṛtā mártyanām ádabdhā abhí cakṣate ||  
8.101.07a á me vacāṃsy údyatā dyumáttamāni kártvā |  
8.101.07c ubhá yātaṃ nāsatyā sajóṣasā práti havýāni vītāye ||  
8.101.08a rātīm yád vām arakṣāsaṃ hávāmahe yuvābhyāṃ vājinīvasū |  
8.101.08c prácīm hótṛāṃ pratirántāv itaṃ narā gṛṇānā jamádagninā ||  
8.101.09a á no yajñāṃ divispṛśaṃ váyo yāhí sumánmabhiḥ |  
8.101.09c antāḥ pavítṛa upári śrīṇānò 'yāṃ śukró ayāmi te ||  
8.101.10a véty adhvaryúḥ pathíbhī rájiṣṭhaiḥ práti havýāni vītāye |  
8.101.10c ádhā niyutva ubháyasya naḥ piba súciṃ sómaṃ gávāsiram ||  
8.101.11a bán mahám̐ asi sūrya bál̐ áditya mahám̐ asi |  
8.101.11c mahás te sató mahimá panasyate 'ddhá deva mahám̐ asi ||  
8.101.12a bát̐ sūrya śrávasā mahám̐ asi satrá deva mahám̐ asi |  
8.101.12c mahnā devānām asuryāḥ puróhito vibhú jyótir ádābhyam ||  
8.101.13a iyāṃ yá nícy arkínī rūpā róhiṇyā kṛtā |  
8.101.13c citréva práty adarśy āyaty àntár daśásu bāhúṣu ||  
8.101.14a prajā ha tísro atyāyam īyur ny ànyā arkám abhíto viviśre |  
8.101.14c bṛhád dha tasthau bhúvaneṣv antāḥ pávamāno haríta á viveśa ||  
8.101.15a mātā rudrāṇāṃ duhitā vásūnām svásādityānām amṛtasya nābhiḥ |  
8.101.15c prá nú vocaṃ cikitúṣe jánāya má gām ánāgām áditim vadhiṣṭa ||  
8.101.16a vacovídaṃ vācam udīráyantīm vísvābhir dhībhir upatíṣṭhamānām |  
8.101.16c devīm devébhyaḥ páry eyúṣim gām á māvṛkta mártyo dabhrácatāḥ ||

(711)

- 8.102.01a tvám agne bṛhád váyo dádhāsi deva dāsúṣe |  
8.102.01c kavír gṛhápatir yúvā ||  
8.102.02a sá na īlānayaḥ sahá devám̐ agne duvasyúvā |  
8.102.02c cikíd vibhānav á vaha ||  
8.102.03a tváyā ha svid yujá vayāṃ códiṣṭhena yaviṣṭhya |  
8.102.03c abhí ṣmo vājasātaye ||  
8.102.04a aurvabhrguvác chúcim apnavānavád á huve |  
8.102.04c agním samudrávāsasam ||  
8.102.05a huvé vātasvanaṃ kavím parjányakrandyaṃ sáhaḥ |  
8.102.05c agním samudrávāsasam ||  
8.102.06a á savāṃ savitúr yathā bhágasyeva bhujím huve |  
8.102.06c agním samudrávāsasam ||  
8.102.07a agním vo vṛdhántam adhvarāṇām purūtāmam |  
8.102.07c áchā náptre sáhasvate ||  
8.102.08a ayāṃ yáthā na ābhúvat tváṣṭā rūpéva tákṣyā |  
8.102.08c asyá krátvā yásasvataḥ ||

- 8.102.09a ayám víśvā abhí śríyo 'gnír devéṣu patyate |  
8.102.09c á vājair úpa no gamat ||  
8.102.10a víśveṣām ihá stuhi hótṛṇām yaśástamam |  
8.102.10c agním yajñéṣu pūrvyám ||  
8.102.11a śírám pāvakásociṣam jyéṣṭho yó dámeṣv á |  
8.102.11c dīdāya dīrghaśrúttamaḥ ||  
8.102.12a tám árvantaṃ ná sānasīm grṇīhí vipra śuṣmīṇam |  
8.102.12c mitráṃ ná yātayājjanam ||  
8.102.13a úpa tvā jāmayo gíro dédíśatīr haviṣkṛtaḥ |  
8.102.13c vāyór ánīke asthiraṃ ||  
8.102.14a yásya tridhātv ávṛtam barhís tasthāv ásaṃdinam |  
8.102.14c ápaś cin ní dadhā padám ||  
8.102.15a padám devásya mīlhúśó 'nādhṛṣṭābhir ūtībhiḥ |  
8.102.15c bhadrā sūrya ivopadīk ||  
8.102.16a ágne ghṛtásya dhītībhis tepāno deva śociśā |  
8.102.16c á devān vakṣi yáksi ca ||  
8.102.17a tám tvājananta mātáraḥ kavīm devāso aṅgiraḥ |  
8.102.17c havjavāham ámarthyam ||  
8.102.18a prácetasam tvā kavé 'gne dūtám váreṇyam |  
8.102.18c havjavāham ní ṣedire ||  
8.102.19a nahí me ásty ághnyā ná svádhitiṣ vānanvati |  
8.102.19c áthaitādīg bharāmi te ||  
8.102.20a yád agne káni káni cid á te dārūni dadhmási |  
8.102.20c tá juṣasva yaviṣṭhya ||  
8.102.21a yád áty upajīhvika yád vamró atisárpati |  
8.102.21c sárvaṃ tād astu te ghṛtám ||  
8.102.22a agním índhāno mánasā dhíyam saceta mártyaḥ |  
8.102.22c agním īdhe vivásvabhiḥ ||

(712)

- 8.103.01a ádarśi gātuvíttamo yásmin vratāny ādadhūḥ |  
8.103.01c úpo śu jātám áryasya vārdhanam agním nakṣanta no gírah ||  
8.103.02a prá daívodāso agnír devāñ áchā ná majmánā |  
8.103.02c ánu mātaram pṛthivīm ví vāvṛte tasthaú nākasya sānavi ||  
8.103.03a yásmād réjanta kṛṣṭáyaś carkṛtyāni kṛṇvatāḥ |  
8.103.03c sahasrasām medhásātāv iva tmánāgnīm dhībhiḥ saparyata ||  
8.103.04a prá yám rāyé nínīṣasi mártó yás te vaso dáśat |  
8.103.04c sá vīram dhatte agna ukthaśaṃsīnam tmánā sahasrapoṣīnam ||  
8.103.05a sá dr̥hē cid abhí tṛṇatti vājam árvatā sá dhatte ákṣiti śrávaḥ |  
8.103.05c tvé devatrā sádā purūvaso víśvā vāmāni dhīmahi ||  
8.103.06a yó víśvā dáyate vásu hótā mandró jánānām |  
8.103.06c mádhora ná pātrā prathamāny āsmai prá stómā yanty agnáye ||  
8.103.07a ásvam ná gīrbhí rathyām sudānavo marmṛjyānte devayávaḥ |  
8.103.07c ubhé toké tánave dasma víśnate nársi rádho maśhónām ||

- 8.103.07c *āṅgānāṁ pāṇānāṁ pāpānāṁ pāpānāṁ pāpānāṁ ॥*  
8.103.08a *prá máṁhiṣṭhāya gāyata ṛtāvne bṛhaté śukrásociṣe |*  
8.103.08c *úpastutāso agnáye ॥*  
8.103.09a *ā vaṁsate maghāvā vīrávad yásah sámiddho dyumny āhutaḥ |*  
8.103.09c *kuvín no asya sumatír návīyasy áchā vājebhir āgámat ॥*  
8.103.10a *préṣṭham u priyāṇāṁ stuhy āsāvátithim |*  
8.103.10c *agnīm ráthānām yámam ॥*  
8.103.11a *úditā yó nídita véditā vásv ā yajñīyo vavártati |*  
8.103.11c *duṣṭārā yásya pravaṇé nór máyo dhiyá vājam síṣāsataḥ ॥*  
8.103.12a *mā no hr̥ṣītām átithir vásur agníḥ purupraśastá eṣāḥ |*  
8.103.12c *yāḥ suhótā svadhvarāḥ ॥*  
8.103.13a *mó té riṣan yé áchoktibhir vasó 'gne kébhiś cid évaiḥ |*  
8.103.13c *kīrís cid dhí tvām ítte dūtyāya rātāhavyaḥ svadhvarāḥ ॥*  
8.103.14a *āgne yāhi marútsakhā rudrēbhiḥ sómapītaye |*  
8.103.14c *sóbharyā úpa suṣṭutím mādāyasva svàṇnare ॥*